

LE A MATIU NA SĒB A YESU 'YĒR NŪŌ

^I A Yesu Kırıstıto sãakpãmıne nı nyã, wɔ yin a Nãa David nı Abraham bal pɔ,

^{II} Abraham le ı Isaakı sãa, ka Isaakı mı ı Jekɔb sãa, ka Jekɔb mı dɔɔ ı Juda sãa nı a wɔ yĕĕr,

^{III} ka Juda mı ı Perejı nı Jera sãa, ka ba ma di Tamar, nı Perejı na ı Hejoron sãa, ka Hejoron mı ı Aram sãa,

^{IV} ka Aram mı ı Aminadab sãa, ka Aminadab mı ı Nason sãa, ka Nason mı ı Salmon sãa,

^V ka Salmon mı ı Boajı sãa, ka a wɔ ma di Worahab, ka Boajı mı ı Obed sãa, a wɔ ma le Wɔruf, ka Obed mı ı Jesı sãa,

^{VI} ka Jesı mı ı a Nãa David sãa. David le ı a Solomon sãa, ka a wɔ ma dɔɔ ı a Yuriya pɔɔ.

^{VII} Ka a Solomon mı ı Wɔrehobom sãa, ka Wɔrehobom mı ı Abija sãa, ka Abija mı ı Asa sãa,

^{VIII} ka Asa mı ı Jehosafatı sãa, ka a Jehosafatı mı ı Jehoram sãa, ka Jehoram mı ı Yujiya sãa,

^{IX} ka Yujiya mı ı Jotam sãa, ka Jotam mı ı Ahajı sãa, ka Ahajı mı ı Hejıkiya sãa,

^X ka Hejıkiya mı ı Manase sãa, ka Manase mı ı Amɔn sãa, ka Amɔn mı ı Josiya sãa,

^{XI} ka Josiya mı ı Jekoniya sãa, nı a wɔ yĕĕr a sɔɔ 'lo ban bar a ba tĕe tı chen tı kpıĕĕ Babilon tĕe.

^{XII} Ban wa tı be a Babilon tĕe pɔ, Jekoniya le ı a Sealtıel sãa, ka Sealtıel ı Jerubabel sãa,

XIII ka Jerubabel mı ı Abiud sãa, ka Abiud mı ı Eliyakim sãa, ka Eliyakim mı ı Ajor sãa,

XIV ka Ajor mı ı Jadok sãa, ka Jadok mı ı Achım sãa, ka Achım mı ı Eliud sãa,

XV ka Eliud mı ı Eliyajar sãa, ka Eliyajar mı ı Matan sãa, ka Matan mı ı Jekob sãa,

XVI Jekob mı le ı a Josefı sãa na ı Mæer sıre 'lo le ı a Yesu ma, a Yesu nyã le ı a Nı-iraa.

XVII An yi Abraham tı ta a Nãa David, a Yesu sãakpãmıne ı naa pie nı anaar, an yi Nãa David tı tãn a sɔɔ 'lo a ba dɔdɔmɔsı na nyɔɔr ba chiin a Babilon wer pɔ ba mı ı naa pie nı anaar, an le yi a ba gbãgbaar ıfɔ a Babilon wer pɔ tı tãn a Nı-iraa a ba mı ı pie nı anaar.

XVIII Nıtɔ le a Yesu Kırısıto dɔɔfɔ ye le tu. A wɔ ma Mæer ŋmaan na Josefı baraa tıche baa kul taa sere ε, ka Nãanmın Sıe vɛ ka wɔ tara pɔɔ.

XIX A wɔ baraa Josefı na ı nıtor jũu, ba bɔɔrɔ ıka wɔ su wɔ vı nıyɔɔ pɔ ε, ka wɔ tıer ıka wɔ sool bar wɔ jaa jomm.

XX Wɔn wa tıer a ye le nyã maalfɔ, ka a Nãanmın malaka wa a wɔ sɛ jãn pɔ wa 'yer, “Josefı, David bie, ta joro dãbãe ıka fɔ de a Mæer ka wɔ ı a fɔ pɔɔ ε, a bie na be a wɔ pɔom yin a Nãanmın Sıe kpɛɔ pɔ.

XXI Wɔn dɔɔn dabile ka fɔ na bɔɔlɔ a wɔ yuor Yesu, 'lo le na faa a wɔ nıbe yin a ba yeldɛbe pɔ.”

XXII Anyã a jaa ı naa ka a wiil a sı Soro 'yerbie won dɔɔ 'yer tu a wɔ 'ye'yerε pɔ ı yelmãe,

XXIII “Nyε a pɔɔsarbile na tara na pɔɔ dɔɔ dabile, ban 'yɔɔn a wɔ yuor Emanuwel,” (*Isaiya 7:14*) a par le, Nãanmın ben a sı sɛ.

XXIV Josefo na wa jεo a gōo pɔ, wɔ ɪn a le jaa a Nāanmɪn malaka na 'yer ɪka wɔ ɪ. Ka wɔ de a Mæer ka wɔ ɪ a wɔ pɔɔ,

XXV tɪche baa loo sōo ε, tɪ tãn a sōo 'lo wɔn doo a dabile, na wɔ 'yōo a wɔ yuor Yesu.

II

I Yesu ban wa doo Betulehem tēe a Judiya paal pɔ a Nāa Herod sōo, yē dēme yin be a Jerusalem sapar wa,

II na ba wa soro, “Nyɪne le a bie be ban doo ka wɔ ɪ a Juu nɪbe nāa? Sɪ nye naa a wɔ nmerbir a sapar ɪka sɪ wa puor wɔ.”

III A Nāa Herod na wa wō a le wɔ pɔɔ sōo naa, ka Jerusalem nɪyɔɔ pɔɔr mɪ sōo,

IV be le wɔ bɔɔl a Juu nɪbe bɔɔrlo nɪbere nɪ a neε wiwiilbe sɔɔr bɔɔrɔ ɪka wɔ bōo a jie 'lo ban na doo a Nɪ-iraa.

V Ka ba 'yer kɔ wɔ, “Betulehem na be Judiya, le le a Nāanmɪn 'ye'yere dōo seb bin,

VI ‘Fōo Betulehem na be a Judiya paal pɔ, fōo le ɪ jaa pɔɔrbile a Juda kpāen dēme pɔ, fɔ pɔ le a kpēo sɔɔ na yi kaara a n nɪbe Isɪral.’ ” (*Mika 5:2*)

VII Be le ka Herod sɔɔl bɔɔl a yē dēme bala sɔɔr ba a sōo 'lo a nmerbir na pur wa.

VIII Be le wɔ tara ba chiin Betulehem tɪ 'yer, “Yɪ chen tɪ yɔɔɔ a bie kaa ne ne, yin wa nye wɔ yɪ lɪeb wa 'yer kɔ ma ka n mɪ chen tɪ puor wɔ.”

IX Ban wa chel a nāa 'yer baar, ba yin lo a sɔɔr chiine, a nmerbir 'lo ban nye a sapar de ban nie tɪ ara a jie 'lo a bie na be.

X Ban wa nye ka a ηmerbir ara nõo kpe ban yoo jaa.

XI Ban kpe a yir po, ba nyen a bie ni a wo ma Meer, na ba gbur dumo puor wo. Be le ba tu a ba woor po ir kofusi na i selma, nyinyibi kaa nyuu nõo ni kanyuu ala ban boolo sumura ko wo.

XII Tiche Naaηmɪn dõo kpaa ba a jãn po, uka ba ta le leb chen a Naa Herod se e, ka ba tu jiyuo kul a ba tee.

XIII A ye bõonbo na wa chen baar, a Naaηmɪn malaka wan Josefo se jãn po wa 'yer ku wo, "Vaa ir 'moo a bie ni a wo ma, na fo jo chiin be Ijipitu wer po, na fo ti be a be wa ti tan a sõo 'lo in na 'yer ku fo, bojuu a Herod ni a wo nibe booro na a bie kofõ."

XIV Ka a Josefo ir 'moo a bie ni a wo ma a tãsoo bãn jo chiin be a Ijipitu.

XV Be le wo ti jãne ti tan a sõo 'lo a Naa Herod na wa kpi. A yelɪ anyã i naa le ka a na i yelmãe uka a le a si Soro 'ye'yere na dõo 'yer uka, "Ijipitu po le in bool a n bie yin." *(Hosea 11:1)*

XVI A Naa Herod na wa bõon uka a ye dẽme banyã na yi a sapar bel wo naa a suur kpe wo a wo 'yer ku a wo sojasi uka ba chen ti ku dabile jaa na be a Betlehem na ta yuom ayi bu na ba ta sere e, yi a sõo 'lo jaa won suor bõon yi a ye bõonbo se.

XVII A le jaa a Naaηmɪn 'ye'yere Jeremiya na dõo 'yer i yelmãe,

XVIII "Ba wõn kãkor be a Wurama tee po, kõiyeɪl ni wuur kpãen, Wurachel le kõnõ a wo bibiir 'yõo. Ba kpi na, waa le booro 'maalfõ e bojuu baa le chene go e." *(Jeremiya 31:15)*

XIX Herod na wa kpi, Nāanmın malaka wan Josefo sē be a Ijipiti jān pɔ wa 'yer,

XX “Vaa ir 'moo a bie ni a wɔ ma na fɔ chiin a Isıral wer pɔ, a bala na dɔo buoro a bie kofɔ kpi naa.”

XXI Josefo vaan ir 'moo a bie ni a wɔ ma chiin a Isıral wer pɔ.

XXII Tıche won wa wɔ ıka Archelaus le di a nāa a Judiya a wɔ sāa kuu puor, wɔ joro na dābāe ıka wɔ le chen a be. Ka a Nāanmın wa kpāa wɔ a jān pɔ ıka wɔ chen be Galilee paal pɔ.

XXIII Be le wɔ chen Najaretı tı kpiere a be, ka a le Nāanmın 'ye'yere na dɔo 'yer ı yelmāe, “Ban buol wɔ naa Najaretı nıre.”

III

I Sɔo kɔo le a Joon kɔsuor moolo a Judiya mɔgɔo pɔ

II 'yere, “Yı lieb a yı befɔ, a Nāanmın nāalõo ta na.”

III Joon nyā 'yer le a Nāanmın 'ye'yere Isaiya dɔo 'yer a wɔ 'yer, “Kokor kɔo le gɔnɔ 'yere be a mɔgɔo pɔ, choor a sı Soro sor, maal a wɔ sobie ka a tor.”

(Isaiya 40:3)

IV Nyooma koolo fuu le Joon ma su tı de gān a lūn a sıe. Soor ni sıkāa le ı a wɔ bõdiir.

V Nıyoo yin a Jerusalem ni Judiya chiine a wɔ sē ni a bala na yi a Jordan man koor.

VI Ba woro naa a ba yeldebe tı wɔ suoro ba a Nāanmın kɔo be a Jordan man pɔ.

VII Joon na wa nye a Faraseemıne ni a Saduseemıne na waara a Nāanmın kɔo sofo jie,

ka wɔ 'yer kɔ ba, “Yɪn waa bibiir, an n 'yer kɔ yɪ ɪka yɪ jo yɪ a Nāanmɪn suur na waara mɔ̃?”

VIII Yɪ vɛ ka a yɪ lɛ befɔ wiil ɪka yɪ lɛɛb a yɪ tɪɛr.

IX Yɪ ta chɛnɛ ŋmara jir 'yɔ̃ɔn yɪ mǎɛ ɪka, ‘Abraham lɛ ɪ a sɪ sǎa ɛ.’ N 'yɛrɛ na kɔrɔ yɪ ɪka Nāanmɪn na tɔ̃ɔn maal a kɔsɪbɛ anyǎna ka a lɛɛb ɪ a Abraham bibiir.

X A 'lar dɔɔl a tɪɛ pɪlɛm gu a ŋmaafɔ, tɪɛ jaa ba wa wɔ̃nɔ̃ wɔ̃ sɔ̃n ɛ ban ŋmaa wɔn lɔb 'yɔ̃ɔ bɪu pɔ.

XI “Maa 'lɔ suoro yɪn nɪ kɔ̃ɔ ka yɪ na lɛɛb a yɪ befɔ, tɪɛɛ nɪrɛ āsɔɔ na tara kpɛ̃ɔ gar ma ben a n puor waara, a wɔ nafɔɔr gba ba sɛɛ ɪka n tuo ɛ. 'Lɔ lɛ na de a Nāanmɪn Sɪɛ nɪ bɪu son yɪ.

XII A ŋmayɪlɛlaa ben a wɔ nɪu pɔ, ka wɔ na yɪl a mɔ̃ɪ a vafɔ jie na wɔ kpaar a bie 'yɔ̃ɔ a boor pɔ tɪ chɔm a sɔ̃sɔɔr nɪ bɪu 'lɔ na ba tara kpɪ̃ɪnfɔ bar.”

XIII Yesu yɪn a be a Galilee chen a Jordan man pɔ, ka a Joɔn na tɪ so wɔ a kɔ̃ɔ.

XIV Joɔn ba ta bɔɔrɔ ɪka wɔ so wɔ ɛ, na wɔ 'yer fɔ̃ɔ lɛ sɛɛ ɪka fɔ so ma tɪɛɛ ka fɔ lɛ wa a n sɛ go?

XV Tɪɛɛ ka Yesu 'yer kɔ wɔ, “Vɛ ka a ɪ a lɛ a pɔ̃pǎanyǎ, a vɪl na ɪka sɪ ɪ a lɛ jaa Nāanmɪn na bɔɔrɔ.” Ka Joɔn sɔɔ lɛ a Yesu na 'yer.

XVI A lɛ wɔn wa so a Yesu a kɔ̃ɔ baar, a wɔ yɪ a kɔ̃ɔ pɔ, a sɔ̃ɔ 'lɔ̃nɔ̃ lɛ wɔ nyɛ a saaju na yuo a wɔ nyɛ a Nāanmɪn Sɪɛ na kaara ŋmam kaar suu wa mar a Yesu ju.

XVII Tɪ a kɔkɔr yɪ a Nāanmɪn sɛ a saaju 'yɛrɛ, “A anyǎna lɛ ɪ a n binɔ̃nǎa ka a n 'yɔ̃ɔ ma 'maa nɪ wɔ.”

IV

I A Nāaŋmɪn Siε tara na Yesu kpɛ̃n a mɔgɔɔ pɔ, ka a tɪ tɪ bɛɛr wɔ kaa.

II Waa di bon jaa ber lɪjaayi nɪ tāsɔɔ gbulo lɪjaayi ε, ka kɔ̃ kpɛ wɔ.

III A 'yer kɔ wɔ, “Ala ɪ fɔ̃ɔ lɛ a Nāaŋmɪn Bie, 'yer kɔ a kɔsɪbɛ a nyāna ka a lɛɛb bɔ̃diir.”

IV Tɪchɛ ka Yesu 'yer kɔ wɔ, “A seb a Nāaŋmɪn gān pɔ ɪka, bɔ̃diir tɛɛ kɔ̃ tɔɔ kɔ nɪrɛ nyevɔr ε, tɪchɛ 'yerbir jaa na yi Nāaŋmɪn nɛɛ pɔ.” (*Mosesɪ Gāma Na Tu Anūu 8:3*)

V A bɛɛr kaa sɔɔ lɛ tara wɔn don a Jerusalem, tɪ wiil wɔ a puorfɔ jie na do gar a jaa,

VI tɪ 'yer kɔ wɔ, “Ala ɪ fɔ̃ɔ lɛ a Nāaŋmɪn Bie, ɔɔ lo a tɛɛ. A seb ɪka, wɔn vɛ̃n ka a wɔ malakasɪ gu fɔ na ba nyɔɔ fɔ nɪ a ba nuur ka fu gber kɔ ŋme kɔsɪr ε.” (*Yiel Gān 91:11, 12*)

VII Ka a Yesu mɪ 'yer kɔ wɔ, “A mɪ seb a Nāaŋmɪn gān pɔ ɪka, ta bɛɛr a yi Nāaŋmɪn kaa ε.” (*Mosesɪ Gāma Na Tu Anūu 6:16*)

VIII A tɪ lɛ tara wɔn don tɔɔ ju tɪ wiil wɔ a nāa di jiir a jaa na be ka a wɛr pɔ, na a bɔ̃vɪɛlsɪ lɛ an be.

IX Ka wɔ 'yer kɔ wɔ, “In kɔ fɔ naa anyāna a jaa, ala ɪ fɔ gbur dumo puor ma.”

X Yesu 'yer kɔ wɔ, “Fɔ̃ɔ Satan nyā tɔɔ yi be. A seb a Nāaŋmɪn gān pɔ ɪka, a sɪ Soro Nāaŋmɪn tɛɛ lɛ a sɛɛ ɪka yi puoro na yi tɔ̃nɔ̃ kɔrɔ a 'lɔ tɛɛ.” (*Mosesɪ Gāma Na Tu Anūu 6:13*)

XI A tɪ bar wɔn tɪ chen, tɪchɛ ka a Nāaŋmɪn malakasɪ wa sɔ̃ɔ wɔ.

XII Yesu na wa wɔ̃ ɪka ba nyɔɔn Jɔɔn na ba pɔɔ, wɔ chen Galilee.

XIII Wɔ yin Najaretɪ na wɔ tɪ kpɪɛɛ be a Kapenahum a man nɛɛ be Jebulun nɪ Naftalɪ wɛr pɔ.

XIV Ka a lɛ jaa a Nāanɪmɪn 'yɛ'yɛɛ Isaiya na dɔɔ 'yɛɪ ɪ yelmāɛ,

XV “Jebulun wɛɪ, Naftalɪ wɛɪ, a man sɔɪ a Jordan man gɔɔn. Galilee be a nɪyɔɪ na kpɪɛɛ.

XVI A nɪbɛ na dɔɔ be libe pɔ nyen chāa, nɪbɛ bala na ba dɔɔ tara nyevɔɪ Nāanɪmɪn pɔ ɛ, nyen Nāanɪmɪn chāa kpɛɛ.” *(Isaiya 9:1, 2)*

XVII A sɔɔ 'lɔnɔ Yesu piel na wɔ mɔɔlɔ 'yɛɛɛ, “Yɪ lɪɛb a yɪ befo a saaju nāalɔɔ ta na.”

XVIII Yesu na wa de a Galilee man gogoro lana, wɔ nyen yɛɛɪ ayɪ Simon ban bɔɔlɔ Pita nɪ a wɔ yɛbɛ Andirɪ na lɔɔɔ lɔyaar 'yɔɔnɔ a kɔɔ pɔ. Ba dɔɔ ɪ jānyɔɔɔɔɔ.

XIX Ka wɔ 'yɛɪ kɔ ba, “Yɪ turo ma, n vɛ naa ka yɪ nyɔɔɔ nɪbɛ 'yɔɔnɔ a Nāanɪmɪn nāalɔɔ pɔ.”

XX Ka ba tɔɔ tāɛ a lɔyaarɪ bar tɪ na ba turo wɔ.

XXI Wɔn lɛ yɪ a be chiine, wɔ lɛ nyen yɛɛɪ ayɪ, Jemesɪ na ɪ Jebedee bidaba naa a wɔ yɛbɛ Jɔɔn ka ba be a gboro pɔ nɪ a ba sāa Jebedee, maala a ba lɔyaarɪ ka wɔ bɔɔl ba.

XXII A ba tɔɔ tɪɛ a gboro bar nɪ a ba sāa tɪ turo wɔ.

XXIII Yesu yɔn a Galilee wile ba a lɔɔfo jiiɪ tɪ mɔɔlɔ a Nāanɪmɪn nāalɔɔ 'yɛɪ nɔɔ tɪ sāana nɪɛ jaa baal.

XXIV Ka a wɔ yele yaar a Siriya ka ba tara a baalɪ ba jaa waan a wɔ sɛ, bala a baalɪ nɪ āgān ɔɔɔ na nyɔɔ, bala na tara a sɪɛbɛ, banyā baal

tãanaa na nyoo nı gberfo jaa boro, ka wo sãa a ba baalsı.

XXV Nıyoo yin Galilee, nı Dekapolisı, nı Jerusalem, nı Judiya nı a Jordan man gõon wa turo wo.

V

I Yesu na wa nye a nıyoo, wo don tão ju, won wa ti jẽ baar ka a wo poturbo wa a wo sã.

II A wo piel wile ba 'yere,

III “Popel le ko a yın banyãna na ba tara bon jaa ε, ti boro le a Nãanmın na boro. Yın le so a saaju nãalõo.

IV Popel le ko a yın na kõnõ, Nãanmın na 'maan a yı nyãa.

V Popel le ko a yın na siir a yı mæ. Nãanmın na ko ban bon jaa na be a wer po.

VI Popel le ko banyã kõ nı kõnyuur na kpe yeltorsı jũu, ban tu naa.

VII Popel le ko yın banyã na kaara nıre nıbaal, Nãanmın mı na kãan a yı nıbaal.

VIII Popel le ko banyã na nõ Nãanmın sıre, nı a ba nyãa wo jaa, bala le na nye Nãanmın.

IX Popel le ko banyã na boro nyã'maar, ban boro ban Nãanmın bibiir.

X Popel le ko yın bala nıbe na ge yeltorsı jũu, yın le so a saaju nãalõo.

XI “Popel le ko yın a são 'lo nıbe na toro yı, na ba gere yı, ti nmara jırsı 'yere 'yer debe 'yõonõ yı, a maa jũu.

XII Yı tara popel, a yı säyar berma naa a saaju, le nı wo ju le ba dõo ge a Nãanmın 'ye'yerbe na dõo be be.

XIII “Yi kaara fika nyaar a wer pɔ, tiche a nyaar nõo wa baar, ηmune ban le ι wɔ ka wɔ le nõmõ go? A maa le tara tɔnõ kɔ bon jaa ε, ba ma kpaar bar ka nibe neere ni gbee.

XIV “Yi kaara fika chãa a wer pɔ. Yir ban me tɔo ju kɔ tɔo sool ε.

XV Nire maa chom fãtin de pɛ pɔɔ ε tiche wɔ ma bin a kuorgbe ju kɔ chaar yɔo nire jaa a yir pɔ.

XVI Le ni wɔ ju mi le, yin le ι chãa a yi taaba sɛ, ka ba na nye a yi tɔvɛlsɪ na ba pee a yi Sãa Nãanmɪn na be a saaju.

XVII “Yi ta tier ika n wan ika n wa sɔo a nebinãa bu, a Nãanmɪn 'ye'yerbe wiilfo bar ε, n ba wa ika n wa sɔo yaa bar ε, n wan ika n vɛ ka a ι yelmãe.

XVIII Yelmãe le n 'yere kɔɔ yi, ika a saaju ni a wer ba wa baar ε, a sebir bile bõ'yen gba kɔ ir a nebinãa pɔ ε, ti ta a le yeke jaa na ι yelmãe.

XIX A le jũu, nire jaa wa sɔo a nebinsɪ anyãna ãsoo jaa ti wiil a wɔ taaba ka ba mi maala a le, na in a bile a saaju nãalõo pɔ, tiche nyã jaa na maala ti wile bamune ka ba mi maala a le, na in kpɛε a saaju nãalõo pɔ.

XX N 'yere na kɔɔ yi, a yi yeltorsɪ ba wa ti gar a nee wiwiilbe ni a Faraseemune ε, yin ba be na wa kpe a saaju nãalõo pɔ ε.

XXI “Yi wɔn ban dɔo 'yer kɔ a sɪ sãakpãmune, ‘Ta kɔ nire ε,’ (*A Yifo Gãn 20:13*) nire nyã na kɔ nire na nyen 'yer tɔorfɔ.

XXII Tiche n 'yere na kɔɔ yi, ala ι fɔ nyen na yebe suur, wɔn nyen 'yer tɔorfɔ, ala ι fɔ tɔn yebe na nyen 'yer tɔorfɔ a nɪbere niem, fɔo wa 'yer nire ika, jɔl nyã, na kpɛn a bũu dagel 'lo pɔ.

XXIII “Ala wa ɪ fɔ waara nɪ naa a fɔ kofɔ, a Nāaŋmɪn bɔɔr lofɔ jie na fɔ wa tɪɛr tɔ ɪka fɔɔ nɪ a yebe tara na 'yer,

XXIV bar a fɔ bon a Nāaŋmɪn bɔɔr lofɔ jie tɪ lɪɛb chen tɪ 'maal a fɔ yebe tɪ pāa wa de a fɔ bon kɔ a Nāaŋmɪn.

XXV “An ɪ yɪn nɪ a yɪ sān sɔɔ lɛ chiine a 'yer tɔɔrfɔ jie, yɪ mɔlɔ wɔ a sɔr pɔ, ka lɛ ba lɛ ɛ, wɔn de yɪn 'yɔɔ a 'yer tɔɔrɔ nɪu pɔ, ka wɔ de yɪ kɔ a nɪpɔɔraa ka wɔ mɪ pɔɔ yɪ bar.

XXVI Ala be a lɛ, faa be na wa yɪ ka fɔɔ ba wa yab a sān baar ɛ.

XXVII “Yɪ dɔɔ wɔ ban 'yer ɪka ta gān nɪrɛ pɔɔ bu sɪrɛ ɛ. *(A Yifɔ Gān 20:14)*

XXVIII Tɪche n 'yerɛ na kɔrɔ yɪ, nɪrɛ nyā jaa na wa kaa pɔɔ jaa tāu tɪ bɔɔrɔ na gān wɔ, a nɪrɛ 'lo gān wɔ naa a wɔ tɪɛr pɔ.

XXIX Ala ɪ a fɔ nɪsɔɔ nɪbir vɛ naa ka fɔ ɪ yɛlbier, 'loo wɔ bar, a fɔ āgān lɔboor āsɔɔ na ba be be ɛ, sa naa a fɔ āgān wɔ jaa na kpe bɪu pɔ.

XXX Ala ɪ a fɔ nɪsɔɔ nɪu mɪ lɛ vɛ ka fɔ ɪ yɛlbier ɛ, ŋmaa wɔ 'lo bar, a fɔ āgān lɔboor āsɔɔ na ba be be ɛ, sa naa a fɔ āgān wɔ jaa na kpe bɪu pɔ.

XXXI “A mɪ dɔɔ 'yer ɪka, nɪrɛ nyā jaa na tɔr a wɔ pɔɔ bar, wɔ kɔ wɔ a pɔɔ bar gān. *(Mosesɪ Gāma Na Tu Anɪu 24:1)*

XXXII Tɪche n 'yerɛ na kɔrɔ yɪ ɪka, nɪrɛ nyā jaa na tɔr a wɔ pɔɔ bar, ala baa ɪ wɔ sɛnɛ naa ɛ, vɛn kɔ ɪ sɛsɛnɛ, nɪrɛ nyā jaa na kul a pɔɔ 'lo mɪ ɪn sɛsɛnɛ.

XXXIII “Yɪ mɪ lɛ wɔn ban dɔɔ 'yer kɔ a sɪ sākɔpāmɪne, ‘Yɪ taa sɔɔnɔ a nɛɛ 'lo yɪn pɔl 'yɔɔ a yɪ mǎɛ ɛ, tɪche yɪ tara a lɛ yɪn pɔl 'yɔɔ a sɪ Soro.’

XXXIV Tiche n 'yere na koro yi, yi ta po jaa ε, yi ta pon a saaju gba ε, bojũu Nãanmɪn jaa jie le,
 XXXV bu a wer ju, a wo gber doolfɔ jie le bu Jerusalem ε, bojũu be le a Nãkpɛε kpɛre.

XXXVI Ta pon a fo ju ε, fo kɔ tɔo vɛ ka a fo jukoɔl āsoo pel bu sob ε.

XXXVII Yi vɛ ka a yi ɔo i ɔo ka a yi kai i kai, bon 'lo na gar a nitɔ yin a dɛer soo sɛ.

XXXVIII “Yi dɔo wo ban 'yer ɪka nibir na yãan nibir sãn, ka nyɪm mi yaa nyɪm sãn. *(A Yifo Gãn 21:24)*

XXXIX Tiche maa 'yere na koro yi, ta pii a nɪre 'lo na sɔo fo sor ε. Tiche nɪre wa 'ma fo a tokpal nyã po, lieb a nyã le 'yɔo wo.

XL Ka nɪre wa buoro ɪka wo seb fo nãa yir ti de a fo fuu, ko wo a 'lo fon su, na fo yaa a puom bon poo wo.

XLI Nɪkpɛε wa fir fo ɪka fo de a wo tuor tuo chiin niem bãlãa, tuo chiin tɛer jaa.

XLII Ko nɪre jaa na suor fo, ta mɔo nɪre nyã mi na buoro ɪka wo pɛε a fo bon ε.

XLIII “Yi wɔn ban dɔo 'yer ɪka, yi nõ a yi to soo ti 'laar a yi dɔsoo. *(Mosesi Gãma Na Tu Ata 19:18)*

XLIV Tiche maa 'lo 'yere na koro yi, nõ a yi dɔdɛme ti suor Nãanmɪn koro a bala na gere yi,

XLV ka yi na i Nãanmɪn bibiir bojũu 'lo le ma vɛ ka a mɔtɔo pur 'yɔo a nɪdebe ni a nɪsɔn ti na wo ma vɛ ka saa wa 'yɔo a bala na tor ni a bala na ba tor ε.

XLVI Yin nõ a bala na nõ yi tɛε, bo sãyar le yin nyɛ? A lõpodierbe maa mi i a le bu?

XLVII Yın ma puoro a bala tɛɛ na ı a yı nıbe, bo tɔnɔ le be be? A bala na ba ı a Juu nıbe ε, maa mı ı a le bıı?

XLVIII Yı ı nımın a le a yı sãa Nãanmın na be a saaju kaar.

VI

I “Yı bɔɔnɔ sɔ, na yı taa mɔɔlo a yı yeltorsı a nıbe niem ε, ka ba na bɔɔn ε, yın wa ıre a le, yı kɔ nye sãyar a yı sãa Nãanmın na be a saaju sɛ ε.

II “A le jũu, fɔɔ wa de bon kɔ nıre na ba tara ε, ta vɛ ka nıbe bɔɔn ε, fıka le a nɛer ayi dɛme na ma maala a lɔɔfo yie nı a tɛn pɔ ε, ka nıbe na pɛɛ ba ε. Yelmãε le n 'yere kɔro yı ıka, bala nyen a ba sãyar baar.

III A le jũu, fɔɔ wa de bon kɔ nıre na ba tara ε, ta vɛ ka a gubaa nũu bɔɔn a bon 'lo a nũsɔo na maala ε,

IV ka nıre ta bɔɔn a bon fon maala ε, tıche a fo Sãa Nãanmın na nyere yelsɔolsı na kɔ fon a sãyar.

V “Yın maa wa sɔro a Nãanmın, yı ta ma kaara a nɛer ayi dɛme kaar ε, ba ma nɔn ıka ba puoro a lɔɔfo yie pɔ, nı a tɛbere pɔ, nı a sochara pɔ, ka nıbe na nyɛ ba. Yelmãε jaa le n 'yere kɔro yı, ıka ba nyen a ba sãyar baar.

VI Tıche fɔɔ maa wa sɔro a Sãa Nãanmın nyã sın ba nyere ε, kpe a fo die pɔ, tı pɔɔ a pãn, tı sɔor a Sãa Nãanmın na nyere bon jaa, na yab fon a sãyar.

VII Yın maa wa sɔro a Nãanmın, yı ta ma 'yere 'yɛrbie ala na ba tara tɔnɔ ε, le le a bala na ba

bõo Nãanmın ma maala, ba tıer ıka Nãanmın na wõn a ba sũorfũ a ba 'yerbiyoo jũu.

VIII Yı ta kaara a ba kaar ε, a yı Sãa den nie bõon bon 'lo yın bũoro.

IX “Nıtõ le yın ma sũor a Nãanmın. Sı Sãa na be a saaju. Sı kũ naa a fũ yuor tıur.

X A fũ nãalõũ wũ wa. A fũ bõfũ wũ ı a wer pũ, nıtãa le a fũ bõfũ na ıre be a saaju.

XI Kũ sı a dına bõdiir ka a sɛɛn sı.

XII Vẽ a sı yeldebe bar, nıtãa le sın ma vẽ kũ a sı taaba yeldebe bar ba.

XIII Ta sũo ka bɛer kaa nyoo sı ε, faa sı yın a dɛer sũo nũu pũ.

XIV “Yın wa vẽ a yı taaba yeldebe bar ba, a yı Sãa Nãanmın na be a saaju mı na vẽn bar yı.

XV Yın ba wa vẽ a yı taaba yeldebe kũ ba ε, a yı Sãa Nãanmın mı kũ vẽ a yı yeldebe kũ yı ε.

XVI “Yın wa gal kũ, yı ta sũ a yı nin a nɛer ayi dɛme kaar ε, ba ma sũn a ba nin ka a ba taaba nyɛ bõo ka ba gal kũ. Yelmãe le n 'yere kũro yı ıka ba nyen a ba sãyar baar.

XVII Yın wa gal kũ, yı lor a yı nie maal a yı mãe,

XVIII ka nıbe ta bõon yın gal kũ ε, tıche a yı Sãa Nãanmın nyã sın ba nyere ε, a Sãa Nãanmın nyã na nyere yelsũolsı na yab yın a sãyar.

XIX “Yı ta bine a yı nãbonsı ka a wer ju be kpolo, nı sũro, nı na sũo bar ε, nı be nãnyısı nı naa kpe ju ε.

XX Tıche yı bũoro nãbonsı bine a saaju, be le a kpolo nı sũro na kũ tũo sũo bar ε, nı be a nãnyısı na kũ tũo kpe ju ε.

XXI A jie 'lo a fo nābonsi na be, be le a fo tier mi ma be.

XXII “A fo nibir le i a fo āgān chāa. A fo nibir wa i a fo āgān wō jaa ma seen na chāa.

XXIII Tiche a fo nibir ba wa i ε, a fo āgān wō jaa ma in libe. Ala i a chāa 'lo na be a fo pō in libe, nye le a libe na jā.

XXIV “Nire kō tōō tō nibere ayi tōmō ε. Wōn nōn āsōō, ti 'laar āsōō, bi wōnō a āsōō toor, ti ba wōnō āsōō toor ε. Yi kō tōō tō kō Nāanmīn ni libie ε.

XXV “A le jūu, n 'yere na korō yi ika, yi ta vē ka a yi nyevōr yele wōnō yi ka yi 'yere ika, bo le yin di, bi bo le yin nyū ε. Bi waala ika, bo le yin su pōō a āgān ε. A nyevōr ba fer gar a bōdiir ε, ka a āgān mi fer gar a bōsursi ε?

XXVI Yi kaa a lubil na be a saaju. Ba maa bor ε, bi nma ε, bi tara boor ma bin ε, tiche Nāanmīn le guolo ba. Yaa fer gar a lubil bi?

XXVII A yi buor sōō le na waal na wō tōō de bībir bō'yen pōō a wō nyevōr pō?

XXVIII “Ka bo le vē ka yi tiere a bōsursi 'yōō? Yi kaa nye a mōpuul le an ma nōō, ba maa tō ε, bi wob fuu su ε,

XXIX a Nāa Solomon gba ni a wō tur wō jaa ba dōō su fuu ka wō vīele gar a mōpuul a nyāna ε.

XXX Ala i Nāanmīn maal a mōpuul ka a vīele, tiche a maa kor ε. Nibe ma chōm ka a di. A Nāanmīn na ma maal a mōpuul a nitō, wō kaara a yin na i a wō nibe gar a mōpuul anyāna. A yi sōōfō le ba jā bon ε.

XXXI A le jūu, yi ta waala 'yere ika, bo le yin di bi nyū ε, bi bo le yin su ε?

XXXII A bala na ba puor ε, le de a ba tɪer 'yɔ̃o a anyãna pɔ, a yɪ Sãa bɔ̃o naa ɪka yɪ buɔɔ naa a bonɪ anyãna a jaa.

XXXIII Yɪ de nie bɔ a Nãanmɪn nãalɔ̃u nɪ a wɔ yeltorsɪ, tɪche a anyãna a jaa, won den pɔɔ yɪ.

XXXIV A le jũu, yɪ ta waala a bio 'yɔ̃o ε, bio le na waala a wɔ mãe 'yɔ̃o. Bɪbir jaa tara na a wɔ yelwɔ̃nsɪ.

VII

I “Yɪ ta tɔɔr nɪre jaa 'yer ε, ka Nãanmɪn mɪ wa tɔɔr a yɪ 'yer ε.

II Nãanmɪn na tɔɔr a yɪ 'yer nɪtãa le yɪn tɔɔr a yɪ tɔ sɔɔ 'yer. Le fon man tɪ, le mɪ le ban man kɔ fɔ.

III “N̄mɪne a fɔ nyɛ dabile na be a fɔ yebe nɪbir pɔ tɪ ba chele a dakpɛɛ na be a fɔ̃u nɪbir pɔ ε?

IV Bu n̄mɪne fon ɪ 'yer kɔ a fɔ yebe vɛ̃ ka ir a dabile na be a fɔ nɪbir pɔ bar tɪ ba chele a dakpɛɛ na be a fɔ nɪbir pɔ ε?

V Yɪn nɛer ayi dɛme, de nie ir a dakpɛɛ a fɔ nɪbir pɔ bar na fɔ pãa nyere tɔ̃o ir a dabile a fɔ yebe nɪbir pɔ mɪ bar.

VI “Ta de bon na ɪ cheche 'yɔ̃o baar ε, bu lɔb a fɔ bɔ̃vɪɪlsɪ 'yɔ̃o dor ε, ban nɛb na nɪ gbɛɛ tɪ lɪɛb nyɔɔ fɔ.

VII “Yɪ sɔɔr, Nãanmɪn na kɔ yɪ naa. Yɪ yɔbɔ, yɪn nyɛ naa, yɪ kpoor a pãn, won yuo naa.

VIII Nɪre 'lɔ na sɔɔr na nyɛ naa, ka a 'lɔ mɪ na yɔbɔ nyɛ, ka a pãn mɪ yuo kɔ a nɪre 'lɔ na kpoor.

IX “A yɪn na ɪ a sãamɪne, buor sɔɔ bie le na sɔɔr a wɔ sãa bɔ̃diir, ka wɔ de kɔsɪr kɔ wɔ?

X Bu ka a bie sɔɔr jã̄m, ka wɔ de waa kɔ wɔ?

XI Ala ı a yun na ı a yelbe-ırbε bõon bõvıla ma maal kũ a yı bibiir, ηmıne le an ı ka a yı Sãa na be a saaju, kõ de bõvıel kũ a bala na sũr wũ ε?

XII A le yun ma bũrũ ıka a nıbe ba ma maala kũrũ yı, yı mı ma maala a le ban bũrũ kũrũ ba, a nyã le ı a Nebinãa nı a 'Ye'yerbe Wiilfũ.

XIII "Yı tu a dõdõr ful pũ kpe, bojũu a dõdõr yal sũr un jaa kõmõkõmõ tı ı sõõfũ sũr tıche ka nıyũũ turo.

XIV A dõdõr un jaa ful ka nyevũr sũr mı ı jaa kãrakãra ka nıbe bãlãa na tũũ tu.

XV "Yı bõon a jire 'ye'yerbe, ba ma bal ba mãε piir kaar tıche ba un modõ be be na sõonõ.

XVI A ba wõmõ le yun bõon a le ban be. Ba ma pũr 'wõrũ gũtıε ju bu pũr kõkõũ nyaartıε ju ı?

XVII Le mı le tısõ jaa ma wõn wõsõn ka tıdεer mı ma wõ wõdεbe.

XVIII Tısõ ba wõnõ wõdεbe ε bu tıdεer mı ba wõnõ wõsõn ε.

XIX Tıε jaa baa wa wõnõ wõsõn ε, ban ηmaa wũn lũb 'yũũ bũu pũ.

XX A ba wõmõ le yun de bõon ba.

XXI "A ba ı nıre jaa na bũũũ ıka n Soro, n Soro, le na kpe a Nãanmın nãalõũ pũ ε, tıche nıre nyã na maala a le a n Sãa Nãanmın na be a saaju na bũrũ.

XXII A bũbir 'lo daar, nıyũũ na 'yer kũ ma n Soro, n Soro, saa 'yer Nãanmın 'yer a fũ yuor pũ ε, na sı diin a sıdεbe ka a yı a fũ yuor pũ ε, na sı tũ ne'maa tõmõ a fũ yuor pũ ε?

XXIII A daar 'lõnõ un 'yer kũ ba, n ba bõũ yı ε, yı tũũ chen be, yun yelbe-ırbε.

XXIV “A le jũu, nure jaa na wõ a n 'yergie anyãna ti maala a le na kaara fika yẽ sɔɔ na me a wɔ yir dɔɔl pie ju.

XXV Saa wa naa, ka a kɔɔ yɪ yaar jilõ a yir ka a sesebe fu ñme a yir tiche waa lo ε, bojũu wɔ ara na kɔsɪr ju.

XXVI Tiche, nure jaa na wõ a n 'yergie anyãna ti na waa maal ε, kaara fika jol na me a wɔ yir dɔɔl bire ju.

XXVII Saa wa naa, ka a kɔɔ yɪ yaar jilõ a yir, ka a sesebe fu ñme a yir kɔ lo ka a wɔ lofo ι dɛɛr.”

XXVIII Yesu na wa 'yer a 'yergie anyãna baar nɛɛ 'maan a nɪyɔɔ nɪ a wɔ wiilfo,

XXIX bojũu wɔ wile ban nɪ kpɛɔ gar a ba nebinãa wiwiilbe.

VIII

I Yesu na wa yɪ a tɔɔ ju suu nɪyɔɔ turo wɔ naa,

II a nɪyɔɔ na turo wɔ, ka daba ãsɔɔ na tara kɔkɔmɔ baal wa gbur dumo a wɔ niem ti 'yer, “N Soro fɔɔ sɔɔ sãa ma.” (*Mosesɪ Gãma Na Tu Ata 13:3*)

III Ka Yesu tur a wɔ nũu sɪr a daba ti 'yer, “N sɔɔ naa, sa.” Ajienaa ka a daba kɔkɔmɔ baal bar wɔ.

IV Be le ka Yesu 'yer kɔ wɔ, taa 'yere kɔrɔ nure ε, tiche chen ti wiil a fo mãε kɔ a Juu nibe bɔɔrloro na fo chiin a fo kɔfɔ ti ir a nɛɛ 'lo a Mosesɪ na dɔɔ 'yer ka a di dãasɛ.

V Yesu na wa kpe a Kapenahum a sojasɪ nɪdiere chen a wɔ sɛ ti sɔɔr wɔ 'yer,

VI “N Soro, a n tɔtɔnɔ le gã a yir ba tɔɔrɔ ire ε, na wɔ wɔnɔ a ãgãn tuo.”

VII Ka Yesu 'yer kɔ wɔ, “Ɔn wa sa naa a wɔ baal kɔ wɔ.”

VIII Ka a sojasɩ nɔdiere 'yer, “N Soro n ba sɛɛ ɪka fɔ wa a n yir ε, 'yer a 'yerbir tɛɛ, a n tɔtɔnɔ na sa naa.

IX A maa mǎɛ tara na nɔberɛ ɪn joro dǎbǎɛ, naa mɩ tara a sojasɩ ka ba mɩ be a n pɩlem, maa 'yer kɔ nyǎ ɪka wɔ, chen, wɔ ma chen naa, bɩ ǎsɔɔ ɪka, wa, wɔ ma wa naa, bɩ ka n 'yer kɔ a n gbǎgbaa, maal nyǎ, wɔ ma maal naa.”

X Yesu na wa wɔ a nɩtɔ, nɛɛ 'maa wɔ naa ka wɔ 'yer kɔ a bala na turo wɔ, “Yelmǎɛ lɛ n 'yere kɔrɔ yɩ. A Isɩral nɩbɛ pɔ gba, n ba nyɛ a sɔɔfɔ nyǎ tɔ ε.

XI N 'yere na kɔrɔ yɩ ɪka nɩyɔɔ na yin jie jaa wa na ba wa lɔɔ din a Abraham nɩ a Isaaki nɩ a Jekɔb a Nǎanɩmɩn nǎalɔɔ pɔ,

XII tɩche a bala na so a Nǎanɩmɩn nǎalɔɔ, won lɔb ban bar yɔɔ a jilibe pɔ, be lɛ ban kɔnɔ ɔɔrɔ nɩ nyɩmɛ.”

XIII Yesu 'yer kɔ a sojasɩ nɔdiere, “Kulo, a ɩ a lɛ kɔ fɔ, fun tara a sɔɔfɔ jɩu.” A tɔtɔnɔ sa naa a sɔɔ lɔnɔ pɔ.

XIV Yesu na kpe a Pita yir, wɔ nyɛn a Pita dǎɛ ma ǎgǎn na tɔ kɔ gǎ.

XV Wɔ sur a pɔɔ nɩu, ka a ǎgǎn tɔl baar a wɔ ir maal bɔdiir kɔ wɔ.

XVI A jǎanɔɔr lɔnɔ ba waan na nɩyɔɔ a sɩdebe na tara a Yesu sɛ, ka wɔ de a 'yerbir diin a sɩdebe ka a yɩ tɩ sǎa a bala jaa an ɔɔrɔ.

XVII Ka a lɛ jaa a Nǎanɩmɩn 'ye'yere Isaiya na dɔɔ 'yer ɩ yelmǎɛ, “ɪka wɔ den a sɩn baalsɩ a jaa bar.”

(Isaiya 53:4)

XVIII Yesu na wa nye a niyɔɔ na ηmaa jilõ wɔ, ka wɔ 'yer kɔ a wɔ poturbo yi gõɔ a man gõɔn.

XIX A neɛ wiwiilbe äsɔɔ tɔɔn ta wɔ ti 'yer, “Wiwile, jie jaa fɔn chiine in turo fɔ naa.”

XX Ka a Yesu 'yer, “Mɔbaa tara naa bɔɔr ka lubil mi tara choor tiche maa Nɪsaal Bie ba tara jie na bin a n ju ε.”

XXI Ka a wɔ poturo äsɔɔ mi 'yer kɔ wɔ, “N Soro kɔ ma sɔr ka n kul ti ũu a n sãa baar.”

XXII Tiche ka Yesu 'yer kɔ a daba, “Turo ma ti bar ka a kün ũno a ba mãε kün.”

XXIII Yesu na wa kpe a gboro pɔ a wɔ poturbo mi tu won kpe.

XXIV Kõsebe ir a man pɔ, ka a gboro seε kõɔ ire na mɔr tiche ka a Yesu gã gur.

XXV Be le ba chen ti sãi wɔ na ba 'yer, “Sɪ Soro faa sɪ, a kõɔ dire sɪ naa!”

XXVI Ka wɔ sɔɔr ba, “Bo le so ka yi joro a dãbãε? A yi sɔɔfɔ le ba jã bon ε.” Ka a Yesu ir tãn ka a sesebe na ta furo ηmaa vɔɔr ka a kõɔ mi na ta ɔɔrɔ lo jaa jomm.

XXVII Neɛ 'maan a nibe ka ba sɔrɔ taa, ni an le a nyã ka a sesebe ni a kõɔ tu a wɔ neɛ?

XXVIII Yesu na wa ta a Gadara paal pɔ, dɔɔr ayi na tara sɪdebe yɪn a yar par tuor wɔ. Ban ɪ a nibebe jũu, nure jaa maa 'la tu a sɔr 'lɔ ε.

XXIX Ban wa nye a Yesu ba ηmen chelma ti 'yere, “Bo le fɔ bɔɔrɔ ka a sɪ sɛ, fõs Nãanmɪn Bie? Fɔ wan ɪka fɔ wa ge sɪ tiche ka a 'yer tɔɔrfɔ bɪbir wa ta bu?”

XXX Do yɔɔ mi dõɔ ara gbɔr ba dire.

XXXI Ka a sɪdebe sɔɔr wɔ, “Ala ɪ fɔn dii sɪn bar, sɔɔ ka sɪ chen ti kpe a dor anyã pɔ.”

XXXII Ka wɔ 'yer kɔ ba, “Yi chen!” Be le a sɪdebe yi naa kpe a dor pɔ, ka a dor a jaa jo tɪgbil suu ti kpe a man kɔɔ pɔ gbɔm kpi kpi.

XXXIII A bala na kaara a dor jon kul, ban wa ti kɔɪere a tɛe pɔ, ba man bon 'lo jaa na ɪ a bala na tara a sɪdebe ni a le jaa na ɪ a dor.

XXXIV A tɛe wɔ jaa nɪbe yɪn wa a Yesu sɛ; ban wa nye wɔ ba sɔɔr won ɪka wɔ yi a ba wer pɔ.

IX

I Yesu na wa kpe a gboro pɔ, wɔ gɔɔn a man chen a wɔ mɛe tɛe be a Kapenahum.

II Dɔɔr bamɪne tuon daba ni fɔbaa nuur ni a gbɛɛ na kpi waan wa kpɛn wɔ gaal a Yesu niem. Yesu na wa nye le ban sɔɔ de wɔ, ka wɔ 'yer kɔ a baalaa, “N bie ta joro dɔbɔɛ ɛ, a fɔ yeldɛbe vɛn bar.”

III Ka a nɛɛ wiwiilbe bamɪne pɔa jɛ bɔlo 'yɔɔnɔ pɔɔr pɔ, “A daba nyɔ fere na sɔɔnɔ Nɔanɪmɪn yuor.”

IV Yesu bɔɔn a le ban tɪɛr, ka wɔ sɔɔr ba, “Nɪmɪne le yi tɪɛrɛ dɛɛr a yi pɔɔr pɔ?”

V 'Yer buor sɔɔ le ɪ kɔmɔkɔmɔ? N 'yer ɪka a wɔ yeldɛbe vɛn bar bu n 'yer ɪka wɔ ir chiine?

VI Tɪche pɔpɔanyɔ un wiil yi naa ka yi bɔɔn ɪka maa Nɪsaal Bie tara na kpɛɔ a wer pɔ, na vɛ nɪɛ yeldɛbe bar.” Tɪ pɔa 'yer kɔ a gbɛɛ, “Ir 'mɔɔ a fɔ bɔgɔnaa kulo ni.”

VII Ka a daba vaa ir kulo.

VIII A nɪbe na nye a le nɛɛ 'maa ban ka ba pɛɛɛ Nɔanɪmɪn na kɔ nɪsaal a kpɛɔ nyɔ.

IX Yesu na wa yi a be chiine, wɔ nyɛn daba na di Matiu na jãɛ a lõpoo defo jie, ka wɔ 'yer kɔ wɔ, "Ir turo ma," ka a Matiu ir turo wɔ.

X Ka ba 'mataa kul a wɔ yir ti jẽ dire ka a lõpodiere ni a yelbe-ɪrɛ yɔɔ wa pɔɔ ba ni a Yesu poturbo ka ba 'mataa dire.

XI A Faraseemune na wa nyɛ a nɪtõ ba sɔɔr a Yesu poturbo, "Bo ɛ so ka a yi wiwile 'mataa dire ni a lõpodierbe ni a yelbe-ɪrɛ?"

XII Yesu wõn a ɛ ban 'yer, ka wɔ 'yer kɔ ba, "Nɪrɛ na kpɛmɛ ba chiine titile jie ɛ, tɪɛ baalaa ɛ ma chen.

XIII Tɪɛ yi kul ti tɪɛr a ye le nyã kaa, 'N bɔɔrɔ na nɪbaal a ba ɪ dõn bɔɔr lofɔ ɛ.' *(Hosea 6:6)* N ba wa ɪka n wa bɔɔl a bala na tor ɛ, tɪɛ n wan ɪka n wa bɔɔl a yelbe-ɪrɛ."

XIV Ka a Jɔɔn poturbo wa a wɔ sɛ wa sɔɔr, "Nɪmune a sun ni a Faraseemune ma gal kõ tɪɛ ka a fɔ poturbo 'lo maa gal kõ ɛ?"

XV Ka a Yesu sɔɔr ba, "Fɔn tõ maal a bala ban bɔɔl a pɔɔ paalaa jie ka ba tara pɔsõɔ a pɔɔ paalaa sure na chɛɛ be a ba sɛ ɔ, ban tõ naa? Sõɔ waara naa ka a nɪɛ na wa nyɔɔ ma chiin, a ber ala pɔ ɛ a n poturbo pɔɔ na sõɔ ka ba gal kõ.

XVI "Nɪrɛ maa nɪmaa fɔpaalaa sɛ choo fɔkoraa pɔ ɛ, 'lo be ɪ a ɛ a fɔpaalaa na tɔɔn a fɔkoraa chɪɛr. Ka a chɪɛrfɔ na ɪ dɛɛr.

XVII Bu nɪrɛ ma den dãbãɪn 'yõɔ dãa wɔkoraa pɔ ɛ, 'lo be ɪ a ɛ a dãbãɪn na pur naa a wɔɔ ka a dãa kpaar ka a wɔɔ mɪ sõɔ. Ba ma den dãbãɪn 'yõɔ a dãa wɔpaalaa pɔ, ka a ta sõɔ ɛ."

XVIII A Yesu na chene 'yerε a anyāna korō ba, a lōofō yir nɔdiere wa gbur dumo a wō niem tɔ 'yer, "A n bipōō lε kpi ajienaa, wa lɛb a fō nuur sɔr wō tɔ wōn sa naa."

XIX Ka a Yesu nɔ a wō poturbo ir turo wō.

XX Ban wa de a sɔr chiine ka pōō na lo sɛ suoro faara yuom pie nɔ ayi, wō gɔɔr a Yesu puor tɔ sɔr a fuu nεε,

XXI bojūu wō tɛr a wō pɔɔm ɪka 'lo sɔr a Yesu fuu wōn sa naa.

XXII Yesu na lɛb nyε a pōō wō 'yer naa, "Ta joro dābāε ε n yεpōō, a fō sōofō sāa fō naa." A dēdēe daa a pōō jāi ηmaa naa.

XXIII A Yesu na wa kpe a lōofō nɔdiere yir na wō nyε a ulpεelbe nɔ a nɔyōō na pōōrō gōmō,

XXIV ka wō 'yer, "Yɔ tōō chen be a pōōbile ba kpi ε, wō gur naa." Ka ba laara wō.

XXV A nɔyōō na wa yɔ a yōo baar, wō kpēn tɔ nyōō a wō nūu, ka a pōōbile vaa ir.

XXVI Ka a yeke ηme yaar a paal 'lo wō jaa.

XXVII Yesu na wa yi a be chiine, jōn ayi turo wō naa, na ba gboolo bōolo, "Kaa sɔ nɔbaal, David Bie."

XXVIII Wōn wa kpe a yir, a jōn wan a wō sē, ka Yesu sōor ba, "Yɔ sōon de ɪka ɪn tōō sa a yɔ baal o?" Ka ba 'yer kō wō, "Oo, sɔ Soro."

XXIX Ka wō sɔr a ba nɔbie tɔ 'yer, "A yɔ sōofō jūu yɪn nyere naa."

XXX Ka a ba nɔbie tōō yuo yuor. Tɪche ka Yesu kpākpāan ba ɪka ba taa vē ka nɔre jaa bōon ε.

XXXI Tɪche ba yin tɔ ηme a wō yeke yaar a tēe 'lōnō wō jaa.

XXXII A jǎn ayi bala na wa lɛb chen baar, ba tara na daba na tara sɪdɛbɛ na wɔ ɪ wɔɔ waan a Yesu sɛ̃.

XXXIII A sɪdɛbɛ na wa yɪ a daba pɔ baar, wɔ piel 'yerɛ, ka nɛɛr 'maa a nɪyɔɔ ka ba 'yerɛ, “Saa dɔɔ nyɛ a nɪtɔ̃ a Istral jaa ɛ.”

XXXIV Tɪchɛ ka a Faraseemɪnɛ 'yer, “A sɪdɛbɛ nãa lɛ kɔ wɔ a kpɛɔ ka wɔ dire nɪ a sɪdɛbɛ ka a yire.”

XXXV Yesu yɔn a tɛbɛrɛ nɪ a tɛbil a jaa pɔ, wile a nɪbɛ a lɔɔfɔ yie pɔ, tɪ mɔɔlɔ a Nãanmɪn nãalɔɔ 'yer nɔɔ sãana nɪ baal jaa bɔrɔ.

XXXVI Wɔn wa nyɛ a nɪyɔɔ, nɪbaal kpɛ wɔ naa bojũu baa bɔɔ a ba ju tɪɛr ɛ, na baa mɪ lɛ tara sɔ̃nɔ̃ ɛ, fɪka piir na ba tara chunɛ ɛ.

XXXVII Ka wɔ 'yer kɔ a wɔ poturbo, “A pɔɔ bɛrma naa tɪchɛ ka a nɪmanmarba ba waa ɛ,

XXXVIII a lɛ jũu yɪ sɔɔr a pɔɔ sɔɔ ka wɔ bar tɔ̃tɔ̃nbɔ ka ba wa a pɔɔ pɔ.”

X

I Yesu bɔɔl a wɔ poturbo pie nɪ ayi na wɔ kɔ ba kpɛɔ ɪka ba dii a sɪdɛbɛ ka a yi, na ba sãana nɪ baal jaa bɔrɔ.

II A poturbo pie nɪ ayi na ɪ a nɪtɔ̃nstɪ yoe lɛ a anyãna, Simon ban bɔɔlɔ Pita, nɪ a wɔ yebe Andiru, Jemesɪ na ɪ Jebedee bidaba, nɪ a wɔ yebe Jɔɔn.

III Filip nɪ Batolomi, Tomastɪ nɪ Matiu na ɪ a lɔpodiɛrɛ. Jemesɪ na ɪ Alfayastɪ bidaba nɪ Tadius.

IV Simon na mɔɔ nɪbir nɪ a wɔ wer yebe, nɪ Judas Isɪkariyot 'lɔ lɛ wa gar 'yɔɔ a Yesu.

V A poturbo pie ni ayi banyã le a Yesu tõ ni a kpãafõ anyãna. “Yi ta kpe a niyor bu a Samariya tẽn pɔ ε,

VI tiche yi chen a Isral nibe bala na bor a piir kaar sã.

VII Yi chen ti mool a 'yer nõɔ na yi 'yere, a Nãanmɔn nãalõɔ ta na.

VIII Yi sãana a baalsɔ, na yi sãne a kũusi, na yi sãana a kõkõmõ baalsɔ na yin maal ba ka ba i nisõn, na yi dire a sudebe ka a yire. Yi nyen pɔɔ, yi mi ti tir pɔɔ.

IX Yi ta de selma ε bu diere libie 'yõɔnõ a yi woor pɔ ε,

X bu 'mɔɔ wɔɔ tara a sɔɔ pɔ ε, bu 'mɔɔ fuusi ayi ε, bu de nafɔbɔ põɔ ε, bu dadiiraa ε, bojũu tõtõnõ jaa seen naa wɔ sãyar.

XI “Yin wa kpe tãe jaa pɔ, yi suor kaa nire 'lo ni na de yi, yi kpɔere a wɔ 'yer na yi wa ti yin a be.

XII Yin wa kpe a yir, yi puor a nibe.

XIII A yir 'lo nibe wa sɔɔ de yi, yi vã ka a yi nyã'maar be a ba sã, tiche bala ba wa sɔɔ de yi ε, yi lieb a yi nyã'maar.

XIV Nire jaa baa wa sɔɔ de yi ε bu chel a yi 'yer ε, yi kpoor a yi gbɛɛ tã-uul bar yin wa yire be a tãe 'lo bu a yir 'lo pɔ.

XV Yelmãe le n 'yere korɔ yi, Nãanmɔn na kãan a Sodom nibe ni a Gomora nibe nibaal a 'yer tɔɔrfɔ bɔbir gar a nibe bala a tãe 'lõnõ pɔ.

XVI Yi nye, n tõnõ yi naa fika piir na kpe jubere pɔ kaar, yi i yẽn dẽme waba kaar, na yi kaara fika ñmama na ba maala dɛer ε.

XVII “Yi gu a yi mǎe, ban nyɔɔr yin chiin ti ku a nɪberɛ na ba fɔb yi a ba lɔɔfɔ jiiɾ,

XVIII ban fir yin chiin a paal nɪberɛ jie ni a nāmune yie a n yuor jūu, ka yi na di dāasɛ ku a bala na ɪ a niyor.

XIX Ba la wa nyɔɔr yi chiin a 'yer tɔɔr fɔ jie, yi ta v̄e ka a wōnō yi a le yin ti 'yere ε ni a le yin na 'yer ε; bon 'lo yin na 'yer Nāanmɪn na wiil yi naa a sōo 'lo nō.

XX A ba ɪ yin le na 'yer ε tɪche a yi Sāa Nāanmɪn Sɪe na wiil yin a le yin na 'yer.

XXI “Yɛbe na gar 'yōo yɛbe ka ba ku wɔ, ka a sāa mɪ gar 'yōo a wɔ bie. Bibiir ku le wōnō a ba sāmune toor ε, na ba v̄e ka ba ku ba.

XXII Nɪre jaa na 'laar yi naa yin sɔɔ ma jūu, tɪche nɪre 'lo na sɔɔ ara ti ta a baaraa, na nyen faafɔ.

XXIII A t̄ee 'lo nɪbe wa gere yi, yi yi a be fɔɔ chen t̄eyuo; yelm̄e le n 'yere kɔɔ yi, yi ku yɔ a Istral t̄en bar ε, tɪche ka a Nɪsaal Bie wa ε.

XXIV “Jājāna ba gar a wɔ wiwile ε bu ka gbāgbaa gar a wɔ nɪkp̄ɛε ε.

XXV A seen ɪka a jājāna wɔ nyetāan a wɔ wiwile, ka a gbāgbaa mɪ nyetāan a wɔ nɪkp̄ɛε. I ba buolo na a yir sɔɔ Beeljebul, yodeer buor le ban pāa buolo a yir d̄eme!

XXVI “Yi ta joro nɪbe dābāε ε, bon jaa ba be be pɔɔ ka ba kō yuo ε, bu bon jaa ba be be sɔɔl ka ba kō b̄ɔɔn ε.

XXVII Bon 'lo n 'yer ku yi libe pɔ yi 'yer wɔ chāa pɔ, bon 'lo yin wɔ ka ba bɔl 'yer yōo pɔɔm 'yer mɔɔl wɔ a gai jur.

XXVIII Yı ta joro a bala na ku a āgān tı ku tōo ku a sıe ε, tıche yı joro a 'lo nı na tōo ku a sıe nı a āgān a būu dagel 'lo pō.

XXIX Ba ma dān tiitası ayi kobsı ayi. Tıche āsuo ku lo tēe ε, ala baa ı a yı Sāa Nāanmın bōfo le ε.

XXX Nāanmın sōr a yı jukool a jaa bōo.

XXXI A le jūu, yı ta joro dābāe ε, yı tara na tōnō gar a tiitası.

XXXII “Nıre jaa na wa 'yer ıka wō bōo ma naa a nıbe niem, 'lo le n mı na 'yer ıka n bōo naa a n Sāa na be a saaju niem,

XXXIII tıche nıre 'lo na chiir ma a nıbe niem, 'lo le n mı na chiir a n Sāa na be a saaju niem.

XXXIV “Yı ta tıer ıka nyā'maar le n waan a wer pō ε; n ba waan nyā'maar ε tıche ootaa le n waan.

XXXV N wan ıka n wa vē ka 'Bie nı sāa ootaa, ka bipōo oo a ma, pōo na oo naa a wō bidaba pōo ka a bidaba pōo mı oo a wō sıre ma.

XXXVI Yir dēme na lıeb ı dōdēme.’ (Mika 7:6)

XXXVII “Nıre jaa na nō a wō sāa bı a wō ma gar ma wō kō tōo ı a n poturo ε, nıre jaa mı na nō a wō bie bı bipōo gar ma, wō ku tōo ı a n poturo ε.

XXXVIII Nıre 'lo mı na ba de a wō daa tuo turo nı ma ε, wō kō tōo ı a n poturo ε.

XXXIX Bala na bōoro a ba nyevor na bōr wō naa tıche bala mı na bōr a ba nyevor a maa jūu na nye wō naa.

XL “Nıre 'lo jaa na sōo de yı, sōon de ma, nıre 'lo jaa mı na sōo de ma sōon de a nıre 'lo na tō ma.

XLI Nıre 'lo jaa na sōo de a Nāanmın 'ye'yere won ı Nāanmın 'ye'yere jūu na nyen a wō sāyar.

Nɪrɛ jaa mɪ na sɔɔ de nɪrɛ na ɪ nɪtor won ɪ nɪtor jũu na nyen a nɪtor sãyar.

XLII Nɪrɛ 'lɔ jaa na kɔ a bõbile banyãna ãsɔɔ kõ'maar nɪ ŋmele wõn ɪ a n poturbo jũu, yelmãɛ lɛ n 'yerɛ kɔrɔ yɪ ɪka a nɪnyɪnɛ kõ faa a wɔ sãyar ɛ."

XI

I Yesu na wa wiil a wɔ poturbo pie nɪ ayi baar, wɔ yin a be chen a Juu nɪbɛ tɛn tɪ wile na wɔ mɔɔlɔ a 'yer nõɔ a tɛn ala na be a Galilee paal pɔ.

II Jɔɔn na be a nɪpɔɔ die pɔ, tɪ wa wõ lɛ a Yesu Kɪrɪsɪto na maala, wɔ tõn a wɔ poturbo bamɪnɛ

III ɪka ba tɪ sɔɔr, "Fõɔ lɛ a nɪrɛ 'lɔ nɪ na wa bɪ, sɪ chele nɪyuo?"

IV Ka Yesu 'yer kɔ ba, "Yɪ lɪɛb kul tɪ 'yer kɔ a Jɔɔn, a lɛ yɪn wõ tɪ nyɛ.

V Jõn nyere naa, ka a gberɪ mɪ chiine, ka kõkõn mɪ sa, ka wõn mɪ wõnõ jaa cheche, ka kũustɪ jɛɔ, ka 'yer nõɔ mɪ ta a nõn dɛme.

VI Pɔpɛl sɔɔ lɛ a 'lɔ na ba baala ma ɛ."

VII Ban wa chen baar, Yesu piel 'yerɛ a Jɔɔn 'yer kɔrɔ a nɪyɔɔ, "Bo lɛ yɪ dõɔ kpe a mɔgõɔ pɔ ɪka yɪ tɪ kaa? A jɪmur a sesebe na dõɔnõ bɪ?"

VIII Kai, ka bo lɛ yɪ chen ɪka yɪ tɪ kaa? Daba na su bõvɪɛl lɛ yɪ chen ɪka yɪ tɪ kaa bɪ? Nyɛ a bala na ma su bõvɪɛl ɛ, nãmɪnɛ yie lɛ ba ma be.

IX Tɪche bo lɛ yɪ chen ɪka yɪ tɪ kaa? Nãɲmɪn 'yɛ'yere bɪ? Jɔ, n 'yerɛ na kɔrɔ yɪ ɪka wɔ gar Nãɲmɪn 'yɛ'yere.

X A nyã yele le seb a Nãanmun gãn pɔ ɩka ɩn tɔ naa a n tɔtɔnɔ ka wɔ de a fɔ nie na wɔ tɩ chɔɔr a fɔ sɔr kɔ fɔ. *(Malakai 3:1)*

XI Yelmãe le n 'yere korɔ yɩ ɩka bala jaa pɔɔ na dɔɔ ka a wer pɔ, ba ɩ kpɛɛ gar a Jɔɔn kɔsuor ε, tɩche 'lo mɩ na ɩ a pɔɔr a Nãanmun nãalɔɔ pɔ gar wɔ naa.

XII An yɩ a Jɔɔn Kɔsuoro sɔɔ wa tɩ tãn a dɩna a Nãanmun Nãalɔɔ nɔɔnɔ naa ka a kpãen dɛme sɔɔ wɔ.

XIII A Nãanmun 'ye'yerbe ba jaa nɩ a nebinãa dɔɔ 'yer a Nãanmun nãalɔɔ 'yer tɩ tãn a Jɔɔn sɔɔ.

XIV Ala ɩ yɩn sɔɔn de, a anyãna 'lo le ɩ a Elaija nɩ naa lɩeb wa.

XV Nɩre 'lo na tara toor wɔ chele.

XVI “Tɩche bo le ɩn de a dɩna nɩbe man? Ba nyentãan bibiir na ma jãne a ba dãen jiir na ba bɔɔɔ taa,

XVII sɩ pɛel a ɩle tɩ yaa sɛere bãne ε, na sɩ kɔnɔ kɔyiel yaa nɩmara nɩbikɔɔ ε.

XVIII A Jɔɔn na wa, waa dire ε, na waa le nyuro go ε, ka ba 'yer ɩka sɩdɛer le wɔ ɩ.

XIX Tɩche ka a Nɩsaal Bie wa na wɔ ma dire tɩ nyuro ka ba 'yer ɩka di dire nɩ dãburo le wɔ ɩ, na wɔ ɩ a lɔpodierbe nɩ a yelbe-ɩrbe baraa. A ma wiil a le Nãanmun na tor, bala wa nye le a wɔ nɩbe na kpɩere nɩ yɛ.”

XX Yesu pɔɔ sɔɔn naa a tɛn bala nɩbe a be a wɔ ne'maa tɔmɔ na tɔ, tɩche ka baa sɔɔ de wɔ ε.

XXI “Nebier ben a yɩn Korajin dɛme sɛ. Nebier mɩ ben a yɩn Betɩsaida dɛme sɛ. A a ɩ a ne'maa tɔmɔ ala ɩn tɔ a yɩ jie, mɩ ta tɔn be a le a Tire nɩ a Sidon tɛn pɔ, ban taa lɩeb a ba tɩer na ba su bɔjarɩ jen tãpɩel pɔ.

XXII Tiche n 'yere na korɔ yi ũka a 'yer tɔɔrfɔ daar Nāanmɪn na kãan a Tire nɪ a Sidon nɪɛ nɪbaal gar a yɪn.

XXIII A yɪn Kapenahum dēme, ban 'mɔɔ yɪn don saaju bu? Kai, ban suun yɪn a kp̄isi tēe. Ala ɪ a nɛ'maa tōmō na tō a yi pɔ mɪ ta tōn a Sodom pɔ, a tēe anyāna naa chene na wa tɔ dɪna.

XXIV Tiche n 'yere na korɔ yi ũka a 'yer tɔɔrfɔ daar Nāanmɪn na kãan Sodom nɪɛ nɪbaal gar a yɪn.”

XXV A daar 'lōnō Yesu 'yer naa, “N dān a n Sāa Nāanmɪn na ɪ a saaju nɪ a tēe wɔ jaa Soro, bojūu fɔ sool a yeke anyāna a yēn dēme sē tɪ ir wiil bibiir.

XXVI Ɔɔ, n Sāa ɛ ɛ ɪ a fɔ popel ka fɔ maal.

XXVII “N Sāa den a yeke a jaa kɔ, nɪɛ jaa ba bōɔ a Bie ɛ, ka a Sāa ba ɛ ɛ, nɪɛ jaa mɪ ba bōɔ a Sāa ɛ, ka a Bie ba ɛ ɛ, nɪ a bala a Nāanmɪn Bie na ir, na wiil ban a Sāa.

XXVIII “Yɪ wa a n sē, yɪn banyā na bal na yi tuo tuor ka a wōnō yi, ɪn too yɪn a yi pēn.

XXIX Yɪ de a n daa tuo na yi jān yi a n sē, bojūu n ɪn jomm sɔɔ, naa siir a n mǎe a n nyāa pɔ, yɪn nyen pēnfɔ kɔ a yi sɪr.

XXX Bojūu a n daa ɪn kōmōkōmō, ka yɪn tōɔ tuo a tuor ala ɪn na kɔ yi.”

XII

I A ba kor ɛ tiche ka Yesu kpe a pɔɔ sālsoɔ tala a Pēnfɔ Bɪbir Daar. Kō kpēn a wɔ poturbo, ka ba piel fɔɔ a bōbie ɔɔɔ.

II A Faraseemune na wa nye a le, ba suor a Yesu, “Fɔ nyen le na ba tu a nebinãa a fɔ poturbo na ure a Pẽnfo Bɔbir Daar ɔ?”

III Ka a Yesu 'yer kɔ ba, “Yaa kar a Nãanmɔn gãn pɔ nye a le a Nãa David na dɔɔ ɪ nɪ a wɔ nɪbe a kɔ na kpe ε?”

IV Wɔ kpẽn a Nãanmɔn yir ka 'lɔ nɪ a wɔ nɪbe tɪ de a paanɔɔ 'lɔ ban ben kɔ Nãanmɔn na ba 'wɔb na ba tara sɔr ε, ka ala ba ɪ a Juu nɪbe bɔɔrloro tεε ba le ε.

V Bɪ yaa kar a Mosesɪ nebinãa pɔ le a Juu nɪbe bɔɔrlorbo a Pẽnfo Bɔbir Daar a puorfɔ yir pɔ na ma tɔ tɪ na baa bɔɔlɔ a le bier ε?

VI Yelmãε le n 'yere kɔrɔ yɪ, nɪre kɔɔ ben ka na gar a puorfɔ yir.

VII A Nãanmɔn 'yer a, ‘Nɪbaal le n bɔɔrɔ, a ba ɪ dɔn yɪn kɔ chɔm kɔ ma ε.’ (Hosea 6:6) Yɪn ta bɔɔ a ye le nyã par, yɪ kɔ naa bɔɔlɔ nɪbe na ba maal dεer ε, ɪka bier le ba maal ε.

VIII A maa Nɪsaal Bie le ɪ a Pẽnfo Bɔbir Soro.”

IX Yesu yin a be chen a ba lɔɔfɔ yir pɔ,

X tɪ nye daba kɔɔ nũu na kpi. Ka ba suor wɔ, “A tara na sɔr ɪka fɔ sãa baal a Pẽnfo Bɔbir Daar ɔ?” Ba suor a le bɔɔrɔ ɪka ba nye a wɔ pɔ 'yer 'yer.

XI Yesu suor naa, “Ala ɪ a yɪ ãsɔɔ tara na per ka wɔ lo bulo pɔ a Pẽnfo Bɔbir Daar, nme le fon ɪ? A ba ɪ fon ir won a bɔɔ pɔ ε?”

XII A nɪsaal gar per. A le jũu a sɪ nebinãa bar sɔr ɪka fɔ maal vɪla kɔ nɪre a Pẽnfo Bɔbir Daar.”

XIII Wɔ 'yer kɔ a daba 'lɔ nũu na kpi, “Tur a fɔ nũu.” A wɔ tur ka a nũu wɔ jaa sa kaara a nũu nyã sɔɔ kaar.

XIV A Faraseemune yin na ba piel guoro a Yesu kufu.

XV Yesu na wa bɔɔn a le ban piel guoro ɪka ba ɪ wɔ, wɔ yin a jie 'lo ka niyɔɔ jaa turo wɔ. Wɔ sãan a bala an ɔɔɔ.

XVI Tɪ 'yer kɔ ba ɪka ba ta 'yer a wɔ yele kɔ nɪre jaa ε.

XVII Wɔ maal a nɪtɔ, ka a le a Nãanmɪn na dɔɔ 'yer tu a 'ye'yerε Isaiya na ɪ yelmãε,

XVIII “A n tɔtɔnɔ le a nyã ɪn kaa ɪr, a 'lo n na nɔ, a 'lo a n pɔɔ na pelɔ. In yɔɔ wɔn a n Sɪε, ka wɔ mɔɔl a n 'yer tɔɔrfɔ yele kɔ a nɪbe ba jaa.

XIX Wɔ kɔ tara nechure bu ηmiere chelɪ bu pɔɔɔ gɔmɔ yɔɔ ε.

XX Wɔn siir wɔ mãε kɔ a bala na siir a ba mãε, tɪ na wɔ maal vɪla kɔ a baɪa na ba tara sɔnɔ ε. Wɔn ara na kpɛɔ tɪ tãn a sɔɔ 'lo wɔn na vɛ ka a nɪbe sɔɔ de a Nãanmɪn yeltorsɪ.

XXI A wɔ yuor pɔ le a nɪbe ba jaa na tara tɪertɔ fɔ jie.” *(Isaiya 42:1-4)*

XXII Ba waan na daba na ɪ jɔɔ tɪ ɪ wɔɔ na tara sɪdebe Yesu sɛ. Wɔ sãn a daba baal, ka wɔ nyere tɪ le 'yerε jaa cheche.

XXIII Nɛer 'maan a niyɔɔ ka ba sɔɔ taa ɪka, kaa 'lo le ɪ a Nãa David Bie bu?

XXIV Tɪche a Faraseemune na wa wɔ a le ba 'yer naa, “Wɔ dire na sɪdebe ka a yire bojũu, a sɪdebe nãa Beeljebul le kɔ wɔ a kpɛɔ ka wɔ dire nɪ a sɪdebe.”

XXV Yesu na bɔɔn a le ban tɪere, a wɔ 'yer kɔ ba, “Tɛε 'lo na ηma dɛdɛme jɛere taa kɔ kor ε. Tɛε 'lo bu yir kpɛε 'lo na ηma dɛdɛme jɛere taa kɔ ara ε.

XXVI Ala ı a Satan diin Satan kɔ yi na wɔ ɲma dēdēme ɲme le a wɔ nāalõɔ na ı ara?

XXVII Ala ı Beeljebul le kɔ ma a kpẽɔ ka dire nı a sɪdɛbɛ, tı a bala na ı a yı poturbo, bo le ba tara dire nı a sɪdɛbɛ? A le jũu bala le na ı a yı 'yer tɔɔrbo.

XXVIII Ala ı Satan diin Satan kɔ yi na wɔ ɲma dēdēme ɲme le a wɔ nāalõɔ na ı ara? Ala ı Nāaɲmɪn Sɪɛ le kɔ ma a kpẽɔ ka dire nı a sɪdɛbɛ ka a yire wiil ıka a Nāaɲmɪn nāalõɔ ta yı naa.

XXIX “Nɲmɪnɛ le nɪrɛ na tõɔ ı kar kpe gādaa yir de a wɔ bonɪ, 'lo ba de nie lũ a gādaa nyā tı de a wɔ bonɪ ɛ?

XXX “Nɪrɛ 'lo na ba be a n sē ɛ, tara man nı 'yer, nɪrɛ 'lo na ba pɔɔ ma a sɪ kaal lõɔ taa ɛ wɔ ma yēyel bar.

XXXI A le jũu n 'yere na kɔɔ yı ıka nıbe na nyen yelbier jaa nı 'yerdɛɛr jaa ban 'yer v̄ɛ kɔ fɔ, tıche nɪrɛ 'lo na 'yer 'yerdɛɛr 'yõɔ a Nāaɲmɪn Sɪɛ kɔ nyɛ yelbier v̄ɛ kɔ fɔ ɛ.

XXXII Nɪrɛ 'lo jaa na 'yer 'yerdɛɛr 'yõɔ a maa Nɪsaal Bie na nyen yelbier v̄ɛ kɔfɔ, tıche nɪrɛ 'lo na 'yer 'yerdɛɛr 'yõɔ a Nāaɲmɪn Sɪɛ kɔ nyɛ yelbier v̄ɛ kɔ fɔ ɛ. Dɪna nı daar kõɔ.

XXXIII “Ala ı tıɛ vıɛɛ na wɔ ma wõn wõvıɛɛ, ala ı tıɛ ın tıdɛɛr wɔ ma wõn wõdɛbɛ. Tıɛ jaa a wɔ wõmõ le ba ma de bõɔn wɔ.

XXXIV Yın waa bibiir! Nɲmɪnɛ le yın tõɔ 'yer 'yer vıɛɛɪ ala ı yı ın yelbe-ırbɛ? A ala na sɛɛ a pɔɔ le a nɛɛ ma 'yer.

XXXV A nıɔ̄ a yelsõn ala na be a wɔ pɔɔm le wɔ ma 'yer, ka a nıdɛɛr mı ma 'yer a yeldɛbɛ ala na be a wɔ pɔɔm.

XXXVI Yelmãe jaa le n 'yerε korɔ yɪ ɪka, a 'yer tɔɔrfɔ daar, nɪrε jaa na man 'yerdeer 'lo jaa bɔrɔ na dɔɔ yɪ a wɔ nεε pɔ.

XXXVII A fɔ 'yerbie le na wiil a le fɔn be, naa wiil a fɔ sɔɔnaa."

XXXVIII Be le ka a nεε wiwiilbe nɪ a Faraseemɪne bamɪne 'yer, "Wiwile, sɪ bɔrɔ na ɪka sɪ nyε nε'maa tɔmɔ na ɪ jãne a fɔ jie."

XXXIX Tɪche ka wɔ 'yer kɔ ba, "A yɪn banyãna na ɪ a putudẽme nɪ sɛsɛnbe tɪ bɔrɔ ɪka n tɔ nε'maa tɔmɔ ka a na ɪ jãne, tɪche yɪ kɔ nyε ãsɔ jaa ε ka a Nãanmɪn 'ye'yerε Jona jãne ba le ε.

XL Nɪtãa le a Jona na dɔɔ gã a jãnele pɔɔm ber ata nɪ tãsɔɔ gbulo ata le mɪ le a Maa Nɪsaal Bie mɪ na gã a yaa pɔ ber ata nɪ tãsɔɔ gbulo ata.

XLI A 'yer tɔɔrfɔ daar Ninive nɪbe na yɪn 'yɔɔ a yɪn dɪna nɪbe 'yer, bojũu ba lɛb a ba tɪer a Jona na dɔɔ 'yer a Nãanmɪn 'yer kɔ ba, tɪche yɪ kaa, a 'lo na gar a Jona ben ka.

XLII A pɔɔ nãa na yɪn be a par a 'yer tɔɔrfɔ daar na wɔ wa 'yɔɔ a yɪn dɪna nɪbe 'yer, bojũu wɔ dɔɔ yɪ be a tɛtɛer wa chel a Nãa Solomon yɛ 'yer, tɪche yɪ kaa a 'lo na gar a Solomon ben ka.

XLIII "Sɪdeer wa yɪ nɪrε pɔ, wɔ ma chen dãlpɔɔr pɔ tɪ bɔrɔ pɛnfɔ jie 'lo baa wa nyε ε,

XLIV wɔ ma 'yer naa ɪn lɛb kul a yɪr 'lo pɔ ɪn dɔɔ yɪ. Wɔ wa nyen a yɪr ka wɔ ɪ yirkpolo na wɔ vɪleε,

XLV ka wɔ chen tɪ bɔɔl sɪdebe ayopɔi na tara a putuo gar wɔ ka ba tɪ kɪrɛrε a be. Ka a nɪrε nyã pãa ɪ deer gar a le wɔn dɔɔ be. Le le an kaara a yɪn putudẽme a dɪna."

XLVI Wɔn chene 'yerɛ nɪ a nɪyɔɔ, a wɔ ma nɪ a wɔ yeer wa ben yɔo bɔɔrɔ ɪka ba nye wɔ.

XLVII Nɪrɛ āsɔɔ 'yer kɔ wɔ, “Nye a fɔ ma nɪ a fɔ yeer lɛ be yɔo bɔɔrɔ ɪka ba nye fɔ.”

XLVIII Tɪche Yesu sɔɔr a nɪrɛ 'lo na 'yer a 'yer kɔ wɔ, “An lɛ a ɪ ma nɪ ba boo lɛ ɪ a n yeer?”

XLIX Wɔ lɛb tur a wɔ poturbo nɪu tɪ 'yer, “Nye a n ma nɪ a n yeer!

L Nɪrɛ 'lo jaa na maala a lɛ a n Sãa na be a saaju na bɔɔrɔ lɛ ɪ a n yeer nɪ a n ma.”

XIII

I A daar 'lɔnɔ̃ Yesu yin a yir pɔ tɪ jãne a man kɔkɔor.

II A nɪyɔɔ na lɔɔ jũu wɔ kpɛn jɛ a gboro pɔ, tɪche ka a nɪyɔɔ ara a man kɔkɔor.

III Sɔkpar lɛ wɔ lɔɔrɔ wile nɪ ba yelyɔɔ, “Yɪ chele, kɔɔraa lɛ yin wɔ bɔbɔrɔ burfɔ jie.

IV Wɔ tɪ yaara na yɔɔrɔ nɪ ka amine lo sɔr pɔ, ka lubil tuur di.

V A bɔbie amine mɪ lon kɔsɪr pãn ju naa bul tɪ kpi bojũu tãn ba waa ε.

VI Tɪche a mɔtɔɔ na wa nyãa, a bɔbulo juɔl naa kpi, bojũu a ba ba nyɪbe ε.

VII Ka amine mɪ lo gɔɔr pɔ 'mataa bul ka a gɔɔr nɔɔ fãn ba.

VIII Tɪche amine mɪ lon kɔjɔ pɔ bul dɔɔ jur kɔbaa, amine lijaata amine lijer nɪ pie.

IX Nɪrɛ 'lo na tara toor wɔ chele.”

X A poturbo wan a wɔ sɛ wa sɔɔr, “Bo lɛ so fon ma lɔɔrɔ a sɔkpar kɔrɔ ba?”

XI Ka wɔ 'yer kɔ ba, “Yɪn 'lɔ ɪn vɛ̃ naa ka yɪ bɔɔ a Nāanmɪn nāalɔɔ yelsɔɔlsɪ tɪche a bala na che sɔkpar lɛ n lɔɔɔ kɔɔ ba.

XII Nɪrɛ 'lɔ jaa na tara Nāanmɪn tɪɛr, Nāanmɪn na vɛ̃n ka a nɪnyɪnɛ bɔɔɔfɔ pɔɔ 'yɔɔ, tɪche a bala jaa na ba bɔɔɔ a wɔ bɔɔɔfɔ ɛ, Nāanmɪn na pɔɔn a ba tɪɛr.

XIII A par nɪ nyā ɪn lɔɔɔ a sɔkpar kɔɔ ba, ba ma kaa naa tɪ maa nyɛ ɛ, na ba ma wɔ tɪ maa bɔɔ a par ɛ.

XIV Bala 'lɔ an ɪn yelmāɛ ɪka a lɛ a Nāanmɪn 'yɛ'yɛrɛ Isaiya na dɔɔ 'yer ɪka, ‘A nɪbɛ banyā na ma wɔ naa tɪ ba kɔ bɔɔ a par ɛ, ban ma kaa naa tɪ ba kɔ nyɛ ɛ.

XV A nɪbɛ banyā nyān dar naa ka a ba tobo pɔɔ baa wɔnɔ ɛ, na ba ũu a ba nɪbie, ka lɛ ba lɛ ɛ, ban taa kāan naa a ba nɪbie na ba wɔn a ba tobo, na ba bɔɔ a par, na ba lɛb wa ka n sāa ba.’ (*Isaiya 6:9, 10*)

XVI Tɪche yɪn 'lɔ, yɪ ɪn bɔɔsɔn dɛmɛ, a yɪ nɪbie na nyɛ, ka a yɪ tobo mɪ wɔ.

XVII Yelmāɛ lɛ n 'yɛrɛ kɔɔ yɪ ɪka Nāanmɪn 'yɛ'yɛrɛ yɔɔ nɪ nɪtorsɪ yɔɔ ta bɔɔɔ na ɪka ba nyɛ bon 'lɔ yɪn nyɛ tɪche baa nyɛ ɛ, na ba ta wɔ bon 'lɔ yɪn wɔ tɪche baa tɔɔ wɔ ɛ.

XVIII “Yɪ pāa cheɛ a kɔɔraa sɔkpa par,

XIX Nɪrɛ 'lɔ jaa na wɔ a Nāanmɪn nāalɔɔ 'yer tɪ ba bɔɔ a par ɛ, a dɛɛr sɔɔ ma wan wa ɪr a bon 'lɔ na bɔr a wɔ nyāa pɔ, a bɔbie anyā lɛ, a ala na lo a sɔr pɔ.

XX Ala mɪ na lo a kɔsɪr pān ju lɛ a nɪrɛ 'lɔ na wɔ a 'yer sɔɔ de fɔfɔɔ jaa nɪ pɔpɛl,

XXI tiche a nure nyã ba ba nyɩɛ ε, na wɔ di kãnyir ara bãlãa, a le jũu wõm bu beer kaa wa pɔɔ wɔ a 'yer jũu, a nure nyã ma lo naa.

XXII A bõbie ala mɩ na lo a gʊʊr pɔ, 'lo le a nure 'lo na wõ a 'yer ti nõ a wer ju nyevor yelwõnsɩ nɩ a wer ju bõbɔʊrsɩ fãin a 'yer ka waa dɔɔ bie ε.

XXIII Tiche a bõbie ala na lo a kojõ pɔ le a nure nyã na wõ a 'yer bõɔ a par, 'lo le wõ wõmõ dɔɔ jur, amine kɔbaa, amine lɩjaata amine mɩ lɩjer nɩ pie.”

XXIV Yesu le lob a sokpa ãsɔɔ kɔ ba, “Nɩtõ le un de a Nãanmun nãalõɔ man. Nure ãsɔɔ le bur bõbivɩel a wɔ pɔɔ pɔ,

XXV nure jaa na wa gã gur baar, a dõsɔɔ wan wa bor mɔɩ 'yõɔ a chi pɔ ti na wɔ kul.

XXVI A sõɔ 'lo a chi na wa ti bulo ka a mɔɩ mɩ bul puro.

XXVII “A daba tõtõnbɔ wan wa sɔʊr wɔ, ‘Nɩkpɛɛ, a ba ɩ bõbivɩel le fu bur a pɔɔ pɔ ε; ti nye a mɔɩ mɩ yi?’

XXVIII Ka wɔ 'yer kɔ ba, ‘Dõsɔɔ le tõ a le.’ A tõtõnbɔ sɔʊr wɔ, ‘Fu bɔʊrɔ na ɩka sɩ chen ti võ a mɔɩ bar bu?’

XXIX “Ka wɔ 'yer kɔ ba, ‘Kai, yɩn be võnõ a mɔɩ, yɩn wa võn a chi mɩ bar.

XXX Yɩ bar ka a 'mataa nõɔ ti tãn a nmafɔ daar, un 'yer kɔ a nmanmarba ka ba dõɔ võ a mɔɩ lũ lũ chom bar ti nma a chi 'yõɔ a n boor pɔ.’ ”

XXXI Yesu le lob a sokpa ãsɔɔ kɔ ba go, “A Nãanmun nãalõɔ kaara naa fɩka kõkõɔ bir nure na de bur a wɔ pɔɔ pɔ.

XXXII 'Lo le a bõbie a jaa pɔ bõbile tiche 'lo wa nõɔ, 'lo le ma ɪ a tur a jaa pɔ tɪkpɛɛ, ka lubil ma 'yõɔ choor a wɔ ju."

XXXIII Wɔ le lɔb a sɔkpa āsɔɔ kɔ ba, "A Nāanmɪn nāalõɔ kaara naa fika dābɪl pɔɔ na de 'yõɔ jõ yɔɔ pɔ ka a ir võ."

XXXIV Yesu den sɔkpar 'yerɛ kɔrɔ nɪ a nɪyɔɔ a yelsɪ anyā, wɔ maa 'yer 'yer kɔ ba ka waa lɔb sɔkpa ɛ.

XXXV A nyā le na wiil ɪka a le a Nāanmɪn 'ye'yerɛ na dõɔ 'yer ɪn yelmāɛ, "ɪka ɪn ma den a n nɛɛ lɔrɔ nɪ sɔkpar naa wiil yɪ yelsɪ ala na sool a wer pielfɔ daar." *(Yiel Gān 78:2)*

XXXVI Wɔ yin a nɪyɔɔ pɔ kpe a yir, ka a wɔ poturbo wa a wɔ sɛ wa 'yerɛ, wiil sɪ a mɔɪ na be a pɔɔ pɔ sɔkpa par.

XXXVII Ka wɔ 'yer kɔ ba, "A nɪrɛ 'lo na bɔr a bõbivɪɛl le a maa Nɪsaal Bie.

XXXVIII A pɔɔ le ɪ a wer. A bõbivɪɛl le a Nāanmɪn nāalõɔ bibiir. A mɔɪ le a bala na ɪ a dɛɛr sɔɔ bibiir.

XXXIX A dõsɔɔ 'lo mɪ na bɔr le ɪ a tɪ. A ŋmafɔ le ɪ a wer baarfɔ daar, a ŋmanmarba le ɪ a Nāanmɪn malakasɪ.

XL "Le ban na chɔm a mɔɪ bũu pɔ ka a di, le mɪ le na ɪ a wer baarfɔ daar.

XLI A maa Nɪsaal Bie na tɔn a n malakasɪ ka ba wa tuur a nɪsɔn a nāalõɔ pɔ, tiche a bala jaa na vɛ ka a nɪbɛ maala yelbier nɪ yelbe-ɪrɛ ba jaa 'mataa bar.

XLII Ka ba lɔb ba 'yõɔ bũu dagel pɔ, be le ban kɔnõ ɔɔrɔ nɪ nyɪmɛ.

XLIII A bala na tor na chaar naa mōtōo kaar a ba Sāa nāalōo pō. Nire 'lo na tara tobo wō chele.

XLIV “A Nāanmın nāalōo kaara naa fika nire na nye nābonsı pōo pō 'moo sool tiche ka a wō pōo pel, ka wō ti da a wō bonsı a jaa won tara ti dān a puo.

XLV “A Nāanmın nāalōo le kaara naa fika nire na yooo booro kōsıvıel,

XLVI won wa nye a āsoo daa na be tuo, wō ti dān a wō bonsı a jaa ti dān.

XLVII “A Nāanmın nāalōo le nyentāan fika loyaar ban lob 'yōo man pō, kō nyoor jādēdēme.

XLVIII A loyaar na wa see ba toon yin a gogoro ju, ti jāne tuur a jāsoon 'yōo a per pō, ti lob a jādebe bar.

XLIX Le le an be a wer baarfō daar. A Nāanmın na tōn a wō malakası ka ba wa tuur a nıdebe yin a nımın pō,

L ti na ba lob a nıdebe 'yōo a būu dagel pō, be le ban kōnō ti ooro nyıme.

LI “Yı bōon a yelsı anyā na a jaa par o?” Ka ba 'yer, “ōo.”

LII Ka wō 'yer kō ba, “A nee wile āsoo jaa ban wiil ka wō bōo a Nāanmın nāalōo yele kaara naa fika yir soo na de bōpaalaa nı bōkoro yin a wō boor pō.”

LIII Yesu na wa wiil a sokpar anyā par, wō yin a be.

LIV Wō wan a wō māe paal pō ti piel wile a nıbe a ba lōofō jiir, ka neer 'maa ba ka ba 'yer, “Nye le a daba nyā nye a yē nyā nı a ne'maa tōmō a nyā?”

LV A ba ɪ a mɪmɪɛɛ bidaba lɛ ɛ? A ba ɪ a wɔ ma lɛ ba bɔɔlɔ a Mɛɛɛ ɛ? A ba ɪ a wɔ yɛɛɛ nɪ Jemɛsɪ nɪ Josefɔ nɪ Simon nɪ Judas ɛ?

LVI A ba ɪ sɪn nɪ a wɔ yɛpɔbɔ ba jaa lɛ 'mataa be a ka ɛ? Nyɪnɛ lɛ a daba nyā nyɛ a kpɛɔ nyā?"

LVII Tɪ na ba tɔr a wɔ yele. Tɪche ka a Yesu 'yer kɔ ba, "Nāanɪmɪn 'ye'yere nyere na 'yɔɔfɔ jie jaa tɪche a wɔ māɛ tēɛ nɪ a wɔ māɛ yir pɔ, wɔ maa nyɛ 'yɔɔfɔ ɛ."

LVIII Ban ba sɔɔ de wɔ jūu, waa tɔɔ tɔ nɛ'maa tɔyɔɔ a be ɛ.

XIV

I A ber ala pɔ, a Herɔd na ɪ a Galilee nāa wɔn a Yesu yele

II na wɔ 'yer kɔ a wɔ tɔtɔnbɔ, "Jɔɔn Kɔsuor lɛ tɔɔ ir ɪ vɔr, ala lɛ so ka wɔ tara a kpɛɔ tɔnɔ nɪ a nɛ'maa tɔmɔ anyāna."

III A Nāa Herɔd vɛn ka ba nyɔɔ Jɔɔn lū 'yɔɔ nɪpɔɔ die pɔ a wɔ yebe Filip pɔɔ Herɔdiyas jūu.

IV Bojūu Jɔɔn ma 'yere na kɔrɔ wɔ ɪka, "A ba tara sɔr ka fɔ kul wɔ ɛ."

V Herɔd ta bɔɔrɔ na a wɔ kɔ fɔ tɪ joro a Juu nɪbe dābāɛ bojūu ba sɔɔn ɪka wɔ ɪn Nāanɪmɪn 'ye'yere.

VI A Herɔd dɔɔfɔ bɪbir dāɛn daar, a Herɔdiyas bipɔɔ sen bānɛ a nɪyɔɔ niem, ka a Herɔd pɔɔ pel

VII yɔɔ jaa ka wɔ 'yɔɔ nɛɛ kɔ a pɔɔbile, "Sɔɔr ma bon jaa fun bɔɔrɔ ɪn kɔ fɔ naa."

VIII A wɔ ma wiil won a bon 'lɔ won na sɔɔr, ka wɔ 'yer, "N bɔɔrɔ na ɪka fɔ 'yɔɔ a Jɔɔn Kɔsuor ju a la'yelma pɔ kɔ ma a pɔpāanyāna."

IX A nãa pɔɔ sɔɔ naa, tiche won faa 'yɔɔ a nɛɛ a nɪyɔɔ niem ɪka a lɛ a pɔɔbile na bɔɔɔ a ɪ.

X Wɔ tɔn ka ba ŋmaa a Jɔɔn ju a nɪyɔɔ die pɔ.

XI Ba 'yɔɔn a ju a la'yelma pɔ wa kɔ a pɔɔbile, ka wɔ de kɔ a wɔ ma.

XII Jɔɔn poturbo wan wa 'mɔɔ a āgān tɪ ũu tɪ na ba tɪ 'yer kɔ a Yesu.

XIII A Yesu na wa wɔ a nɪtɔ, wɔ kpɛn a gboro chen jiyuo 'lɔ wɔ yɔ. Tiche a nɪyɔɔ na wa wɔ a nɪtɔ ba yin a tɛn ala pɔ bɪɛr wɔ nɪ gbɛɛ chen a be.

XIV Wɔn wa yi a gboro pɔ, wɔ nyen nɪyɔɔ ka nɪbaal kpɛ wɔ tiche ka wɔ sãa a ba baalsɪ.

XV Mɔtɔɔ na wa mɔɔɔ, a poturbo wa 'yer kɔ wɔ, “A ka in mɔgɔɔ pɔ ka a sɔɔ mɪ po, bar a nɪbɛ sɔr ka ba chen a tɛbil pɔ, tɪ da bɔdiir di.”

XVI Yesu 'yer kɔ ba, “A ba sɛɛ ɪka ba chen ɛ, yɪ kɔ ba bɔkɔɔ ka ba di.”

XVII Ka ba 'yer kɔ wɔ, “Paanɔɔsɪ anũu nɪ jãɛ ayi tɛɛ lɛ sɪ tara.”

XVIII Ka wɔ 'yer kɔ ba, “Yɪ de wa kɔ ma.”

XIX Wɔ vɛn ka a nɪyɔɔ banyãna jɛ tɛe. Wɔ den a paanɔɔsɪ anũu nɪ a jãɛ ayi ala dɔl kaa saaju tɪ puor Nãanmɪn yãan tɪ na wɔ ŋma de kɔ a poturbo ɪka ba de pɔ a nɪbɛ. Ka a poturbo de pɔ a nɪbɛ.

XX Ba jaa din tɪ tiche ka a poturbo wob a bɔŋmaarsɪ ala na che sɛɛ pɛr pie nɪ ayi.

XXI A bala na di tɪ tɛɛ in dɔɔr tur anũu ka pɔbɔ nɪ bibiir ba pɔɔ ɛ.

XXII Ajienaa lɛ, wɔ vɛn ka a poturbo kpɛ a gboro gɔɔ a man gɔɔn tiche ka wɔ vɛ ka a nɪbɛ yaar.

XXIII Wɔn wa wɛl a nɪbe baar, wɔ don a t̃ɔɔ ju ɪka wɔ ti sɔɔr N̄āan̄mɪn. J̄āan̄sɔɔr na wa ta, wɔ chɛnɛ na be a be a wɔ yō.

XXIV Tɪchɛ a k̃ɔsɛbɛ n̄mɛn a gborɔ d̄ādaal chiin tɛɛr ka wɔ j̄āan a man nɛɛ, boj̄ũu a k̃ɔsɛbɛ f̃ɔɔ gar ba naa.

XXV A wɛr na wa chaara wa la la la ba nyɛn a Yesu na chiine a k̃ɔɔ ju waara a ba s̄ɛ.

XXVI A poturbo na wa nyɛ a Yesu na chiine a k̃ɔɔ ju waara a ba s̄ɛ, d̄āb̄āɛ kpɛ ba naa, ka ba kō 'yɛr, "Kp̄īn lɛ!"

XXVII Tɪchɛ ka a Yesu 'yɛr kɔ ba, "Yɪ tara k̄ānyir, maa lɛ, yɪ ta joro d̄āb̄āɛ ɛ."

XXVIII Pita 'yɛr kɔ wɔ, "N Soro, ala ɪ f̃ɔɔ lɛ v̄ɛ ka chiine a k̃ɔɔ ju wa a fɔ s̄ɛ."

XXIX Ka wɔ 'yɛr wɔ, "Wa," ka Pita yi a gborɔ pɔ piel chiine a k̃ɔɔ ju waara a Yesu s̄ɛ.

XXX Pita na nyɛ a sɛsɛbɛ na furo yɔɔ d̄āb̄āɛ kpɛ wɔ naa, ka wɔ piel m̄ɔɔ a k̃ɔɔ pɔ, ka wɔ boɔl, "N Soro, faa ma."

XXXI Ajienaa lɛ, a Yesu tur a wɔ n̄ũu nyɔɔ wɔ ti 'yɛr, "F̃ɔɔ sɔɔfɔ na ba j̄ā bon ɛ, bo so ka fɔ baala?"

XXXII Ban wa kpɛ a gborɔ pɔ baar ka a sɛsɛbɛ n̄maa jaa jomm.

XXXIII A bala na be a gborɔ pɔ gbur dumo puor wɔ ti 'yɛrɛ, "Yelm̄āɛ, f̃ɔɔ lɛ ɪ a N̄āan̄mɪn Bie."

XXXIV Ban wa g̃ɔɔ a man baar ba chen a Genesaretɪ wɛr pɔ.

XXXV A t̄ɛ 'lɔ d̄ɛmɛ na wa w̃ɔ a wɔ yɛlɛ ba 'yɛr lɔɔr a paal 'lɔ wɔ jaa na ba waan bala jaa an ɔɔɔɔ,

XXXVI na ba wa sooro ɩka ba sur a wo fuu nee, a bala jaa na sur a fuu nee sa naa.

XV

I A Faraseemine ni a nee wiwiilbe bamine na yi a Jerusalem wan a Yesu se wa soor wo,

II “Nmine a fo poturbo ba turo a si saakpamine wiilfo e? Ba maa pee a ba nuur ti di e.”

III Ka a Yesu 'yer ko ba, “Nmine ka yi soo a Naaɲmin nebinsi ti na yi turo a yi mae wiilfo?”

IV Naaɲmin 'yer naa, “Yoono a fo saa ni a fo ma,” (*A Yifo Gan 20:12*) ka ‘Nire jaa wa po 'yoo a wo saa bu a wo ma, ba ko wo.’ (*A Yifo Gan 21:17*)

V Tiche yin 'yer ɩka nire 'lo jaa na 'yer a wo saa bu ma ɩka, soofu 'lo jaa in tara naa ko fo, n den ko Naaɲmin.

VI Tiche na waa de a wo botarsi 'yoono ni a a wo saa e, yin i a le, yi soon Naaɲmin nee, ti na yi turo a yi mae binfo.

VII Yin neer ayi deme! Isaiya 'yer yelmæ ni won doo 'yer ɩka,

VIII ‘A nibe banyana den a ba neer 'yoono ni ma tiche a ba nyan po, ba toon jaan ma.

IX A ba puorfo ba tara tono ko ma e, nisaal wiilfo le ba wile.’ ” (*Isaiya 29:13*)

X Yesu bool a niyoo a ba wa a wo se, ka wo 'yer ko ba, “Yi chele na yi boo a par.

XI A ba i bon 'lo na ma tu a nisaal nee po kpe le ma soo wo e, tiche bon 'lo na ma yi a nisaal nee po le ma soo wo.”

XII A poturbo wa 'yer ko wo, “Fo boon naa an kpe a Faraseemine ban wo a 'yer nya fun 'yer o?”

XIII Ka wɔ 'yer, “Tɪɛ 'lɔ jaa a n Sãa na be a saaju na ba sel ε, un ṽɔɔ wɔn bar.”

XIV Yɪ bar ba, j̃ɔn le tɔɔɔ j̃ɔn. J̃ɔɔ wa tɔɔɔ a wɔ j̃ɔɔ tɔ sɔɔ ba jaa ma lon bɔɔ pɔ.”

XV Tɪche ka Pita 'yer kɔ wɔ, “Wiil a sɔkpa nyã par kɔ sɪ.”

XVI Be le wɔ 'yer, “A yɪn mɪ na ɪ a n poturbo ba b̃ɔɔ a par ε?”

XVII Yaa b̃ɔɔ ka bon 'lɔ jaa na tu a nɛɛ pɔ kpe a pɔɔ pɔ ma tun a par bɔɔ pɔ yi bu?

XVIII Tɪche bon 'lɔ na ma yi a nɛɛ pɔ, yɪn a tɪɛr pɔ, anyãna le ma s̃ɔɔ a nɪsaal.

XIX A nɪsaal tɪɛr pɔ le a tɪɛr dɛbe ma yi, nɪɛ kɔfɔ, pɔɔdeyele, s̃ɛs̃ɛyele, nãnyiyele, jir dãasɪɛ, nɪ a gagaryele ma be.

XX A anyãna le a bonsɪ ala na ma s̃ɔɔ a nɪsaal tɪche nɪɛ na din nũdɛbe ba s̃ɔɔñɔ wɔ ε.”

XXI Yesu yɪn a be chen a Tire paal nɪ Sidon paal pɔ.

XXII Be le a pɔɔ na yi a Kanaan paal pɔ yi piel ŋmiere chɛlsɪ, “N Soro kaa a n nɪbaal David Bie, a sɪdɛɛr le tara a n bipɔɔ.”

XXIII Tɪche a Yesu ba 'yer 'yer jaa kɔ wɔ ε. Ka a wɔ poturbo wa 'yer kɔ wɔ, “Dii wɔ bar, wɔ pɔɔɔ sɪn g̃ɔm̃ɔ.”

XXIV Ka wɔ 'yer, “A piir ala na bɔr a Isɪɪal nɪbe pɔ tɛɛ 'ỹɔɔ le ba t̃ɔ ma.”

XXV Tɪche ka a pɔɔ wa gbur dumo a wɔ niem 'yer, “N Soro, s̃ɔɔ ma.”

XXVI Ka a Yesu 'yer, “A ba sɛɛ ɪka fɔ de bibiir b̃ɔdiir lɔb 'ỹɔɔ baar ε.”

XXVII Ka a pɔɔ 'yer, “Ɔɔ, n Soro, a baar gba ma dire na a bɔ̄di pɔr pɔr ala na ma ŋmara loro a ba nɪkpɛɛ dakɔɔ pɪlem.”

XXVIII Ka Yesu 'yer kɔ a pɔɔ, “Pɔɔ, a fɯ sɔɔfɯ bɛrma naa! A ɪ kɔ fɯ a lɛ fɯn bɯɔrɔ.” A wɔ bɪpɔɔ sa naa a dɛdɛɛ daa 'lɔ̄nɔ̄.

XXIX Yesu na wa yi a be, wɔ den a Galilee man yal kɔkɔor 'lana, na wɔ tɪ do tɔɔ ju jɛnɛ.

XXX A nɪyɔɔ tara na a nɪbɛ gbɛɛ na kpi kpi, nɪ jɔ̄n, nɪ a gbɛrsɪ, nɪ a wɔ̄n 'matɔ̄an baalsɪ yɔɔ waan a wɔ sɛ̄. Ba wa bin ban a wɔ niem a wɔ sɔ̄a a ba jaa baalsɪ.

XXXI Nɛɛr 'maan a nɪbɛ ban wɔ̄ ka a wɔ̄n 'yerɛ, ka a gbɛrsɪ sa chiine ka a bala a gbɛɛ nɪ na kpi kpi mɪ sa ka a jɔ̄n mɪ nyɛɛ. Ka ba dɔ̄na a Isɪral nɪbɛ Nɔ̄anɪmɪn.

XXXII Yesu bɔɔl a wɔ poturbo wa 'yer kɔ ba, “Nɪbaal kpɛ ma naa nɪ a nɪyɔɔ banyɔ̄na bojɔ̄u ba ben a n sɛ̄ ber ata tɪ ba di bon jaa ɛ, n ba bɯɔrɔ ɪka n vɛ̄ ka ba lɛb chiine kɔ̄ ɛ, amɪne ban wa lon sɔr pɔ.”

XXXIII Ka a wɔ poturbo 'yer kɔ wɔ, “Nyɛ lɛ sɪn nyɛ paanɔ̄ɔ a dɔ̄lpɔɔ nyɔ̄ pɔ tɔɔ kɔ̄an a nɪyɔɔ banyɔ̄na?”

XXXIV Ka Yesu sɔɔr ba, “Paanɔ̄ɔ anɪmɪnɛ lɛ yɪ tara?” Ka ba 'yer, “Ayopɔ̄i nɪ jɛmɛ bɔ̄lɔ̄a.”

XXXV Wɔ vɛ̄n ka a nɪbɛ jɛnɛ tɛɛ.

XXXVI Ka wɔ pɔ̄a de a paanɔ̄ɔsɪ ayopɔ̄i nɪ a jɔ̄bɔ̄lɔ̄a ala na wɔ puor Nɔ̄anɪmɪn yɔ̄an, tɪ na wɔ ŋma de kɔ a wɔ poturbo, ka ba de pɔ̄ a nɪbɛ.

XXXVII Ba jaa din tɪ, ka a poturbo wob a bɔ̄ŋmaar 'yɔ̄ɔ pɛr ayopɔ̄i.

XXXVIII A bala na di in dōor tur anaar, ka pobo nı bibiir nūu ba pōo ε.

XXXIX Wōn wa vĕ ka a nıbe yaar baar wō kpĕn a gboro na wō chen Magadan paal pō.

XVI

I A Faraseemıne nı a Saduseemıne wan ıka ba bĕer Yesu kaa na ba 'yerε, “Wiil sı ne'maa tōmō na ı jāne na yi a saaju.”

II Ka wō 'yer kō ba, “Ala wa ı jāanōor le, yi ma 'yer ıka a wer chaar naa bojūu a saaju mōo naa.

III Ala wa ı bibio le, yi ma 'yer ıka saa na wan a dına, a julōjuur sob naa ka saa koro. Yi ma kāan a saaju ti 'yer ıka saa na wan bı wō kō wa ε, yi bōon a tēe nı a saaju 'yer ma 'yer, ηmıne a yi kō tōo bōo a jānsı a dına ε?

IV Yın yelbe-ırbε nı sēsēnbε le bōoro ıka n tō ne'maa tōmō ka yi kaa, yi kō nye ne'maa tōmō ka a Jona ne'maa tōmō ba le ε.” Be le wō bar ba ti chen.

V A poturbo ĩin ba tōo de paanōo ε, ti na ba gōo a man gōon.

VI Ka Yesu 'yer kō ba, “Yı gu yi māε a Faraseemıne nı a Saduseemıne dābul pō.”

VII Ba piel mana koro taa, “Sın ba waan paanōo jaa le so.”

VIII Yesu na wa bōon wō 'yer naa, “Yın soofu na ba jā bon ε, ηmıne a yi 'yerε ıka yaa tara paanōo ε?

IX Yaa nye bōo a par sere bı? Yaa tierto a paanōosi anūu a nıbe tur anūu na di faa ti yi wob a bōnmaar 'yōo a per pie nı ayi bı? Yaa

tıertɔ a paanõɔsı anũu a nıbe tur anũu na di faa tı yı wob a bõñmaar 'yõɔ a per pie nı ayı bı?

X Bı a paanõɔsı ayopõı a nıbe tur anaar na di faa tı yı wob 'yõɔ per ayopõı bı?

XI Bo le so ka yaa tıer bõɔ ıka a ba ı paanõɔ le n 'yerε ε? Yı gu yı mǎε a Faraseemıne nı a Saduseemıne dǎbıl ye le pɔ.”

XII Be le ba pǎa tıer bõɔn ıka a ba ı a paanõɔ dǎbıl le ε tıche ba bõɔn a Faraseemıne nı a Saduseemıne wiilfo.

XIII A Yesu na wa kpe a Sisariya Filipai paal pɔ, wɔ sɔur a wɔ poturbo, “An le a nıbe 'yer ıka a maa Nısaal Bie ı naa?”

XIV Ka ba 'yer, “Bamıne 'yer ıka Joɔn Kõsuoro, ka bamıne mı 'yer ıka Elaija le, ka bamıne mı 'yer ıka Jeremiya bı a Nǎanmın 'ye'yerε āsɔɔ le.”

XV Tıche a wɔ sɔur ba, “An le yın 'yer ıka n ı naa?”

XVI Ka Simon Pita 'yer, “Fõɔ le a Nı-iraa, a Nǎanmın Vɔr Bie.”

XVII Ka Yesu 'yer kɔ wɔ, “Fɔ ju nõmõ na Simon, Jona bie! A ba ı nısaal nı nıre le ir wiil fo ε, tıche a n Sǎa na be a saaju le.

XVIII Maa le 'yerε kɔrɔ fo, a fõɔ Pita, a par le kɔsır pie, a fɔ 'yer nyǎna pɔ le, ın tu bɔɔl nıbe a ba wa sɔɔ de ma ka a kpıı tēe kõ tõɔ ba ε.

XIX In kɔ fon a saaju nǎalõɔ pǎn bie, bon 'lo jaa fon lũ ka a wer pɔ, a mın lũn a be a saaju, bon 'lo jaa fon for bar ka a wer pɔ, a mın for bar a be a saaju.”

XX Ka wɔ pǎa kpǎkpǎan a wɔ poturbo ıka ba taa 'yerε kɔrɔ nıre jaa ıka 'lo le ı a Nı-iraa ε.

XXI An piel a sōo 'lōnō a Yesu piel 'yere koro ba ɪka won chen Jerusalem ti di dōoye a nɪbere ni a juu nibe bōorlo nɪbere ni a nee wiwiilbe nuur pō, ka ba kō wō, ka a ber ata daar a wō le ir ɪ vōr.

XXII Ka Pita tōo wō yin chēchēe na wō ti piel 'yere, “N Soro, Nāanmɪn kō sōo ka a yele nyā ɪ fō ε.”

XXIII Tiche a Yesu lɪeb 'yer kō a Pita, “Tōo lan ka ti che ma. Fō ɪn Satan, na fō ɪ gber ηme bon kō ma. Faa tara Nāanmɪn bonst tɪer ε, tiche nɪsaal bonst tɪer le fō tara.”

XXIV Ka a Yesu pāa 'yer kō a wō poturbo, “Ala ɪ āsōo jaa bōoro na ɪka wō ɪ a n poturo, wō 'laar a wō mǎe ti 'mōo a wō daa tuo turo ni ma.

XXV A nɪre 'lō na bōoro ɪka wō faa a wō nyevor na bōr wō naa, tiche nɪre 'lō mɪ na bōr a wō nyevor a maa jūu, na nye wō naa.

XXVI Ala ɪ nɪre tara naa a wer ju bonst a jaa, ti bōr a wō nyevor, bo tōnō le won nye? Bu bo le won de tɛen a wō nyevor?

XXVII A maa Nɪsaal Bie na waan naa Nāanmɪn tɪr ni a wō malakast wa yab nɪre jaa bon 'lō won maal.

XXVIII Yelmǎe le n 'yere koro yi ɪka a yi bamɪne na ara a ka kō kpi ε, ti na yi nye a maa Nɪsaal Bie na waara a n nāa difo jie.”

XVII

I A ber ayōob daar, Yesu tara na Pita ni Jemesɪ ni a wō yebe Joōn don tōwōo ju a ba tɛe.

II Wō chil wō mǎe a ba niem, ka a wō nie nyle mōtōo kaar, ka a fuu pel nyle būu kaar.

III Mosesi ni Elaija mi wa dũun yi ara a wo sã, ka ba wa 'mataa 'yere.

IV Pita 'yer ku Yesu, “N Soro, a vɪla na ka sɪn kpɪere a ka. Ala ɪ fɔ soɔ naa, ɪn 'yõɔn seer ata a ka na, ka fɔ so a ãsoɔ, ka Mosesi mi so a ãsoɔ, ka Elaija mi so a ãsoɔ.”

V Won chene 'yere ka a julõjupɪla wa pɔɔ ba naa, ka Nãanmɪn kɔkɔr 'yer be a julõjuur pɔ, “Nyã le a n Binõnãa, a n pɔɔ pel wo naa, yi chele a wo 'yer.”

VI A poturbo na wa wõ a nutõ dãbãe kpe ba naa ka ba lo kpa tãe.

VII Tiche ka Yesu wa sɪr ba ti 'yere, “Yi ir, yi ta joro dãbãe ɛ.”

VIII Ban wa dɔɔ kaa, baa nye nɪre jaa ka a Yesu tee ba le ɛ.

IX Ban wa yi a tõɔ ju suro, Yesu kpãa ba naa, “Yi taa 'yere kɔrɔ nɪre jaa a bon 'lo yɪn nye ɛ, ti tãn a daar 'lo a maa Nɪsaal Bie na lieb ir a kũu pɔ.”

X Ka a wo poturbo sɔɔr wo, “Nɪmɪne le a ɪ ka a nee wiwiilbe 'yer ɪka Elaija le na de nie wa?”

XI Ka Yesu 'yer, “Sɪre jaa le, ɪka Elaija wa naa wa choor a bonɪ a jaa.

XII Tiche yelmãe le n 'yere kɔrɔ yi ɪka Elaija den nie wa ka baa bõɔ wo ɛ, tiche ba ɪ won a le na pel a ba pɔɔ. Le mi le a maa Nɪsaal Bie mi na di a dɔɔye a ba nuur pɔ.”

XIII Be le a poturbo pãa bõɔn ɪka Joɔn Kõsuoro 'yer le wo 'yere.

XIV Yesu ni a wo poturbo na wa chen a nɪyɔɔ sã, daba wa gbur dumo a wo niem,

XV ti 'yer, “N Soro, kaa a n bie nıbaal, kp̄ugul le wɔ loro na wɔ dire dɔɔye yɔɔ, sɔɔ ɔ̄sɔɔ wɔ ma lon b̄uu pɔ bu k̄ɔɔ pɔ.

XVI N tara wɔn waan a fɔ poturbo s̄e, tıche baa t̄ɔɔ s̄aa wɔ e.”

XVII Ka a Yesu 'yer, “Yın dına nıbe babāma dēme, a yı sɔɔfɔ na ba jā bon e, n be a yı s̄e naa ti t̄an dabor? N tara ni yı k̄anyir jā ηmıne?” Ti 'yer a daba, “Tɔɔ a bie wa kɔ ma.”

XVIII Yesu t̄an a sıd̄eer ka wɔ yi a bie pɔ, a d̄ed̄ee daa ka a bie sa.

XIX A poturbo wan a Yesu t̄ee s̄e wa s̄oor, “N̄mıne a ı ka sın ba t̄ɔɔ dii a sıd̄eer bar e?”

XX Wɔ 'yer kɔ ba, “Boj̄uu a yı sɔɔfɔ ba jā bon e. Yelm̄ae le n 'yere koro yı, yın tara sɔɔfɔ kɔ jā a k̄ɔk̄ɔ bir, yın 'yer kɔ a t̄ɔɔ nyāna, ir a ka chen a be; wɔn ir chen. Ti yele jaa kɔ ı kp̄eɔ kɔ yı e.”

1

XXII Ban wa l̄ɔɔ taa a Galilee, Yesu 'yer kɔ ba, “Ban gar 'ȳɔɔ a maa Nısaal Bie ka n di dɔɔye a nıbe nuur pɔ.

XXIII Ban kɔ maa naa, ka a ber ata daar ka n lıeb ir ı v̄or.” Ban w̄o a nıt̄ɔ, ba p̄oor s̄ɔɔ naa.

XXIV A Yesu ni a wɔ poturbo na wa ta a Kapenahum, a puorfɔ yir l̄opodierbe wa 'yer a Pita, “A yı wiwile maa yab a puorfɔ yir l̄opoo bu?”

XXV Ka wɔ 'yer, “Ɔɔ, wɔ ma yab naa.” Pita na wa ta a yir, Yesu le de nie s̄oor Simon, “Bo le

1 **XVII:XX 17:20** A gāma amune pɔ, baa 'ȳɔɔ a p̄ofɔ lıjer ni b̄o'yen e ıka, 21Tıche yı k̄ɔ t̄ɔɔ a sıd̄eer nyā tɔ dii bar e, ka ala ba ı Nāan̄mın s̄oorfɔ ni k̄ɔ galfɔ le e.

fo tɪer?” Ba boo le ma yab a lõpoo kɔ a wer ju nãmɪne? A ba bibiir le bu nɪyor le ma yab?

XXVI Pita na 'yer ɪka nɪyor sɛ̃, le Yesu 'yer kɔ wɔ, “A le a bibiir son ba m̃æ.

XXVII Tɪche saa bɔɔɔ ɪka sɪ sɔ̃ a nɪbe banyãna pɔɔ ε, yɪ chen a man pɔ tɪ lob a jãpãɪ, yin wa ir a jãdɔ̃ 'lo yɪ yuo a nɛɛ, yɪn nyen libir, yɪ de ya a sɪ lõpoo. De a jãm 'lo fon dɔ̃ nie nyɔɔ, fɔ̃ɔ wa haa a wɔ nɛɛ fon nyen libibir, de a 'lo yab a sɪ lõpoo.”

XVIII

I A sɔ̃ 'lõnɔ̃ le a poturbo wa a Yesu sɛ̃ na ba wa sɔɔr, “An le ɪ kpɛɛ gar ba jaa a Nãanɪmɪn nãalɔ̃ɔ pɔ?”

II Wɔ bɔɔl bibile na wɔ vɛ̃ a wɔ ara a ba pɔ,

III tɪ wɔ 'yer, “Yelm̃æ le n 'yere kɔɔ yɪ, yɪn baa lɪeb na yɪ kaara fɪka bibiir kaar ε, yɪ kɔ̃ tɔ̃ kpe a Nãanɪmɪn nãalɔ̃ɔ pɔ ε.

IV A le jũu, nɪre 'lo na sur wɔ m̃æ a bibile nyãna kaar, le ɪ a kpɛɛ gar ba jaa a Nãanɪmɪn nãalɔ̃ɔ pɔ.

V “Nɪre 'lo jaa na de a bibile nyãna a n jũu, maa le wɔ de.

VI Tɪche, ala ɪ ãsɔɔ jaa mɪ vɛ̃ naa a bɔ̃bile nyãna na sɔɔ ma ɪ yelbier, a nɪnyɪne 'lõnɔ̃, bala 'mɔɔ nɪer lũ yɔɔl a wɔ nyɛ̃e pɔ daa 'yɔ̃ɔ a man pɔ, ala sa.

VII “Nɛbier le kɔ a wer, a bɛer kaa na vɛ̃ ka ba ɪ yelbier. Bɛer kaa na wa naa, tɪche nɛbier le kɔ a nɪre 'lo 'yɔ̃ɔ an tu wa!

VIII Ala ɪ a fɔ̃ nũu bu gber vɛ̃ naa ka fɔ̃ ɪ yelbier, ŋmaa wɔ lob bar. Fon tɪ kpe a nyevɔr pɔ nɪ

nūŋmaa bu gbenmaa sãn fon tara a nuur ni a gbεε a jaa ayi ti na fu ti kpe a wõm jie a be a bũu na ba kpĩine ε.

IX Ala ι a fu nibir mi vẽ naa ka fu ι yelbier, 'loo lob bar. Fon ti kpe a Nãanmɪn nãalõõ pɔ ni nibife sa naa fon tara a nibie ayi ti na fu ti kpe wõm jie.

X “Yi bõon sõ na yi taa kaara a bõbil banyãna ãsɔɔ pɔɔ ε, yelmãε jaa le n 'yere korɔ yi a ba malakasi ben a saaju ma kaara a n Sãa niem. ²

XII “Bo le yi tier? Ala ι a nure ãsɔɔ tara na piir kɔbaa, ka bõ'yen wa bɔr, a ba ι won bar a kɔbaa forbir ala a pechiin baa pɔ, ti yɔɔɔ bɔɔɔ a bõ'yen 'lo ti tãn a sõ 'lo jaa won na ti nye wɔ bu?

XIII Yelmãε le n 'yere korɔ yi, 'lo wa nye wɔ, nõɔ ma kpe wɔ naa gar a kɔbaa forbir ala na ba bɔr ε.

XIV Le ni wɔ ju mi le ιka a ba ι a yi Sãa saaju bɔfu ιka a bõbil banyãna ãsɔɔ wɔ bɔr ε.

XV “Ala ι a fu yebe ãsɔɔ ι fon yelbier, chen ti wiil wɔ a wɔ sɔɔnaa fõɔ ni a 'lo tεε. 'Lo wa sɔɔ a wɔ bɔrfɔ, yi le in yeer go.

XVI Tiche 'lo ba wa sɔɔ a fu 'yer ε, tara nibõ'yen bu nibe ayi chiin, ka a nibe ayi bu nibe ata di a 'yer dãaste. (*Mosesi Gãma Na Tu Ata 19:15*)

XVII 'Lo wa tɔr a nibe bala niem, 'yer kɔ a pupuorbiir, ka 'lo wa chene tɔr na waa tu a ba neε ε, fu maal wɔ fika a le fon na maal a niyuo, bu a lõpodier kaar.

² **XVIII:X 18:10** A gãma amɪne pɔ, baa 'yõɔ a põfo pie ni bõ'yen ε ιka, 11A maa Nɪsaal Bie wan ιka n wa faa a bala na bɔr.

XVIII “Yelmãe le n 'yere koro yi, bon 'lo jaa yin lū ka a wer pɔ, mi lūn a saaju bon 'lo yin lor bar a wer pɔ a mi lor bar a saaju.

XIX “Yelmãe le n 'yere koro yi, a yi nibe ayi tara sofo soor bon jaa, a n Sãa na be a saaju na ku yi naa.

XX Jie 'lo nibe ayi bu ata na ara ni a maa yuor, n ben a ba pɔ.”

XXI Pita wan wa soor wɔ, “N Soro, ala i a n to soo i man yelbier gbɛɛ anɔmɛ le in vɛ bar wɔ? Gbɛɛ ayopɔi (7) bu?”

XXII Ka a Yesu 'yer ku wɔ, “N 'yere na koro fu a ba i gbɛɛ ayopɔi ε, tiche gbɛɛ ljaata ni pie ni ayopɔi gbɛɛ ayopɔi (77).”

XXIII “A le jūu a Nãanɔmɛn nãalõɔ na nyentaa fika nãa na boor ika 'lo ni a wɔ tõtõnbɔ ba guor a ba libie kaa.

XXIV Wɔn wa ti piel guoro a libie yele ba nyoon ãsoo na di wɔ turo pie sãn waan a wɔ sɛ,

XXV wɔn kõ tõo yab a sãn ε, a wɔ nukpɛɛ 'yer ika ba da 'lo ni a wɔ pɔɔ ni a bibiir ni a wɔ bonsi a jaa yab a sãn.

XXVI “Ka a tõtõnõ lo gbur dumo a wɔ niem looro nuur 'yere, ‘Tara ni ma kãnyir, in yab a fu sãma a jaa.’

XXVII A nukpɛɛ kãan a wɔ nbaal ti vɛ a wɔ sãma ku wɔ, ti bar wɔ.

XXVIII “Tiche, a daba nyã ni wɔ ju na wa yi a yõo nye a wɔ tõtõto soo na di wɔ toofar kobaa sãn, wɔ chum a daba kɔkɔr pɔ ti 'yer, ‘Yab ma a sãn fon di.’

XXIX “Ka a tõtõnõ nyã mi lo gbur dumo ti sooro, ‘Tara ni ma kãnyir, ti in yab fon a sãn.’

XXX “Ka wɔ tɔr, ti nyɔɔ wɔ chiin ti pɔɔ ti tãn a sɔɔ 'lo won yab a sãn.

XXXI A wɔ tɔtɔtaaba na wa nye a le won ɪ, ba pɔɔ sɔɔ naa, ka ba chen ti man a jaa kɔ a nɪkpɛɛ a le jaa na ɪ.

XXXII Ka a wɔ nɪkpɛɛ bɔɔl wɔ wa sɔɔr wɔ, ‘Fɔɔ tɔtɔputuo sɔɔ. Fɔn sɔɔr ma jũu le so ka n vɛ a sãn bar fɔ.

XXXIII Fɔ mɪ kɔ naa kaa a fɔ tɔtɔtɔ sɔɔ nyã nɪbaal nɪtãa a le ɪn kaa a fɔ nɪbaal ε?’

XXXIV A wɔ nɪkpɛɛ suur ir naa ka wɔ de wɔ tɪr ɪka ba ti pɔɔ wɔ ge wɔ ti tãn a daar 'lo won yab a sãn a jaa.

XXXV “Le mɪ le a n Sãa na be a saaju na ɪ yɪ mɪ, yɪn baa vɛ a yɪ yebe yelbier bar ε.”

XIX

I Yesu na wa 'yer a anyã baar, wɔ yin a Galilee chen Judiya paal pɔ, a Jordan man gɔɔn.

II Nɪyɔɔ turo wɔ naa, ka wɔ sãa a ba baalsɪ a be.

III Faraseemɪne bamɪne wan a wɔ sɛ ɪka ba wa bɛɛr wɔ kaa, na ba sɔɔr wɔ, “Sɔɔr ben be ɪka daba wɔ bar a wɔ pɔɔ yebe kɔɔ jũu bu?”

IV Ka Yesu 'yer, “Yaa kar a be a nɪrɛ 'lo na maal ba a pielfɔ daar ‘Maal daba nɪ pɔɔ’ ”, (*A Pielfɔ Gãn 1:27*)

V na wɔ 'yer, “A le jũu, daba na bar a wɔ sãa nɪ a wɔ ma, tɪche ka 'lo nɪ a wɔ pɔɔ ɪ bɔ'yen, ka ba jaa ayi ɪ ãgãn bɔ'yen? (*A Pielfɔ Gãn 2:24*)

VI Baa le chene ɪ ayi ε, tɪche ba ɪn ãgãn bɔ'yen. A le jũu, bon 'lo Nãanmɪn na 'mataa, nɪrɛ wɔ ta oor aa ε.”

VII Ka ba sɔɔr wɔ, “Ŋmɪnɛ ka a Mosesɪ 'yer ɪka sɪ kɔ wɔ pɔɔ bar gān, tɪ bar wɔ?”

VIII Ka wɔ 'yer kɔ ba, “Bojũu a yɪ nyākɔpāen jũu lɛ so ka a Mosesɪ bar a sɔr ɪka, yɪ bar a yɪ pɔɔɔ, tɪche a pielfɔ daar a ba dɔɔ be a lɛ ɛ.

IX A lɛ jũu, n 'yerɛ na kɔrɔ yɪ, nɪrɛ 'lɔ jaa na bar a wɔ pɔɔ, ka ala ba ɪ sɛfɔ jũu tɪ kul pɔɔ yuo, wɔ sɔɔn a kul taa.”

X A wɔ poturbo 'yer kɔ wɔ, ala ɪ lɛ lɛ a be a daba nɪ a wɔ pɔɔ, a ba sɛɛ ɪka nɪrɛ wɔ kul pɔɔ ɛ.

XI Tɪche ka wɔ 'yer kɔ ba, “Nɪrɛ jaa kɔ tɔɔ sɔɔ a wiilfɔ nyā ka a bala a Nāanɪmɪn na vɛ a ba bɔɔ a par tɛɛ ba lɛ ɛ.

XII Bamɪne ben be na ba dɔɔr ɛ, an ɪ lɛ lɛ ba dɔɔ ba ka be, ka bamɪne mɪ a ba taaba lɛ maal ba ka baa dɔɔr ɛ, ka bamɪne mɪ tɔr a kul taa a Nāanɪmɪn nāalɔɔ jũu, 'lɔ jaa nɪ na tɔɔ sɔɔ a wiilfɔ nyā, wɔ sɔɔ.”

XIII Nɪbe waan na bibiir ɪka wɔ dɔɔl ba a wɔ nũu na wɔ sɔɔr Nāanɪmɪn kɔ ba. Tɪche a poturbo mɪn 'yɔɔ a bala na waan ba.

XIV Ka a Yesu 'yer, “Yɪ bar a bibiir sɔr ka ba wa a n sɛ, yɪ ta pii ba sɔr ɛ, a banyā taaba lɛ so a Nāanɪmɪn nāalɔɔ.”

XV Wɔ dɔɔl ban a wɔ nuur sɔɔr Nāanɪmɪn kɔ ba, tɪ chen.

XVI Be lɛ ka nɪrɛ āsɔɔ wa a wɔ sɛ wa sɔɔr, “Wiwile, bo yelɪla lɛ ɪn ɪ naa nyɛ nyevɔr na ba tara baarfɔ ɛ?”

XVII Ka a Yesu sɔɔr, “Ŋmɪnɛ a fɔ sɔrɔ ma bon 'lɔ na ɪ vɪla? Nɪbɔ'yen tɛɛ lɛ ɪ nɪbie. Ala ɪ fɔ bɔɔrɔ na ɪka fɔ nyɛ nyevɔr turo a nebɪnsɪ.”

XVIII Ka daba suor wɔ, “A boo?” Ka Yesu 'yer, “Ta kɔ nɛrɛ ɛ, ta sɛ ɛ, ta ju ɛ, ta di jir d̄aasɛ ɛ,

XIX 'yɔɔnɔ a fɔ s̄a nɪ a fɔ ma, (A *Yifɔ Ḡan 20:12-16*) na fɔ mɪ lɛ n̄ɔ a fɔ tɔ sɔɔ a fɔ m̄aɛ kaar.” (Mosesi *Ḡama Na Tu Ata 19:18*)

XX Ka a daba 'yer kɔ wɔ, “N tu naa anȳana a jaa, bo lɛ chɛ ma?”

XXI Ka a Yesu 'yer kɔ wɔ, “Ala ɪ fɔ bɔɔrɔ na ɪka fɔ ɪ chechɛ, tɪ de a fɔ b̄ɔtarsɪ a jaa da, na fɔ de a libie kɔ a n̄ɔn d̄ɛme, fɔn nyen a N̄aɔnmɪn n̄aalɔɔ tɪ na fɔ wa turo ma.”

XXII A daba na wa w̄ɔ a n̄ɔtɔ, wɔ chiin naa pɔsɔɔ boj̄u wɔ tara na b̄ɔtarsɪ.

XXIII Ka Yesu 'yer kɔ a wɔ poturbo, “Yelm̄aɛ lɛ n 'yere yɪ, an ɪn kp̄ɛɔ tara sɔɔ na kpe a N̄aɔnmɪn n̄aalɔɔ pɔ.”

XXIV Sɪrɛ jaa lɛ n 'yere kɔrɔ yɪ go, an ɪn k̄ɔm̄ɔk̄ɔm̄ɔ ka nyɔɔma na kpe kparp̄i bɔɔ pɔ gar tara sɔɔ na kpe a N̄aɔnmɪn n̄aalɔɔ pɔ.”

XXV A poturbo na wa w̄ɔ a n̄ɔtɔ, nɛɛ 'maa ba naa ka ba suor, “An lɛ na p̄a nyɛ faafɔ?”

XXVI Ka Yesu kaa ba tɪ 'yer, “Ala na ɪ tuo nɛrɛ sɛ, N̄aɔnmɪn sɛ ye le jaa ba ɪ tuo ɛ.”

XXVII A Pita 'yer kɔ wɔ, “Nyɛ sɪn bar bonsɪ a jaa tɪ wa turo fɔ? Bo s̄ayar lɛ sɪn nyɛ?”

XXVIII Yesu 'yer kɔ ba, “Yelm̄aɛ lɛ n 'yere kɔrɔ yɪ, a bonsɪ a jaa b̄ɔpaalaa lɛbfɔ daar, a maa Nɪsaal Bie na j̄anɛ naa a tɪr n̄aalɔɔ dakɔɔ ju. Ka a yɪn bala mɪ na turo ma mɪ j̄anɛ a n̄a dakɔɔ pie nɪ ayi ju, tɔɔrɔ a Isral bala pie nɪ ayi 'yer.

XXIX Nɪrɛ nȳa jaa na bar a wɔ yir bu yeer bu yeɔbɔ, bu s̄a, bu ma, bu bibiir, bu puo a maa

jũu na nyen dɔoltaa gbɛɛ kɔbaa tɪ tara nyevɔr na ba tara baar fɔ ɛ.

^{XXX} Tɪche a nyɔɔ na de a nie na wa ben puor, tɪche ka a puor dɛme nɪ wa de a nie.

XX

^I “Nãanmɪn nãalõɔ nyentãan fɪka daba kɔɔ na dɔɔ ŋmaa ir bibio jaa pipi yi ɪka wɔ tɪ bɔ nɪbe ka ba chen tɪ kɔ wɔ puo pɔ.

^{II} Wɔ sɔɔ naa ɪka wɔn yab ba naa a le ban na de a bɪbir gbul ka wɔ tara ba chiin a wɔ puo pɔ.

^{III} “A mɔtɔɔ nɪ le wa do bãlãa wɔ yɪn tɪ nye a nɪbe bamɪne na ara a daa pɔ na baa maala bon jaa ɛ.

^{IV} Ka wɔ 'yer kɔ ba, ‘Yɪ mɪ chen a n puo pɔ tɪ un yab yɪn naa a le jaa na sɛɛn.’

^V Ka ba sɔɔ chen. Tɪ wɔ le yɪ go a mɔtɔɔ na wa vɪrɔ gar ju sãlsɔɔ nɪ a mɔtɔɔ na wa suro a tɪr pɔ na wɔ tɪ bɔ a nɪbe bamɪne mɪ.

^{VI} A jãano'maar sɔɔ, wɔ le yɪn tɪ nye bamɪne mɪ na chene jẽ pɔrɔ jaa. Ka wɔ sɔɔr ba, ‘Bo le so a dɪna yɪn jãne ba maala bon jaa ɛ?’

^{VII} A ba 'yer, ‘Nɪre jaa ba sɔɔr sɪ kɔb ɛ.’ Ka wɔ 'yer kɔ ba, ‘Yɪ wa a sɪ chen a n puo pɔ a yɪ tɪ kɔ.’

^{VIII} “Jãanɔɔr na wa ta, a puo sɔɔ 'yer kɔ a nɪre 'lo na kaara a wɔ puo, ‘Bɔɔl a tɔtɔnɔ kɔ ba a ba libie, de nie piel a bala na bɪer wa tɪ tãn a bala na dɔɔ nie wa.’

^{IX} “A bala na wa bɪer wa ãsɔɔ jaa den a bɪbir gbul libir.

^X A dɔɔ nie dɛme na wa tɪ wa, ba tɪer ɪka ban nyen gar a le, tɪche a wɔ kɔ ãsɔɔ jaa mɪ bɪbir gbul libir.

XI Tiche ban wa de a le baar, ba vñn neer 'yõo a puo sɔɔ,

XII na ba gõonõ a puo sɔɔ 'yerε, 'A nibe banyãna wa bier wa ti fɔ yab si jãtaa, ni sin na ηmaa ir ni ɔɔr wa tõ lãεε ka mõtõɔ ηme si ti mörö.'

XIII "Ka wɔ lɛb sɔɔr a ba ãsɔɔ, 'N badaba, n ba i fɔ dɛer ε, a ba i yin le sɔɔ ika yin den a bibir gbul libir ε?

XIV De a fɔ libir chiine. Maa le nõ naa kɔ a puor dẽme nitãa a le in kɔ yi.

XV N ba tara sɔr na de a n libie in a le in bɔɔrɔ bu? Bu fɔ tara nyuur ni a n maal vɛla?'

XVI "A le jũu, a puor dẽme na wa ben niem ka a nie dẽme mi wa be a puor."

XVII Yesu na wa pãa duoro a Jerusalem, wɔ tara na a poturbo pie ni ayi yin chẽchẽε na wɔ ti 'yer kɔ ba,

XVIII "Nyε, si ben duoro a Jerusalem ka ban ti de a maa Nɛsaal Bie 'yõo a Juu nibe bɔɔrlo nibeε ni a nεε wiwiilbe nuur pɔ.

XIX Ban de man kɔ a bala na ba i a Juu nibe ε, ka ba la ma, tɔrɔ ma, churε nataar 'yõonõ ma, na ba ge ma, ti kɔ ma, ka a ber ata daar ka n ir i vɔr go."

XX Be le ka Jebedee pɔɔ tara a wɔ bibiir ayi waan a wɔ sã wa lo gbur dumo a wɔ niem na wɔ sɔɔrɔ bon kõɔ.

XXI Ka a Yesu sɔɔr wɔ, "Bo le fɔ bɔɔrɔ?" Ka wɔ 'yer, "Vẽ ka a n bibiir banyã ayi ka ãsɔɔ jãne a fɔ nũsõɔ ka ãsɔɔ mi jãne a fɔ gobaa jie a fɔ nãalõɔ pɔ."

XXII Ka a Yesu 'yer, "Faa bõõ a bon 'lo fon sooro ε. Ban tõõ nyūn a dõoye ηmele 'lo in na nyūn o?" Ka ba 'yer, "Sın tõõ naa."

XXIII Ka a Yesu 'yer kũ ba, "Yın tõõ nyūn a n ηmele tiche maa kũ tõõ 'yer a buor soo na jāne a n nūsõo bu a n gõbaa jie ε, ka a bala a n Sāa na choor kũ tee ba le ε."

XXIV A poturbo pie bala na wa wõ a nitõ, ba nyen naa a yeer ayi bala suur.

XXV Ka a Yesu buol ba waan wa 'yer, "Yı bõõn na ıka a bala na kaara a nıbe bala na ba ı a Juu nıbe le kaara ba bon jaa po, ka a ba nıbere tõõ ba."

XXVI A kũ tõõ be a le a yı po ε, tiche nıre 'lo na buoro ıka wõ ı a yı kpεε, wõ ı a yı tõtõnõ.

XXVII Nıre 'lo mı na buoro ıka wõ ı a yı nıdiere, wõ ı a yı gbāgbaa.

XXVIII Nıtāa le a maa Nısaal Bie na ba wa ıka ba tõtõnõ korõ ma ε, tiche ka wõ ı a tõtõnõ na wõ de a n nyevor faan nıyoõ yelbier bar."

XXIX Yesu nı a wõ poturbo na wa yire a Jeriko nıyoõ turo wõ naa.

XXX Ka a jõn ayi jāne a sor kõkoor. Ban wa wõ ıka Yesu le tala, ka ba gboolo, "Sı Soro, David Bie wooo ı, kaa a sı nıbaal."

XXXI Ka a nıyoõ 'yer ıka ba bar gõmõ tiche ka ba chene gboolo, "Sı Soro, David Bie wooo ı, kaa a sı nıbaal."

XXXII Yesu ara na tı buol ba sooro, "Bo le yı buoro ıka n maal kũ yı?"

XXXIII Ka ba 'yer kũ wõ, "Sı Soro, sı buoro na ıka sı nyere."

XXXIV Nɪbaal kpě̃n a Yesu, ka wɔ sɪr a ba nɪbie, ka ba nyere na ba turo wɔ.

XXI

I Ban wa gburɔ a Jerusalem nɪ a Betefagɪ a Olive Tɪr Tɔɔ ju, Yesu tɔn a wɔ poturbo ayi,

II na wɔ 'yer kɔ ba, “Yɪ chen a tēbile 'lɔ na be a yɪ niem, yɪn tɪ nyen bɔɔ ban lū ka a bɔpɔl ara kɔɔ wɔ, yɪ for yaa waan.

III Ala ɪ nɪre wa sɔɔr yɪ naa, ‘Nɪmɪnɛ a yɪ foro a bɔɔ?’ Yɪ 'yer kɔ wɔ, ‘A Sɪ Soro lɛ bɔɔrɔ yaa.’ Wɔn bar sɔr ka yɪ foraa waan fɔɔ jaa.”

IV A yeke anyā ɪ na ka a na ɪ yelmāɛ a lɛ a Nāanɪmɪn 'ye'yere na dɔɔ 'yer na wɔ 'yere.

V “Yer kɔ a Jerusalem nɪbe, ‘Nye, a yɪ nāa waara na a yɪ sē. Wɔ siir wɔ māɛ na wɔ do bɔɔ. Bɔpɔl bile lɛ wɔ do waara nɪ.’ ” (*Jekariya 9:9*)

VI A poturbo chen tɪ tɔ a lɛ a Yesu na 'yer ɪka ba ɪ.

VII Ba waan na a bɔɔ nɪ a bɔpɔl bile na ba de a ba fɔɔr 'yɪer dɔɔl, ka wɔ do jānɛ a bɔpɔl ju.

VIII Nɪyɔɔ 'yɪer a ba fɔɔr a sɔr pɔ ka bamɪnɛ mɪ 'mɛl vai 'yɪer a sɔr pɔ.

IX A nɪyɔɔ bala na be a niem nɪ a bala na turo a puor chɪle na 'yere, “Yāan yooo, Nāa David Bie! Nāanɪmɪn wɔ sɔɔ a 'lɔ won tɔ! (*Yiel Gān 118:26*) Yāan yooo, dānfɔ wɔ ta a saaju Nāanɪmɪn.”

X Wɔn wa kpe a Jerusalem tēe pɔ, a nɪbe ba jaa ɪre na yulɔbɔmm, na ba sɔrɔ, “An lɛ a nyā?”

XI Ka a nɪyɔɔ bala na turo wɔ 'yer, “Nyā lɛ ɪ a Nāanɪmɪn 'ye'yere, Yesu na yi a Najaretɪ na be Galilee.”

XII Yesu kpe naa a Nāanmɪn puorfɔ yir bechaar pɔ, na wɔ dire a bala na chiin a bonɪ tɪ daara nɪ a bala na daara baraa, tɪ na wɔ dara a libiteerbe tɛebɔlɪ nɪ a bala na daara a papar dakɔɔr lɔɔrɔ.

XIII Wɔ 'yer kɔ ba, "A seb a Nāanmɪn gān pɔ ɪka, 'A n yir na ɪ naa Nāanmɪn sɔɔrfɔ jie,' (*Isaiya 56:7*) tɪche 'Ka yɪn maal wɔ ka wɔ ɪ nānyɪsɪ sɔɔlfɔ jie.' " (*Jeremiya 7:11*)

XIV Jɔn nɪ gberɪ chen a be a Nāanmɪn puorfɔ yir ka wɔ sāa ba.

XV Tɪche a Juu nɪbe bɔɔrlo nɪbere nɪ a neɛ wiwiilbe na nye a ne'maa tɔmɔ won tɔ nɪ a bibiir na ɪre a gɔmɔ a Nāanmɪn puorfɔ yir pɔ ɪka, "Yāan yooo! Nāa David Bie." Ka a ba pɔɔr sɔɔ.

XVI Ba sɔɔr a Yesu, "Fɔ wɔn a le a bibiir banyāna na 'yere ɔ?" Ka wɔ 'yer, "Ɔɔ, yaa dɔɔ kar ɪka, 'A bibiir nɪ bipɪle negāma pɔ le yɪ bɔɔrɔ pɛɛfɔ ɛ?' " (*Yiel Gān 8:2*)

XVII Wɔ bar ba naa tɪ yɪ chen a Betanɪ tɛe pɔ tɪ gā a be.

XVIII Wɔn wa heb chen a tɛkpɛɛ pɔ a bibio, kɔ kpe wɔ naa.

XIX Wɔ nyen kɔkɔɔ tɪe na ara a sɔr kɔkoor, a wɔ chen tɪ ta ka wɔmɔ ba be be ɛ, tɪ wɔ ɪ va nara tɛɛ. Ka Yesu 'yer kɔ a tɪe, "Fɔ kɔ le wɔ wɔmɔ go ɛ!" Ka a tɪe juɔl kpi ajienaa.

XX A poturbo na wa nye a tɪe na kpi, neɛr 'maa ba naa ka ba 'yere, "Nɪmɪne le a tɪe ɪ juɔl ajienaa a le?"

XXI Ka Yesu 'yer kɔ ba, "Yelmāe le n 'yere kɔrɔ yɪ, yɪn tara sɔɔfɔ na yaa baal ɛ, a ba ɪ a le na tɔ kɔ a tɪe nyā tɛe le yɪn tɔ ɛ, tɪche yɪn gba 'yer kɔ a tɔɔ nyāna, 'Ir suu a man pɔ,' tɪ wɔn ir naa.

XXII Yɪn wa sɔɔr bon jaa tɪ tara sɔɔfo, yɪn nyɛ naa.”

XXIII Yesu na wa tɪ kpɛ a Nāaŋmɪn puorfɔ yir bɛchaar pɔ na wɔ wɪlɛ, ka a Juu nɪbɛ bɔɔrlo nɪbɛrɛ nɪ a Juu nɪbɛrɛ wa a wɔ sɛ̃ a sɔ̃o 'lo won wɪlɛ wa sɔɔr wɔ, “Bo kpɛ̃o lɛ fɔ de tɔ̃nɔ̃ nɪ a anyā nɪ an lɛ kɔ fɔ a sɔr ɪka fɔ tɔ̃nɔ̃ nɪ a anyā?”

XXIV Ka a Yesu 'yer kɔ ba, “N mɪ na sɔɔr yɪn sɔɔrfɔ bɔ'yen. Yɪn wa tɔ̃o wiil ma a par, n mɪ na wiil yɪ naa a nɪrɛ 'lo na kɔ ma a kpɛ̃o ka tɔ̃nɔ̃ nɪ a anyāna.

XXV A Joɔn na dɔ̃o suoro a nɪbɛ a Nāaŋmɪn kɔ̃o, Nāaŋmɪn lɛ kɔ wɔ a sɔr bu nɪbɛ lɛ kɔ wɔ a sɔr? Yɪ 'yer n kaa?” Ka ba piel chɪrɛ taa, “Sɪn bɛ 'yer ɪka Nāaŋmɪn lɛ tɔ̃ wɔ won sɔɔr sɪ naa ka bo lɛ so ka saa sɔɔ de wɔ ɛ?”

XXVI Tɪchɛ sɪn mɪ 'yer ɪka nɪrɛ lɛ tɔ̃ wɔ a ba ɪ ɛ, sɪ joro naa a nɪbɛ dābāɛ bojūu nɪrɛ jaa sɔɔ naa ɪka a Joɔn ɪn Nāaŋmɪn 'yɛ'yɛrɛ.”

XXVII Bɛ lɛ a ba 'yer kɔ a Yesu, “Saa bɔ̃o ɛ.” Ka a Yesu mɪ 'yer kɔ ba, “N mɪ kɔ̃ 'yer kɔ yɪ a nɪrɛ 'lo na kɔ ma a kpɛ̃o ka n tɔ̃nɔ̃ nɪ a anyāna ɛ.”

XXVIII Ka a Yesu 'yer kɔ ba, “Nɪmɪnɛ lɛ yɪ tɪɛr? Daba lɛ tara bibiir ayi, na wɔ chɛn tɪ 'yer kɔ a dɔ̃o sɔɔ, ‘N Bie chɛn tɪ tɔ̃ a n puo tɔ̃mɔ̃ a dɪna.’

XXIX Ka wɔ 'yer, ‘N kɔ̃ chɛn ɛ,’ tɪchɛ na wɔ ta sɔ̃o lɛb a wɔ tɪɛr na wɔ chɛn.

XXX A sāa lɛ chɛn tɪ 'yer kɔ a ayi sɔɔ a lɛ nɪ wɔ ju mɪ, ka wɔ 'yer, ‘N chɛn naa,’ tɪ na wɔ tɔr.

XXXI “A bibiir banyāna ayi, buor sɔɔ lɛ tɔ̃ a wɔ sāa bɔfɔ?” Ka ba 'yer, “A dɔ̃o sɔɔ lɛ.” Ka Yesu 'yer kɔ ba, “Yelmāɛ jaa lɛ n 'yɛrɛ kɔrɔ yɪ a

lõpodierbe ni a pɔɔ baar na dõɔ yin nie kpe a Nãanmɪn nãalõɔ pɔ.

XXXII Jɔɔn Kõsuoro wan wa wile yi a yelmãe sɔr ka yaa sɔɔ de wɔ ε, tiche a lõpodierbe ni a pɔɔ baar sɔɔn de wɔ, yin sɔɔ wa nye gba yaa lieb a yi tier sɔɔ de wɔ ε.

XXXIII “Yi le chele a sukpa ãsɔɔ. Daba le kɔ wɔ puo na wɔ. Wɔ wɔɔn a puo wɔ jaa jilõ, na wɔ tuu bɔɔ ka ban ma pɔr a wõmõ 'yõɔnõ na ba neɲmer ir a kõɔ. Wɔ men jie ãsɔɔ na do ka nɪre na ma do jãne a be kaara a puo. Wɔ den a puo kɔ nibe ika ba kaara ti na wɔ yɔ chen paal yuo pɔ.

XXXIV A pɔrfɔ sõɔ na wa ta, wɔ tñn a wɔ gbãgbaar ika ba chen a nibe bala sã ti pɔr a tie wõmõ.

XXXV “Tiche ka a nibe bala nyɔɔ a wɔ gbãgbaar ηme a ãsɔɔ, na ba kɔ a ãsɔɔ ti na ba lob a ãsɔɔ ni kɔsibe kɔ.

XXXVI Be le wɔ le tñ a gbãgbaar bamune ka ba ge ba a le ne ni wɔ ju.

XXXVII A baaraa le wɔ tñ a wɔ mãe bie a ba sã na wɔ 'yer, 'Ban 'yõɔ naa a n bie.’

XXXVIII “Tiche a pokaarba na wa nye a bie, ba 'yer kɔ taa, 'Nyã le ι a bõdire, yi ι a sɪ kɔ wɔ ti de a bonsɪ.’

XXXIX Be le ba nyɔɔ wɔ kɔ lob bar a puo kõkoor.

XL “Põpãanyã a puo sɔɔ wa wa, ηmune le wɔn ι a pokaarba banyãna?”

XLI Ka ba 'yer kɔ wɔ, “Wɔn wan wa kɔ a pokaarba banyã ba jaa ti de a puo kɔ nyor, a bala na ma sɔɔ ka ba põ a puo bonsɪ a ηmafɔ sõɔ.”

XLII Yesu 'yer kɔ ba, “Yaa kar a jie nyã a Nãanmɪn gãn na 'yer ɪka a, ‘A kɔsɪr 'lɔ a mɪmɪɛɛbe na tɔr bar le ɪ a kɔsɪr ju. A sɪ Soro le tɔ a nɪtɔ ka a sɔb sɪ a nɪbie.’ (*Yiel Gãn 118:22, 23*)

XLIII “A le jũu n 'yere na kɔrɔ yɪ, Nãanmɪn na faan a wɔ nãalɔɔ yin a yɪ sɛ kɔ a nɪyor bala na sɔɔ wɔ.

XLIV Nɪre nyã na lo a kɔsɪr nyã ju na pɔrɔpɔr a, tɪche a wɔ mɪ na kɔ nɪre nyã ju won lo dɔɔl.”

XLV A Juu nɪbe bɔɔrlo nɪbere nɪ a Faraseemɪne na wa wɔ a wɔ sɔkpar anyãna, ba bɔɔn naa ɪka bala le wɔ lɔɔrɔ a sɔkpar gbɛere nɪ.

XLVI Ka ba bɔɔrɔ na sɔr ɪka ba nyɔɔ wɔ, tɪ na ba joro a nɪyɔɔ dãbãe bojũu ba nyen ka wɔ ɪ Nãanmɪn 'ye'yere.

XXII

I Yesu le lɔɔrɔ na sɔkpar kɔrɔ a nɪbe na wɔ 'yere,

II “A Nãanmɪn nãalɔɔ nyentãan fɪka nãa kɔɔ na maal a wɔ bidaba na kulo pɔɔ paalaa bɔɔdiir.

III Wɔ tɔn a wɔ tɔtɔnbɔ ɪka ba tɪ 'yer a bala won bɔɔl a pɔɔ paalaa jie, tɪche a bala won bɔɔl ka ba tɔr.

IV “Wɔ le tɔn nɪyor ɪka ba tɪ 'yer a bala won bɔɔl, ‘Nyɛ, n maal a pɔɔ paalaa bɔɔdiir baar, n kɔn a n nadar nɪ a napɔl ka ye le jaa chɔɔr baar, yɪ wa a pɔɔ paalaa jie.’

V “Tɪche ka ba tɔr ka nyã jaa ma chen wɔ chenfo jie, ka ãsɔɔ mɪ chen a wɔ puo pɔ, ka ãsɔɔ mɪ chen a wɔ yar jie.

VI Tiche ka a bala na che nyoor a wo tōtōnbo ge ba ti na ba ku ba.

VII A nãa suur ir naa ka wo tō a wo sojasi ika ba ti ku a nikurbo bala ti chom a ba tēe.

VIII “Ti na wo pãa 'yer ku a wo tōtōnbo, 'Yelee jaa choor baar, tiche a bala in buol ba see e.

IX Yi yi a tēe po ti buol nire jaa yin nye ka wo wa a poo paalaa jie.’

X Le le, a tōtōnbo yin a tēe po ti buol nire jaa ban nye, a numun ni a nidebe ka a yir wa seen nibe wo jaa.

XI “Tiche a nãa na wa kpe ika wo kaa a nibe, wo nyen daba asoo na ba su a poobiel fuu e,

XII Ka wo suur wo, 'N badaba, ηmine fu ure wa kpe a ka ti ba su a poo paalaa fuu e?’ Ka a daba kpal a nee.

XIII “Ka a nãa 'yer ku a wo tōtōnbo, 'Yi lu a wo gbese naa nuur na yi lob wo bar yoo a libe po, be le nibe na kōnō ti ooro nyime.’

XIV “Niyoo le ba buol, tiche bālãa le ban chel ir.”

XV Be le ka a Faraseemine guor taa na ba wa beer Yesu kaa na ba na nyoo wo a wo 'yergie po.

XVI Be le ba tō a ba poturbo ni a nibe bamine na yi a Nãa Herod se, na ba 'yer, “Wiwile, si bōo naa ika fu in yelmãe soo, na fu wile Nãanmun sor ni yelmãe, bojūu faa kaara le nibe na 'yere bu oor e.

XVII 'Yer ku si a le fon tier. A tara na sor ika si yab a lōpoo ku a Nãkpēe Siisa bu si ta yab e?”

XVIII Tiche a Yesu na bōon a ba potideer juu, ka ka wo suor ba, “Yin neer ayi deme. Bo le yi buoro ika yi beer ma kaa?

XIX Yı wiil ma a libir n kaa.” Be le ba de a libikur waan.

XX Ka wō suor ba, “An foto ni an yuor le be a libir pō?”

XXI Ka ba 'yer, “A Nākpēē Siisa le.” Le le ka a Yesu 'yer kō ba, “Yı de a 'lo na ı a Nākpēē Siisa sofo na yı kō wō, na yı mı de a 'lo na ı a Nāanmın sofo mı kō a Nāanmın.”

XXII Ban wa wō a nıtō, neē 'maa ba naa ka ba bar wō ti chen jaa jomm.

XXIII A bıbir 'lōnō, a Saduseemıne na 'yer ıka a kūu pō irfo ba be be ε, ba wan a Yesu sē wa suor wō,

XXIV “Wiwile, Mosesı seb ıka yebe wa kpi ti bar pōo na ba tara bie ε, a wō yebe wō kul a pōokōor 'lo na wō dōo bibiir kō a wō yebe 'lo na kpi.

XXV Yeer ayopōi le dōo be a ka a sı sē ka a ba kpēē kul pōo na waa dōo bie ε, ti kpi tıche a pōokōor bar ka a yebe de kul.

XXVI Ka a ayi sōo mı de a pōokōor kul baa mı dōo bie, tıche ka wō mı kpi. A le ne ni wō ju mı le ata ti tãn a ayopōi sōo.

XXVII Ba jaa na wa kul a pōokōor nyã lōor taa baar a pōokōor nyã mı baar kpi.

XXVIII Bala wa ir yi a kūu pō, a nıbe banyã ayopōi an pōo, le wōn ı, an ı ba jaa kul wōn lōor taa?”

XXIX Ka a Yesu 'yer kō ba, “Yaa nye yın bōr, bojūu yaa bōo a Nāanmın gãma ni a wō kpēō ε.

XXX Nıbe wa ir a kūu pō, ba kō le kul taa ε, ti ban kaara fıka malakası na be a saaju.

XXXI Tıche a kūu pō ir fı yebe, yaa kar a le a Nāanmın na dōo 'yer kō yı ıka,

XXXII n ɪ naa a Abraham Nāaŋmɪn nɪ a Isaaku Nāaŋmɪn nɪ a Jekɔb Nāaŋmɪn ɛ? (A Yifo Gān 3:6) Wɔ ɪn Nāaŋmɪn vɔr, waa ɪ Nāaŋmɪn kũu ɛ.”

XXXIII A nɪɛ na wa wõ a nɪtõ nɛɛr 'maa ba naa nɪ a wɔ wiilfɔ.

XXXIV A Faraseemɪne na wa wõ ɪka Yesu 'yer tõɔ a Saduseemɪne, ba mɪ lõɔn taa.

XXXV Ka a ba āsɔɔ na ɪ a nɛɛ wiwile sɔɔr 'yerbir bɔɔrɔ ɪka wɔ bɛɛr a Yesu kaa,

XXXVI “Wiwile, A Mosesɪ nɛbɪnsɪ a jaa pɔ, buor lɛ ɪ kpɛɛ?”

XXXVII Ka a Yesu 'yer kɔ wɔ, “ ‘Nõ a fɔ Soro Nāaŋmɪn nɪ a fɔ nyāa wɔ jaa, nɪ a fɔ nyevɔr wɔ jaa, nɪ a fɔ tɪɛr wɔ jaa.’ (Mosesɪ Gāma Na Tu Anũu 6:5)

XXXVIII Nyā lɛ ɪ a kpɛɛ nɪ a nedõɔ.

XXXIX A ayi sɔɔ mɪ nɪ nyā, ‘Nõ a fɔ tɔ sɔɔ a fɔ kaar.’ (Mosesɪ Gāma Na Tu Ata 19:18)

XL A Mosesɪ nɛɛr a jaa nɪ a Nāaŋmɪn 'ye'yerbe wiilfɔ kpākɔpāana na a bɪnfɔ nyāna.”

XLI A Faraseemɪne na wa 'mataa, Yesu sɔɔr ba naa.

XLII “Ŋmɪnɛ lɛ yɪ tɪɛr a Nɪ-iraa yele? An bie lɛ wɔ ɪ?” Ka ba 'yer kɔ wɔ, “David bie lɛ.”

XLIII Ka a Yesu sɔɔr ba, “Ŋmɪnɛ lɛ ka a nāa David a Nāaŋmɪn Sɪɛ na dõɔ kpɛ, a wɔ bɔɔl wɔ ɪka, ‘N Soro’? Bojũu wɔ 'yer naa ɪka,

XLIV ‘A Soro 'yer kɔ a n Soro, “Jānɛ a n nũsõɔ jie, ka n wa de a fɔ dõdɛme ka ba ɪ a fɔ gbɛɛ dɔɔlfɔ jie.” ’ (Yiel Gān 110:1)

XLV Ala ɪ David bɔɔl won wɔ ɪka, ‘N Soro,’ ŋmɪnɛ won ɪɛ wa ɪ a wɔ bie?”

XLVI An yɪ a daar 'lõnõ chiine, nɪɛ jaa ba le haa nɛɛ 'yer 'yer ɛ bu le 'la sʊʊr sʊʊrfʊ jaa go ɛ.

XXIII

I Yesu pãa 'yer kʊ a nɪyɔɔ bala nɪ a wʊ poturbo,

II “A nɛɛ wiwiilbe nɪ a Faraseemɪne jãne na a Mosesɪ dakɔɔ ju.

III A le jũu, yɪ maala a le ban wile tɪ na yɪ turo, tɪ yɪ ta maala a le ban maala ɛ, bojũu ba maa turo a le ban wile ɛ.

IV Ba ma lɪn tuor tɪr tuo nɪbe, tɪ maa sɔɔ de a ba nubir sɪr ɛ.

V “Yele jaa ban tɔnõ, ba ma bʊʊrɔ naa ɪka nɪbe ba nyɛ ba, na ba ma lɪ a fɔʊr a ba jur pɔ, tɪ na ba ma su fuusɪ ban ma se bonstɪ 'yɔɔ jaa vɛvɛɛ.

VI Bala wa lɔɔ taa dire, a ji'yɔɔnsɪ jie le ba ma nõ ɪka ba jãne, nɪ a ba lɔɔfʊ jiiir a jibere jiiir.

VII Ala tɪ na ba ma bʊʊrɔ ɪka bama puoro ba a dar pɔ, na ba ma bʊʊrɔ ɪka nɪbe ba bʊʊlɔ ba, Wiwiilbe.

VIII “Yɪ ta sɔɔ ka ba bʊʊlɔ yɪ, Wiwiilbe ɛ, nɪkpɛɛ bõ'yen tɛɛ le yɪ tara. Yɪ jaa ɪn yɛɛɪ.

IX Yɪ ta bʊʊl nɪɛ jaa yɪ, sãa a wer pɔ ɛ, bojũu yɪ tara na Sãa bõ'yen na be a saaju.

X Bu yɪ ta bʊʊl nɪɛ jaa wiwile ɛ, bojũu yɪ tara na Wiwile bõ'yen tɛɛ na ɪ a Nɪ-iraa.

XI A 'lɔ na bʊʊrɔ ɪka wʊ ɪ a yɪ kpɛɛ wʊ ɪ a yɪ tɔtɔnõ.

XII Nɪɛ 'lɔ na 'mɔʊrɔ a wʊ mãɛ ire nɪ, Nãanɪmɪn na suun wʊn pɪlem tɪche nɪɛ 'lɔ mɪ na siir wʊ mãɛ Nãanɪmɪn na 'mɔɔ wʊn ka wʊ do.

XIII “Tɪche nebier ben a yɪn nɛɛ wiwiilbe nɪ a Faraseemɪne na ɪ a nɛɛr ayi dɛme sɛ. Yɪ pɔɔn a

nibe var bar a Nãanmun nãalõõ pɔ. Yɪn mãe ba kɔɪɛɛ ɛ, tɪ na yɪ pɔɔ var a bala na bɔɔɔ a kɔɛfɔ bar. 3

XV “Nebier ben a yɪn nɛɛ wiwiilbe nɪ a Faraseemune na ɪ a nɛɛɪ ayi dẽme sã. Yɪ ma yɔn jitebe nɪ a man pɔ na yɪ tɪ 'yer lieb nɪɛ tɪɛ, yɪn wa tɔɔ wɔ ka wɔ kaara a yɪ kaar, yɪ ma lieb wɔ naa ka wɔn di dɔɔye a bũu dagel pɔ a yɪ kaar.

XVI “Nebier ben a bala na ɪ jɔn tɪ na ba tɔɔɔ a jɔn, na ba ma 'yer ɪka, ‘Nɪɛ 'lo na pɔn a Nãanmun puorfɔ yir a ba ɪ tuo ɛ, tɪche nɪɛ 'lo na pɔn a selma 'lo na be a Nãanmun puorfɔ yir a lũ wɔ naa.’

XVII Yɪn jɔn na yɪ ɪ jɔlɔ. Buor le ɪ kɔɛɛ, a selma bu a Nãanmun yir 'lo na maal a selma ka wɔ ɪ a cheche?

XVIII Yɪ mɪ 'yer naa, ‘Ala ɪ nɪɛ pɔn na a Nãanmun bɔɔɔ lofɔ jie, a ba tuo ɛ, tɪche ala ɪ nɪɛ pɔn na a Nãanmun kɔfɔ 'lo na dɔɔl a jie, a lũ wɔ naa.’

XIX Yɪn jɔn banyã. Buor le ɪ kɔɛɛ, a kɔfɔ bu a Nãanmun bɔɔɔ lofɔ jie na ma vã ka wɔ ɪ cheche?

XX A le jũu, nɪɛ 'lo jaa na pɔn a Nãanmun bɔɔɔ lofɔ jie, pɔn wɔ naa nɪ bon jaa na dɔɔl a wɔ ju.

XXI Nɪɛ 'lo mɪ na pɔn a Nãanmun yir, pɔn wɔ naa nɪ a nɪɛ 'lo na jãne a be.

XXII Nɪɛ 'lo mɪ na pɔn a saaju, pɔn naa a Nãanmun nãkɔɔ nɪ a nɪɛ 'lo mɪ na jãne a be.

3 **XXIII:XIII 23:13** A gãma amune pɔ, baa 'yɔɔ a pɔfɔ pie nɪ anaar ɛ ɪka, 14Nebier ben a yɪn nɛɛ wiwiilbe nɪ a Faraseemune na ɪ a nɛɛɪ ayi dẽme sã. Yɪn le ma fɔb a pɔɔkɔɛ a ba yie na yɪ ma sɔɔɔ Nãanmun kor wile nibe. A le jũu yɪn le a Nãanmun na ge yɔɔ.

XXIII “Nɛbier ben a yɪn nɛɛ wiwiilbe nɪ a Faraseemɪne na ɪ a nɛɛr ayi dɛmɛ sɛ̃. Yɪ ma ir a bonɪ pɔ jiir pie pɔ bõ'yen lɔɔn badɔɔ gba vaar kɔ Nãanɪmɪn, tɪ na yɪ tɔr a Nãanɪmɪn nɛɛr ala na tɪrɛ bar na ɪ yelmãɛ sɔr tufɔ, nɪbaal kaafɔ nɪ yelmãɛ tarfɔ. A anyã lɛ a sɛɛ ɪka yɪ turo tɪ na yɪ taa ire amɪne bara ɛ.

XXIV Yɪn jɔ̃tɔɔrɔɔ ba nyã. Yɪ ma chuor a jãajubil bar tɪ ma vɔl a nyɔɔma.

XXV “Nɛbier ben a yɪn nɛɛ wiwiilbe nɪ a Faraseemɪne na ɪ a nɛɛr ayi dɛmɛ sɛ̃. Yɪ ma pɛɛn a ŋmanyuraa nɪ a ladiraa a yõo tɪchɛ ka a pɔɔ sɛɛn bɔgar nɪ nyuur.

XXVI Yɪn Faraseemɪne na ɪ jɔ̃n. Yɪ ma dɔɔ pɛɛ a ŋmanyuraa pɔɔ tɪchɛ ka a yõo mɪ pãa pɛɛ a yõo ka a vɪɛɛ.

XXVII “Nɛbier ben a yɪn nɛɛ wiwiilbe nɪ a Faraseemɪne na ɪ a nɛɛr ayi dɛmɛ sɛ̃. Yɪ kaara fɪka yar ban pãɛ ka a vɪɛɛ, tɪchɛ ka a pɔɔ pɔ tara nɪbɛ kɔɔɔ nɪ dɛɛr jaa bɔrɔ.

XXVIII Lɛ nɪ wɔ ju mɪ lɛ a yɪn a yõo, yɪ ɪn nɪtor a yɪ taaba sɛ̃, tɪchɛ a yɪ pɔɔm, yɪ tara na nɛɛr ayi nɪ putuyeɛle.

XXIX “Nɛbier ben a yɪn nɛɛ wiwiilbe nɪ a Faraseemɪne na ɪ a nɛɛr ayi dɛmɛ sɛ̃. Yɪ mɛn a Nãanɪmɪn 'yɛ'yɛrbɛ yar, tɪ na chɔɔr a bala na tor yar,

XXX tɪ na yɪ 'yɛr ɪka, ‘Sɪn ta be be a sɪ sãakpãmɪne sɔɔ, sɪ kõ naa ta pɔɔ ba kɔ a Nãanɪmɪn 'yɛ'yɛrbɛ ɛ.’

XXXI A nɪtõ jũu yɪ din a yɪ mãɛ dãasɪɛ ɪka yɪ ɪn a nɪbɛ bala na kɔ a Nãanɪmɪn 'yɛ'yɛrbɛ bibiir.

XXXII Yı baar baar a le a yı sãakpãmıne na dõo l.

XXXIII “Yın waa bibiir, ɲmıne yın ure wa chãe a bũu dagel kũu.

XXXIV A le jũu ın tõn Nãaɲmın 'ye'yerbe, yẽn dẽme, nı a wiwiilbe, ka yı kũ bamıne yool a daa ju, yın poon bamıne na yı fob ba a yı lõofu jiiir, ti na yı pãa tulo yoooro booro ba a tẽn a jaa.

XXXV Ka a na di yı a nıbe bala na ı a nıtor ba bõo yeke jaa yın kũ, piel a Abel jãı sõo ti tãn a Jekariya bidaba Barakiya ban kũ a Nãaɲmın boor lofo jie nı a puorfũ jie chara po.

XXXVI Yelmãe le n 'yere koro yı, a yın dına nıbe na nyen gefũ a yeke anyãna jũu.

XXXVII “Pa yın Jerusalem nıbe, a yın na ma koro a Nãaɲmın 'ye'yerbe na yı looro a bala a Nãaɲmın na tõ a yı sẽ nı kusıbe, nye le an ma ure ma volaa jã ka n ma booro ıka n kaal a fũ bibiir 'mataa fıka nõo na ma ũun a wũ bil, tıche ka faa booro ıka fũ maal a le e.

XXXVIII A le jũu n bar a fũ tõe kũ fũ ka wũ ı dakpolo.

XXXIX Yelmãe le n 'yere koro yı ıka yı kũ le nye ma go e, wa ti tãn yın na 'yer ıka, ‘Nãaɲmın wũ sõo a 'lo won tõ.’ ” *(Yiel Gãn 118:26)*

XXIV

I Yesu na wa yi a Nãaɲmın puorfũ yir po na wũ chiine, a wũ poturbo turo wile ıka wũ nye le ban me a Nãaɲmın puorfũ yir ka wũ kaara.

II Be le a Yesu 'yer kũ ba, “Mı yı mı nye naa anyãna a jaa? Yelmãe jaa le n 'yere koro yı, a

kosiviel anyāna āsɔɔ jaa kɔ le wa chene dɔɔl a wɔ tɔ ju ε. Ban wa dān a jaa lob.”

III Yesu na wa do jāne a Olive Tɔɔju, a poturbo wan a wɔ sē a ba tɛɛ wa sɔɔr wɔ, “Yer kɔ si a daar 'lɔnɔ a anyāna ni na ɪ. Bo le na ɪ a jāne a fo waa sɔɔ ni a wer baarfɔ daar?”

IV Ka a Yesu 'yer kɔ ba, “Yɪ bɔɔn sɔ ka nɪre jaa ta wa bel yɪ ε.

V Bojũu, niyɔɔ na de naa maa yuor waan wa 'yere, 'Maa le a Ni-iraa,' na ban bel niyɔɔ.

VI Yɪn wa wɔn tam, ka ba 'yere a tam 'yer, yɪ ta mɪre ε. A le na ɪ naa, tɪche a wer baarfɔ chene na be puor.

VII Paal dēdēme na yin tam, ka a nāmune mɪ yɪ tam ka kɔ mɪ lo ka a tēe jiir amune dɔɔnɔ.

VIII A dɔɔye anyāna, an kaara fɪka a pɔɔ na ma dɔɔrɔ ka a wɔnɔ wɔ.

IX “Ban pāa nyɔɔr yɪn chiin na ba tɪ pɔb yɪ na ba kɔ yɪ, ka a paalsɪ a jaa 'laar yɪ, yɪn sɔɔ ma jũu.

X Niyɔɔ na bar a ba sɔɔfɔ, na ba gar 'yɔɔ taa na ba 'laar taa.

XI Jir ŋmarba 'ye'yerbe na wan wa 'yere bele niyɔɔ.

XII Niyɔɔ ni na tɔr Nāanmɪn nɛɛ, ba kɔ nɔ taa ε.

XIII Tɪche nɪre nyā na ara tɪ tān a baaraa Nāanmɪn na faa wɔ naa.

XIV Ban mɔɔl a Nāanmɪn nāalɔɔ 'yer nɔɔ nyā a wer wɔ jaa ka a ɪ dāasɪɛ a paalsɪ a jaa pɔ, tɪche ka a wer pāa baar.

XV “Yɪn wa nye naa a yele 'lo a Nāanmɪn na 'laar na waara ni sɔɔfɔ ka wɔ be a jicheche 'lo

nūtāa lē a Nāanmūn 'yē'yere Daniel na dōō 'yer. Vē ka a nyā na kara bōō a par. (*Daniel 9:27*)

XVI Yūn wa nyē a lē a nūbe bala na kpiere a Juda, ba jo do a tōō ju.

XVII Nūre jaa na be gar ju, wō ta suu a die pō tū de bon jaa ε.

XVIII 'Lō mī na be a puo pō wō ta kul a yir tū de a wō fuu ε.

XIX A bībir nyāna wa vīe an ūn tuo kō a pōōpōōr nū a bala na tara a bi'yensī.

XX Yī sōōō Nāanmūn ka a yī jofō ta ī sāē ε, bū a Pēnfō Bībir Daar ε.

XXI Nāanmūn na maal a wer wa tān a pōpāanyā, baa di a dōōyē nyā bōōō ε, bū dōōyē kō lē wa jā wō go ε.

XXII Ala ī a Nāanmūn ba ηmaa a ber ala bar ε, nūre kō lē chene go ε. Tiche a bala won chel ir jūū won ηmaan a ber bar.

XXIII A lē daar nūre wa 'yer yī ūka, 'Nyē a Nū-iraa,' bū 'Lō nū nyā,' yī ta sōō de ε.

XXIV Bojūū jirsī Nū-irsī nū jirsī 'yē'yerbe na wa naa wa tōnō ne'maa tōmō na ba bel nūbe bamūne ala ī ba tōō naa ban 'mantaa bel a bala a Nāanmūn na chel ir.

XXV Yī nyē, n den nie 'yere kōōō yī.

XXVI "A lē jūū, bala wa 'yer kō yī ūka, 'Nyē 'lō nū nyā a dālpōō ju,' yī ta yī a be ε. 'Bala wa 'yer nyē, 'lō nū nyā a die pō,' yī ta sōō ε.

XXVII A lē a saa nyūrfō na ma yī a mōtōō purfō jie na wō chaar 'yōō a mōtōō mōrfō jie, lē lē a maa Nūsaal Bie waa mī na kaara.

XXVIII Jie 'lō jaa bōkūū na be, be lē a sūdumo ma 'laara.

XXIX “Ajienaa, a ber anyāna a dɔoye baarfɔ puor, ‘A mōtōo na lii naa, ka a chuu mɪ kō le chaar ε, ka a ŋmerbie pɔɔ yire a saaju loro, ka a saaju bonst a jaa dōonō.’ *(Isaiya 13:10)*

XXX “A sōo 'lōnō le ban nye a maa Nɪsaal Bie na waara a julōjuur pɔ, ka a paalsɪ a jaa na be ka a wer pɔ kōnō. Ka ba nye a maa Nɪsaal Bie na yi a saaju a julōjuur pɔ, waara nɪ kpɛɔ nɪ tɪr.

XXXI Wɔn tōn a wɔ malakast ka ba pɛel a ul kpɛɔ jaa na ba bɔol a nɪbe bala won chel ir a wer wɔ jaa 'mataa.

XXXII “Yɪ de a pɔlpɔl tɪer ye le jān yɛ. 'Lɔ wa tɔɔɔ a vaar, yɪ bōon tka a tɔl sɔɔ gbɔr naa.

XXXIII A le nɪ wɔ ju mɪ le, yɪn wa nye a yelsɪ anyāna, yɪ bōon tka a maa Nɪsaal Bie waa gbɔr naa jaa yɛyɛ.

XXXIV Yelmāe le n 'yerɛ kɔɔ yɪ tka, a pōpāanyā nɪbe kō kpi baar ε, wa tɪ tān a yelsɪ anyāna na t.

XXXV A saaju nɪ a wer na wa baaraa, tɪche maa 'yerbie 'lɔ kō wa baar ε.

XXXVI “Nɪre jaa ba bōo a bɪbir nyā ε, bu a sōo ε, a malakast mɪ gba na be a saaju ba bōo ε, bu a Bie ε, ka a Sāa tɛɛ ba le bōo ε.

XXXVII A le an dōo kaara a Nowa sōo, le le an mɪ na kaara a maa Nɪsaal Bie waa sōo.

XXXVIII Bojūu sɛrɛ, tɪche ka a kōpaalaa wa nɪbe dire na, tɪ nyuro, ka dɔɔr nɪ pɔbɔ kulo taa, tɪ tān a bɪbir 'lɔ a Nowa na kpe a daka bulomtum pɔ.

XXXIX Baa bōon ε, tɪ tān a sōo 'lɔ a kōpaalaa na wa di ba, le mɪ le an kaara a maa Nɪsaal Bie waa daar.

XL Nɪbe ayi na ben puo pɔ, ka a Nāanmɪn wa de a āsɔɔ chiin tɪ bar a āsɔɔ.

XLI Pɔbɔ ayi na 'mantaa niɛɛ jɔ̃ ka a Nāanmɪn wa de a āsɔɔ chiin tɪ bar a āsɔɔ.

XLII “A lɛ jūu yɪ kaara sɔ̃, bojūu yaa bɔɔ a bɪbir 'lɔ a yɪ Soro nɪ na wa ɛ.

XLIII Tɪche yɪ bɔɔn a yeke anyā par, a yir sɔɔ ta bɔɔn a sɔɔ 'lɔ a nānyie na waara a tāsɔɔ, wɔ kɔ̃ naa gur ɛ, ka a nānyie wa kar kpe wɔ a yir ɛ.

XLIV A lɛ jūu, yɪ mɪ guro a yɪ mǎɛ, bojūu a maa Nɪsaal Bie na wan a sɔɔ 'lɔ yɪn kɔ̃ bɔɔn ɛ.

XLV “An lɛ a nɪɛ 'lɔ na ɪ a yɛ̃ nɪ a yelmǎɛ sɔɔ a wɔ nɪkpɛɛ na 'yɔ̃ɔ ka wɔ kaara wɔ a yir na wɔ kɔɔ a tɔ̃tɔ̃nbɔ a ba bɔ̃diir a sɔɔ 'lɔ won 'yɔ̃ɔ wɔ?

XLVI An ɪn bɔɔsɔ̃n kɔ a tɔ̃tɔ̃nɔ̃ nyāna a wɔ nɪkpɛɛ na wa nyɛ ka wɔ ɪɛ a lɛ.

XLVII Yelmǎɛ lɛ n 'yɛɛ kɔɔ yɪ, won vɛ̃n ka wɔ kaara a wɔ bonɪ a jaa.

XLVIII Tɪche ala ɪ a tɔ̃tɔ̃nɔ̃ nyāna ɪn putusɔɔ na wɔ tɪɛ a wɔ nyāa pɔ̃ ɪka, a n nɪkpɛɛ kor naa,

XLIX tɪ piel gere a tɔ̃tɔ̃nbɔ bala na be a yir tɪ pāa ma di na wɔ ma pɔɔ a dānyurbo pɔ,

L a wɔ nɪkpɛɛ na wa dūu wɔ naa a bɪbir 'lɔ won ba tɪɛ nɪ a sɔɔ 'lɔ won ba bɔɔn ɛ.

LI Won ŋma won gbɔl gbɔl 'yɔ̃ɔ a nɛɛɛ ayi dɛme pɔ, be lɛ ban kɔ̃nɔ̃ tɪ ɔɔɔ nyɪɛ.

XXV

I “A sɔɔ 'lɔnɔ̃, a Nāanmɪn nāalɔ̃ɔ na kaara fɪka pɔɔsarsɪ pie na de a ba fātɪɛ ɪka ba tɪ tuor a pɔɔ paalaa nɪ a wɔ sɪɛ.

II Ka a ba anūu ɪ jɔlɔ, tɪche ka a ba anūu mɪ ɪ yɛ̃ dɛme.

III A jɔlɔ bala den a ba fātɪɛ tɪche baa de kāa pɔɔ ɛ,

IV tiche ka a ba anũu bala mi na i a yẽ dẽme, de kãa pɔɔ a ba fãtine pɔ.

V A pɔɔ paalaa sire na wa kor a waa jũu, gɔɔ kpe ba naa ka ba gã gur.

VI “A tãsoɔ bãin le ba ñme chelma tãna 'yerɛ, 'A pɔɔ paalaa sire waara, yi yi wa tuor wɔ yooo.’

VII “A pɔɔsarɔ pie banyãna vaan ir tɛ tɛ a ba gonsɔ 'yɔɔ a ba fãtine pɔ.

VIII A jɔɔ bala 'yer kɔ a yẽ dẽme, 'Yi pɔr a yi kãa amine kɔ sɪ, a sɪ bonsɔ kpĩine naa.’

IX “Be le ka a yẽ dẽme bala 'yer kɔ ba, 'Kai, a kũ ta sɪ ni a yɪn ɛ. Yi chen a be ban daara na yi ti da.’

X “Tiche, ban lɛb chiine a dafɔ jie, a pɔɔ paalaa sire wa naa, ka a bala jaa na choɔr 'mataa kpe a pɔɔ paalaa kulfɔ jie, ti na ba nyɔɔ a pãn pɔɔ.

XI “A jɔɔ anũu bala mi wa biɛr wa na ba mi wa kpooro a pãn 'yer, 'Nɪkpɛɛ, nɪkpɛɛ, yuo a pãn ka sɪ kpe.’

XII “Tiche ka wɔ 'yer kɔ ba, 'Yelmãɛ jaa, n ba bɔɔ yi ɛ.’

XIII “A le jũu yi gu yi mãɛ bojũu yaa bɔɔ a bɪbir bu a sɔɔ ɛ.

XIV “A mi le nyentãan go fɪka daba kɔɔ na boɔrɔ yɔfɔ na wɔ boɔl a wɔ gbãgbaar 'mataa de a wɔ bonsɔ pɔ ba.

XV Wɔ kɔn ãsɔɔ selbie anũu, na wɔ kɔ ãsɔɔ mi selbie ayi na wɔ kɔ ãsɔɔ mi selbir bɔ'yen. Wɔ ma kɔn ãsɔɔ jaa man a wɔ fɔɔ, ti na wɔ yɔ.

XVI A 'lo na de a selbie anũu ti yar nye selbie anũu tɔnɔ dɔɔl.

XVII A 'lo mi na de a selbie ayi ti yar mi nye selbie ayi tǒnǒ dǒol.

XVIII Tiche a 'lo na de a selbir bǒ'yen ti tuun bǒo de a wǒ nɪkpǣε selbir ũu.

XIX “An wa kor bālāa ka a gbāgbaar bala nɪkpǣε wa wa ɪka ba guor a selbie yele.

XX A 'lo na de a selbie anũu waan na selbie anũu wa 'yer, 'Nɪkpǣε, selbie anũu le fǒ dǒo ku ma, nye selbie anũu tǒnǒ le n nye dǒol.’

XXI “Ka a wǒ nɪkpǣε 'yer ku wǒ, 'Fǒ tǒn vɪla, gbāgbamāε le fǒ ɪ. Fǒ tara na yelmāε a bǒbile pǒ, ɪn 'yǒo fun ka fǒ kaara bǒyǒo. Wa pǒo ma ka sɪ 'mataa dire a nǒo.’

XXII “A 'lo mi wǒn ku a selbie ayi wa 'yer ku a wǒ nɪkpǣε, 'Fǒ dǒo ku ma selbie ayi, nye selbie ayi tǒnǒ le n nye dǒol.’

XXIII “Ka a wǒ nɪkpǣε 'yer ku wǒ, 'Fǒ tǒn vɪla, gbāgbamāε le fǒ ɪ. Fǒ tara na yelmāε a bǒbile pǒ, ɪn 'yǒo fun ka fǒ kaara bǒyǒo. Wa pǒo ma ka sɪ 'mataa dire a nǒo.’

XXIV “A 'lo mi wǒn ku a selbir bǒ'yen wa 'yer naa, 'Nɪkpǣε, n bǒon na fǒn ɪ nɪbikǒo sǒo na fǒ ma ņma a be fǒn ba bǒr ε, na fǒ ma wob a be fǒn maa jaar bar ε.

XXV Ala le so ka dābāε kpe ma ka de a fǒ selbir ti ũu bar. Nye a fǒ selbir.’

XXVI “Ka a wǒ nɪkpǣε 'yer ku wǒ, 'Fǒo gbāgbaputuo nɪ koro sǒo nyā. Fǒn ben bǒon ɪka n ma ņman a be ɪn maa bǒr ε, naa wob a jie 'lo ɪn maa jaar bar ε,

XXVII a ta sǣen ɪka fǒ ta de a n selbir ti yǒo a libie yir pǒ, ka maa ta wa lieb wa ka n nye tǒnǒ dǒol ε?

XXVIII “ ‘Yi faa a selbir bõ'yen a wo sã na yi ko a nɛɛ 'lo na tara a selbie pie.

XXIX Nɛɛ 'lo jaa na tara yoo, ban ko won yoo puo ka ba tara yoo tiche a nɛɛ 'lo na ba tara bon jaa ε, a bālãa 'lo won tara gba ban faan yin a wo sã.

XXX A gbãgbaburbur nyã 'lo, yi de wo lob bar yoo be le ban kōnō ti ooro nyime.’

XXXI “A maa Nɛɛsaal Bie wa wa a n tuɛ puo, ni a n malakasɛ ba jaa, ɛn wa jãne naa, a n tuɛ nãaloo dakoo ju.

XXXII A paalsɛ a jaa na pãa loo taa a n niem, ka n pãa oor a nibe nitãa le pechine na ma oor a piir ni a buor.

XXXIII In oon a piir bar a n nũsoo jie, tiche ka a buor mi ara a n gobaa jie.

XXXIV “Ka n pãa 'yer ko a bala na be a n nũsoo jie, ‘Yi wa, yin a n Sãa Nãanmin na soo. Yi wa kpe a Nãanmin nãaloo puo, de a yi nãbomo won choor bin gun yi a wer pielfu soo.

XXXV Bojũu koo doo kpe ma, ka yi ko ma ka n di, konyuur doo kpe ma, ka yi ko ma koo ka n nyũ, n doo ɛ sãan ka yi ir ma sãan.

XXXVI N ba doo tara bõsursɛ ε, ka yi ko ma fuu ka n su, n doo buere ka yi sãa ma. N doo be puofu die puo, ka yi wa piir ma kaa.’

XXXVII “A numun na pãa leb soor wo, ‘Sɛ Soro, nyime le sɛ nye fu, ka a koo kpe fu, ka sɛ ko fu bõdiir a fu di, bu ka konyuur kpe fu, ka sɛ ko fu koo a fu nyũ?

XXXVIII Soo buor le sɛ nye fu, ka fu ɛ sãan ka sɛ ir fu a sãan, bu ka faa tara bõsursɛ ε, ka sɛ ko fu

fuu a fõ su?

XXXIX Sõõ buor le si nye fõ, ka fõ biere, ka si ti piir fõ kaa, bu sõõ buor le ba nyoo fõ poo ka si chen ti piir fõ kaa?’

XL “A nãa na 'yer kũ ba, 'Yelmãe le n 'yere kuro yi, a le yin dõõ maal kũ a nĩba'yõõnsi bala na i a n sofo, maa le yi maal kũ.’

XLI “Tiche na wõ pãa 'yer kũ a bala mi na be a wõ gõbaa jie, 'Põ 'yõõfo turo yi naa, yi too chen be na yi ti kpe a bũu 'lo a Nãanmin na gbõõ gun a tu ni a wõ malakasi.

XLII Bojũu kõ dõõ kpe ma, ka yaa kũ ma bon jaa ka n di ε. Kõnyũur dõõ kpe ma, ka yaa kũ ma kõõ ka n nyũ ε.

XLIII N dõõ i sãan, ka yaa kaa ma sãan kaa fõ ε, n ba tara bon jaa na su ε, ka yaa kũ ma fuu ka su ε, ka n biere, bu be põõfo die põ, ka yaa wa piir ma kaa ε.’

XLIV “Ka ba pãa mi lĩeb suor wõ, 'Si Soro, sõõ buor le si nye fõ, ka a kõ kpe fõ, bu ka a kõnyũur kpe fõ, bu ka fõ i sãan, bu ka faa tara bon jaa na su ε, bu ka fõ biere, bu ka fõ be põõfo die põ, ka saa kaa fõ ε?’

XLV “Wõ 'yer kũ ba, 'Yelmãe le n 'yere kuro yi, yin ba maal kũ a nĩba'yõõnsi bala ãsoo ε, maa le yaa maal kũ ε.’

XLVI “A nĩbe banyãna na chen a dooye 'lo na ba tara baarfõ jie, tiche ka a numin mi chen a nyevor na ba tara baarfõ jie.”

XXVI

I A Yesu na wa 'yer a anyãna a jaa baar, wõ 'yer kũ a wõ poturbo,

II “Yı bõon ıka a chen ber ayi ka a Gõl Bar Difo na ta, ka ba na de a maa Nısaal Bie tır ka ba kpa ma a daa ju.”

III A Juu nıbe bõorlo nıbere nı a nıbere lõo taa a bõorlo nıkpẽe yir na di Kayafası,

IV na ba bõoro vuo ban na tu nyoo a Yesu na ba ku.

V Tıche ka ba 'yer, a ta ı a Gõl Bar Difo sõo ε, ka jeer taa ıre wa ir a chara po ε.

VI Yesu na wa be a Betanı a Simon 'lo na dõo ı a kõkõmõ yir,

VII ban wa jẽ dire, poõ kõo waan na pãrtovla nı kãnyũu kõo dafu na ba wõnõ ε, na wõ kpaar dõol a Yesu ju.

VIII A poturbo na wa nye a le, ba nyen suur na ba 'yer, “Bo le so ka wõ sõonõ a kãnyũu nyã bar a ntõ?”

IX Fõn taa den a kãnyũu anyãna da libiyoo de ku a nõn dẽme.”

X Yesu na bõon a ba tıer, wõ 'yer ku ba, “Bãa 'yõo le yı mii 'yõo wõ? Wõ maal vıla ku ma.

XI A nõn dẽme 'lo, yın nı bala ben ka tıche maa ku be a yı sẽ sõo jaa ε.

XII Wõn kpaar a kãnyũu anyãna 'yõo ma, wõ maal a le choor ma gun a n õufu.

XIII Yelmãe le n 'yere koro yı, jie jaa ban wa muol a 'yer nõo nyãna a wer wõ jaa po, ban 'yer naa a le a poõ nyã na ı na ba chene tara a wõ tıer.”

XIV A Pie Nı Ayi bala ãsoõ ban buolo Judas Iskariyot chen a Juu nıbe bõorlo nıbere sẽ

XV ti suor ba, “Bo le yin ku ma ala i n de won 'yõo a yi nuur po?” Ba sor selbie lijer ni pie ku wo.

XVI An yi a sõo 'lõnõ wo buoro na vuo won na tu de a Yesu 'yõo a ba nuur po.

XVII A bibir dõo 'lõnõ i naa a Paanõkõo Lõofõ, ka a Yesu poturbo wa suor wo, “Nyine le fu buoro uka si chen ti choor a Gõl Bar nyã Difo bar ka si ti di?”

XVIII Ka wo 'yer ku ba, “Yi chen a tõe po, daba kõo sã na yi ti 'yer ku wo, ‘A wiwile 'yer naa, a n sõo gbõr naa, ka maa ni a n poturbo na di a Gõl Bar Difo a fu yir.’ ”

XIX A poturbo in a le jaa a Yesu na 'yer uka ba i. Ka ba maal a Gõl Bar bõdiir.

XX A jãansoor na wa ta, Yesu ni a wo poturbo Pie ni Ayi wa jẽn jil a bõdiir na di.

XXI Ban wa dire, wo 'yer ku ba, “Yelmãe le n 'yere koro yi uka, a yi asõo na gar 'yõo ma.”

XXII Be le ka ba jaa puor sõo ka ba sorõ wo bõ'yen 'yen, “An in maa le o, n Soro?”

XXIII Ka a Yesu 'yer, “A 'lo in 'mataa tun ala bõ'yen po le na gar 'yõo ma.

XXIV A maa Nisaal Bie na kpi naa nitãa le ban seb a Nãanmun gãn po. Tiche nebier ben a nure 'lo na gar 'yõo a maa Nisaal Bie won din dooye gar nure jaa. Bala ta ba doo wo e, ala sa.”

XXV Judas a 'lo na gar 'yõo wo suor, “An in maa le o, Wiwile?” Ka a Yesu soo, “Oo, fõõ le.”

XXVI Ban wa dire, Yesu den a paanõo puor Nãanmun yãan na wo nma de ku a wo poturbo, ti na wo 'yer, “Yi de 'wob, a maa agãn le.”

XXVII Wɔ ɛ den a ɲemele 'lo ban nyuro nɪ, na wɔ puor Nāanmɪn yāan tɪ ɛ de kɔ ba, “Yɪ jaa yɪ de nyũ.

XXVIII A anyāna ɛ ɪ a n jāɪ na ɪ a netɪraa ɪn tara nɪ yɪ na tara kpɛɔ. An kpaar na a faa nɪyɔɔ ka yelbier vɛ kɔfo be be.

XXIX N 'yerɛ na kɔrɔ yɪ ɪka, n kɔ ɛ nyũ a dāa anyāna ɛ, wa tɪ tān a daar 'lɔnɔ ɪn na 'mataa nyũn yɪ a dāpaalaa a n Sāa nāalɔɔ pɔ.”

XXX Ban wa yiel a yiel dān Nāanmɪn, ba suun chen a Olive Tɪr Tɔɔ ju.

XXXI Yesu 'yer kɔ ba, “Yɪ jaa na jon a tāsɔɔ nyāna tɪ bar ma a n yɔ, a maa jūu. A seb a Nāanmɪn gān pɔ ɪka, ‘In ɲme naa pechine kɔ ka a piir yɛyɛl.’ *(Jekariya 13:7)*

XXXII Tɪche maa wa ir a kūu pɔ, ɪn dɔɔ yɪn nie chen a Galilee.”

XXXIII Ka a Pita 'yer kɔ wɔ, “Ala ɪ ba jaa sɔɔn bar fɔ a fɔ jūu, maa 'lo kɔ bar fɔ ɛ.”

XXXIV Yesu 'yer kɔ a Pita, “Yelmāɛ ɛ n 'yerɛ kɔrɔ fɔ, ɪka a tāsɔɔ nyāna a nɔrdɔɔ kɔ kɔ ɛ, tɪche ka fɔ chiir ma gbɛɛ ata.”

XXXV Tɪche ka a Pita 'yer kɔ wɔ ɪka, “Ala ɪ maa nɪ fɔɔ na 'mataa kpi gba, tɪ n kɔ 'yer ɪka n ba bɔɔ fɔ ɛ.” Ka a poturbo bala mɪ na che 'yer a ɛ nɛ.

XXXVI Yesu nɪ a wɔ poturbo chen a jie 'lo ban boɔɔ a Getsemanɪ, ka wɔ 'yer kɔ ba, “Yɪ jānɛ a kana tɪche ka n chen tɪ sɔɔr Nāanmɪn.”

XXXVII Be ɛ wɔ tara Pita nɪ Jebedee bibiir ayi ka a wɔ pɔɔ sɔɔ yɔɔ jaa ka tɪɛr nyɔɔ wɔ.

XXXVIII Ka wɔ 'yer kɔ ba, “N tɪɛr sɔɔ naa, tɪ nyetāan kūn, yɪ jānɛ a ka na gu ma.”

XXXIX Wɔ̄ chen a niem bālāa tɪ lo kpa tēe sɔ̄rɔ Nāan̄mɪn 'yerɛ, “N Sāa ala ɪ a tara naa ɪfɔ̄ kō̄, v̄ē ka a dɔ̄oye ηmele nyāna po ma. Tɪche a ta ɪ le maa na bɔ̄rɔ ɛ, tɪ a ɪ a le f̄ɔ̄ na bɔ̄rɔ.”

XL Wɔ̄ lɪeb wa a poturbo s̄ē wa nye ka ba guro. Ka wɔ̄ 'yer kɔ̄ ba, “A m̄ɔ̄ yɪ kō̄ t̄ɔ̄ j̄ē bālāa jaa gu ma ɛ?”

XLI Yɪ j̄eɔ chele, na yɪ sɔ̄rɔ Nāan̄mɪn ka a b̄eer kaa ta wa nyɔ̄ɔ yɪ ɛ. A ba tɪer bɔ̄rɔ naa tɪche ka a ba āgāma ba t̄ɔ̄r ɛ.”

XLII Wɔ̄ le chen a gb̄ee ayi sɔ̄ tɪ sɔ̄r Nāan̄mɪn. “N Sāa, ala ɪ a dɔ̄oye ηmele nyā kō̄ t̄ɔ̄ po ma ɛ, ka maa ba nyūn wɔ̄ ɛ, f̄ɔ̄ bɔ̄fɔ̄ wɔ̄ ɪ.”

XLIII Wɔ̄ le wan wa nye ka ba chene guro, bojūu ḡō̄ kpe ba naa.

XLIV Be le wɔ̄ le bar ba tɪ chen a gb̄ee ata sɔ̄ tɪ sɔ̄r Nāan̄mɪn a le ne nɪ wɔ̄ ju.

XLV Wɔ̄ lɪeb wa a poturbo s̄ē wa sɔ̄r ba, “Yɪ chene na gā guro na yɪ pene we? Nye, a s̄ō̄ ta naa ka ban gar 'ȳō̄ a maa Nɪsaal Bie de wɔ̄ kɔ̄ a yelbe-ɪrbe.

XLVI Yɪ vaa ir ka sɪ chen. Yɪ nye a gagaraa na waara.”

XLVII A Yesu na chene 'yerɛ, ka Judas na ɪ a wɔ̄ poturbo Pie nɪ Ayi āsɔ̄, tɪ daasāa nɪ nɪbe na yɪ a Juu nɪbe b̄ɔ̄rlo nɪbere s̄ē waara nɪ s̄ɔ̄bere nɪ dakorsɪ a wɔ̄ s̄ē.

XLVIII A Judas d̄ō̄ man ba ɪka, a 'lɔ̄ wɔ̄n tɪ puor tɪ m̄ɔ̄r a kɔ̄tɪr 'lɔ̄ le, yɪ nyɔ̄ɔ wɔ̄.

XLIX Ban wa tɪ ta, Judas p̄ɔ̄ɔn chen tɪ 'yer, “Wiwile, n puor fɔ̄ naa,” tɪ m̄ɔ̄r a Yesu kɔ̄tɪr.

L Ka Yesu 'yer kɔ̄ wɔ̄, “N badaba, t̄ō̄ a le fon bɔ̄rɔ ɪka fɔ̄ t̄ō̄.” Be le ba wa nyɔ̄ɔ a Yesu.

LI Be le ka a Yesu poturbo ãsoo na ara gbor wo v̄oo a soo chen a Juu dēme b̄oorlo n̄aa gb̄agbaa toor ηmaa.

LII Be le ka a Yesu 'yer k̄o w̄o, “De a soo su a sokpa p̄o, bala na j̄eere ni a soo na kpin a soo k̄ūu.

LIII F̄o tier ɪka n k̄õ t̄õ b̄ool a n S̄aa ka w̄o s̄oo ma ni a malakasi gbulo pie ni ayi bi?”

LIV Tiche ηmune le an ure wa ɪ yelm̄ae a le a N̄aan̄m̄un ḡama na 'yer ɪka a n̄it̄õ le na ɪ?”

LV A s̄õo 'l̄õn̄õ, a Yesu s̄oor a n̄iȳoo bala, “A m̄õ n̄ibier le n ɪ ka yi waan s̄oor ni dakorsi a n nyoo f̄o jie w̄e? B̄ibir jaa le n ma j̄ane wile yi a puorf̄o yir bechaar p̄o, ti yaa nyoo ma ε.

LVI Tiche a ɪ naa a le ka a le a N̄aan̄m̄un 'ye'yerbe na d̄õo 'yer a N̄aan̄m̄un ḡama p̄o ɪ yelm̄ae.” Be le ka a Yesu poturbo ba jaa bar w̄o ti jo.

LVII A bala na nyoo a Yesu, chiin w̄o naa a Juu nibe b̄oorlo n̄aa Kayafasi s̄ẽ, ka a n̄ee wiwiilbe ni a n̄ibere ba jaa wa l̄õo taa.

LVIII Tiche ka Pita be a puor jaa turo, na w̄o ti kpe a b̄oorlo n̄aa yir bechaar p̄o, ti l̄õo j̄ane ni a gugurbo, ɪka w̄o nye le an na baar.

LIX Ka a Juu nibe b̄oorlo n̄ibere ni a 'yer t̄oorf̄o n̄ibere p̄aa b̄ooro jir ηmarba ka ba na ηmaa jire 'ȳõo w̄o, ka ba na tu a be k̄o a Yesu.

LX Tiche baa nye ye le jaa a w̄o 'ȳõo ε. N̄iȳoo daan yi ηma jiryoo 'ȳõo w̄o, tiche ka a ba 'yerbie ɪ jirs̄i. A baaraa nibe ayi daan yi

LXI na ba 'yer ɪka, “A daba nȳana le 'yer ɪka, ‘In t̄õo ηmer a N̄aan̄m̄un puorf̄o yir nȳana bar ti de ber ata le men w̄o.’ ”

LXII A be ɛ ka a Juu nɔbe bɔɔrlo nãa ir ara tɪ sɔɔr a Yesu, “Faa tara 'yer jaa na 'yer bu? Bo dãasɛ ɛ a anyã ban dire dɔɔlo fɔ?”

LXIII Tɪche ka a Yesu ɪ jaa gbul. Be ɛ ka a Juu nɔbe bɔɔrlo nãa 'yer, “N sɔɔrɔ fɔ naa a Nãanmɪn nyã na ɪ a vɔr niem, ɪka fɔ 'yer kɔ sɪ, ala ɪ fɔɔ ɛ ɪ a Nɪ-iraa na ɪ a Nãanmɪn Bie.”

LXIV Ka a Yesu 'yer kɔ wɔ, “Ɔɔ, a ɛ nɛ fon 'yer ɛ. Tɪche yɪ jaa ɛ n 'yere kɔɔ ɪka daar kɔɔ, yɪn nyen a maa Nɪsaal Bie na jãne a Kpɛɔ Sɔɔ nɔsɔɔ jie. Yɪ mɪ na ɛ nye ma naa ka n yɪ a julɔjuur pɔ waara.”

LXV Ka a bɔɔrlo nãa tɔɔ a fuu chɪer tɪ 'yer, “Wɔ sɔɔn Nãanmɪn yuor. Bo ɛ so sɪn chene bɔɔrɔ dãasɪdirbe? Yɪ wɔn wɔ tɔ Nãanmɪn.

LXVI Njmunɛ ɛ yɪ tɪer?” Ka ba 'yer, “Wɔ sɛen kũu.”

LXVII Ba chir nataar 'yɔɔ wɔ a nie pɔ, tɪ ma gbul nũu njmen wɔ, ka bamune mɪ ma 'ma wɔ,

LXVIII tɪ sɔɔr, “Nɪ-iraa, ala ɪ fɔ bɔɔn ye le jaa wiil sɪ a nɪre 'lo na njme fɔ?”

LXIX Pita jãne naa a yɔɔ a bechaar pɔ. Ka a gbãgbapɔɔbile ãsɔɔ wa a wɔ sɛ wa 'yer, “Fɔ mɪ dɔɔ turo a Yesu na yɪ a Galilee.”

LXX Tɪche ka wɔ chiir a ba jaa niem tɪ 'yer, “N ba bɔɔ a 'yer 'lo par fon 'yere ɛ.”

LXXI Wɔn wa tɪ ara a dɔɔɔr nɛɛ, a pɔɔbile ãsɔɔ nye wɔ naa na wɔ 'yer kɔ a nɔbe na ara a be, “A daba nyã mɪ dɔɔ turo a Yesu na yɪ a Najaretɪ.”

LXXII Be ɛ a Pita ɛ chiir pɔ tɪ 'yer ɪka, “N ba bɔɔ a daba nyãna ɛ.”

LXXIII A ba kor ε, ka a bala na ara gb̄or a Pita m̄i 'yer, "S̄urε jaa λ, f̄u ι naa a ba ās̄o. A f̄u k̄ok̄or yin fon ch̄aa p̄o."

LXXIV Be λ ka a Pita p̄oro 'ȳōn̄ō a w̄o m̄āε t̄i m̄i p̄oro k̄oro ba 'yerε ιka, "N ba b̄ōo a daba nȳāna ε." Ka a n̄ōraa m̄i t̄ōo k̄ō.

LXXV Be λ ka Pita t̄ier t̄o a λ a Yesu na d̄ōo 'yer, "F̄on chiir ma naa gb̄εε ata t̄iche ka a n̄ōraa k̄ō." Ka a Pita ir yi a ȳōo t̄i k̄ō n̄ibaal k̄ōn.

XXVII

I A wer na wa chaar bibio, a Juu n̄ibe b̄oorlo n̄iberε n̄i a n̄iberε ba jaa l̄ōo taa guor λ ban na ι k̄o a Yesu.

II Ba l̄ū won tara chiin a paal N̄ākp̄εε Pilate s̄ε.

III Judas na gar 'ȳōo w̄o na wa nye ιka ba t̄oor a Yesu 'yer guor a w̄o k̄of̄o, w̄o p̄so s̄ōo naa ka w̄o λ l̄ieb a libibie l̄jer n̄i pie na w̄o t̄i k̄o a Juu n̄ibe b̄oorlo n̄iberε n̄i a n̄iberε.

IV T̄i na w̄o 'yer, "N maal yelbier n̄i un gar 'ȳōo n̄urε na ba maal yelbier jaa ε." T̄iche ka ba 'yer, "S̄i baka ba λ ε? F̄o 'yer a ι."

V W̄o den a libie l̄ob bar a N̄ān̄m̄in puorf̄o yir p̄o, t̄i na w̄o yi t̄i ȳool miir.

VI Ka a Juu n̄ibe b̄oorlo n̄iberε wob a libie na ba 'yer ιka a ba s̄εε ιka s̄i de yaa 'ȳōo a N̄ān̄m̄in puorf̄o yir libie p̄o ε, boj̄ūu a un j̄āi libie.

VII Ban wa guor taa baar, ba den a libie d̄ān a lam̄ier wer a jie ban ma ūno s̄ānba.

VIII Le λ so ka n̄ibe b̄oolo a jie nȳā, "J̄āi Wer," wa t̄ān d̄ina.

IX A ɪn yelmãe nɪ a lɛ a Nãanmɪn 'yɛ'yɛɛ Jeremiya na dõo 'yɛɛ, “Ba den a libibie lijer nɪ pie a lɛ a Isɪral nɪbɛ na sɔɔ de,

X na ba dãn a lamɪɛɛ wɛɛ nɪtãã lɛ a sɪ Soro na 'yɛɛ.”
(*Jeremiya 19:1-13*)

XI Yesu na wa ara a Nãkpɛɛ Pilate niem, wɔ sɔɔɔ wɔ naa, “Fõõ lɛ ɪ a Juu nɪbɛ nãã ɔ?” Ka a Yesu 'yɛɛ “Ɔɔ, a lɛ nɛ fon 'yɛɛ lɛ.”

XII A bɔɔɔɔ nɪbɛɛ nɪ a nɪbɛɛ na sɔɔnõ a wɔ yuor, waa 'yɛɛ 'yɛɛ jaa ɛ.

XIII Be lɛ a Pilate sɔɔɔ wɔ, faa 'yɛɛ 'yɛɛ jaa wɛ? Nyɛ lɛ ban sɔɔnõ a fɔ yuor jã?

XIV Tɪche a Yesu ba haa nɛɛ sɔɔ wɔ nɪ a ala a jaa ban 'yɛɛ dɔɔɔ wɔ ɛ, ka a 'maa a Pilate nɛɛ.

XV A lõɔ difɔ sɔɔ wa ta, ba ma 'yɛɛ ɪka a Nãkpɛɛ Pilate wɔ ir nɪɛ 'lɔ a nɪbɛ na bɔɔɔ a pɔɔ fɔ die pɔ bar.

XVI A sɔɔ 'lõnõ, ba pɔɔn daputuo sɔɔ kõɔ nɪɛ jaa na bõɔ ka wɔ di Barabasɪ.

XVII A lɛ a nɪyɔɔ na wa lõɔ taa, Pilate sɔɔɔ ba naa, “An lɛ yɪ bɔɔɔɔ ɪka n yuo kɔ yɪ, Barabasɪ bɪ Yesu, a 'lɔ ban bɔɔɔ a Nɪ-iraa?”

XVIII Bojũu wɔ bõɔn naa ɪka a nyuur ban tara nɪ a Yesu lɛ so ban nɪyɔɔ wɔ waan a wɔ sɛ.

XIX A Pilate na wa jãɛ a 'yɛɛ tɔɔɔɔ dakɔɔ ju, a wɔ pɔɔ tõn 'yɛɛ wɔ, “Taa ɪɛ wa ɪɛ a daba 'lõnõ na ba maal bon jaa yeɛ jaa ɛ, bojũu jãa, n din dɔɔyɛ jãn pɔ nɪ a wɔ yeɛ.”

XX Tɪche a bɔɔɔɔ nɪbɛɛ nɪ a nɪbɛɛ 'yɛɛ kɔ a nɪyɔɔ ɪka ba sɔɔɔ ka wɔ yuo Barabasɪ bar, tɪ kɔ a Yesu.

XXI Ka a Nãa Pilate le bõõ suor ba go, “A nibe banyã ayi, buor le yi bõõro ɩka n yuo kũ yi?” Ka ba 'yer, “Barabasɩ.”

XXII Ka a Nãa Pilate suor ba, “Tɩ n ɩ ɲmɩnɛ nɩ a 'lo yɩn bõõlo a Nɩ-iraa?” Ka ba jaa 'yer, “Kpa wɔ a daa ju.”

XXIII Ka wɔ suor ba, “Bo yelbier le wɔ ɩ? Bo dɛer le wɔ maal?” Tɩche ka ba tãna kpẽõ jaa 'yere, “Kpa wɔ a daa ju.”

XXIV A Pilate na wa nyɛ bõõn ɩka wɔ kũ tõõ yele jaa ɩ ɛ, tɩche ka a nibe wɩlewɩle jaa tɩ gar, ka wɔ de kõõ pɛɛn a wɔ nuur a nɩyõõ niem, tɩ na wɔ 'yer, “Maa ba pɔõ a daba nyã kũu pɔ ɛ. Yɩn sɛ le a be.”

XXV Be le ka a nibe ba jaa 'mataa 'yer, “Vɛ ka a wɔ jãɩ dõol a sɩn nɩ a sɩ bibiir ju.”

XXVI Be le wɔ yuo a Barabasɩ kɔ ba. Wɔ vɛ naa ka ba fɔb a Yesu tɩ wɔ de wɔ kɔ a sojasɩ ka ban tɩ kpa a daa ju.

XXVII Be le ka a sojasɩ tara a Yesu tɩ kpɛn a nãa yir kpɛɛ 'lo pɔ, tɩ bõõl a ba taaba sojasɩ lõõ taa.

XXVIII Ba yaar a wɔ bonst bar tɩ de fuu jɩɛ su wɔ,

XXIX na ba le de gɔɔr wob nãa jupil kaar su wɔ. Ba den dãgbal 'yõõ wɔ a nũsõõ pɔ, na ba gbur dumo a wɔ niem laara wɔ, “Yãan yooo, Juu nibe nãa!”

XXX Ba ma chir nataar 'yõõ wɔ tɩ de daa ɲmen wɔ a ju pɔ.

XXXI Ban wa la wɔ a nitõ wa baar, ba yãan a fuu jie 'lo bar tɩ de a wɔ mãɛ fuu su wɔ, na ba pãa de wɔ chiin ɩka ba tɩ kpa a daa ju.

XXXII Ban wa yi a sɔr pɔ, ba nyen daba na yi Sireni ka a wɔ yuor di Simon, ka ba nyoo wɔ fir wɔ ka wɔ tuo a Yesu daa.

XXXIII Ba ti tɔn jie ban boolo Gɔlgota, a par le ɪka, Julaa Jie.

XXXIV Ba den tɔtuo 'yɔɔ dɔa pɔ ɪka a Yesu wɔ nyũ, ti won wa lem kaa, wɔ tɔr bar.

XXXV Ban wa kpa wɔ a daa ju baar, ba pɔ naa a wɔ fɔɔr nmen gbɔm bɔɔn ala ɔsɔɔ jaa ni na di,

XXXVI ti na ba jɔnɛ a jie pire wɔ.

XXXVII Ba seb a yeke 'lo jũu ban kɔn wɔ mar a daa ju ɪka, NYE A YESU, A JUU NIBE NĀA.

XXXVIII Ba mi kpan nɪfarba ayi a dabɔbɔnsi mi ju, ka ɔsɔɔ be a Yesu nɔsɔɔ jie ka ɔsɔɔ mi be a wɔ gubaa jie.

XXXIX A bala na tala a be tɔrɔ wɔ, na ba vavire jur

XL 'yerɛ, “A fɔɔ na 'yer ɪka fon nmer a Nɔanmɪn puorfɔ yir ti de ber ata men, faa a fɔ mɔɛ. Ala ɪ fɔ ɪ naa a Nɔanmɪn Bie, wa suu a daa ju.”

XLI Le ni wɔ ju mi le a Juu nibe boorlo nibeɛ ni a nɛɛ wiwiilbe ni a nibeɛ mi laara wɔ,

XLII na ba 'yerɛ, “Wɔ faan nibe bamine, ti wɔ kɔ tɔɔ faa a wɔ mɔɛ ɛ. 'Lo le ɪ a Isɪral Nɔa, wɔ wa suu a daa ju a pɔpɔanyɔna, ka si sɔɔ de wɔ.

XLIII Wɔ sɔɔn Nɔanmɪn. Vɛ ka Nɔanmɪn faa wɔ a pɔpɔanyɔna, bojũu wɔ 'yer naa ɪka wɔ ɪn Nɔanmɪn Bie.”

XLIV Le ni wɔ ju mi le a nɪfarba ayi bala mi ban kpa gbɔr wɔ, mi tɔ wɔ.

XLV A mɔtɔɔ na wa ara gar ju sɔlsɔɔ, a wer wɔ jaa sɔb naa ti tɔn a mɔtɔɔ balfɔ sɔɔ.

XLVI A sɔɔ 'lɔnɔ a Yesu chur kpɛɔ jaa na wɔ 'yer, "Eloi, Eloi, lama sabakatanɪ." A par le ɪka "N Nāanmɪn, n Nāanmɪn, bo le so fon lieb puor 'yɔɔ ma?" *(Yiel Gān 22:1)*

XLVII A nɪbe bala na ara gbɔr wɔ, na wa wɔ a le won 'yer, ka ba 'yer ɪka, "Elaija le wɔ bɔɔɔ."

XLVIII Ajienaa ka a daba āsɔɔ jo chen ti 'mɔɔ sapɔ 'lɔr a dāmiir amɪne pɔ, na wɔ char daa pɔ, de kɔ a Yesu ɪka wɔ mɔɔr.

XLIX Tɪche ka bamɪne 'yer, "Yɪ bar a sɪ kaara, Elaija na wa yɔɔ wɔ naa bu."

L Be le a Yesu chur kpɛɔ jaa ti ηmaa a vɔɔr.

LI Ka a Nāanmɪn puorfɔ yir pɔ, ban lū fɔbaa chɪer a saaju ti gbem a par. Ka a tɛe dām, ka a kɔsɪbe mɪ ηmɛr ηmɛr.

LII A yar mɪ yuo yuor, ka a Nāanmɪn nɪbe bamɪne na dɔɔ kpi, jɛɔ.

LIII Ban wa yi a ba yar pɔ a le, ka a Yesu na wa ir a kūu pɔ baar, ka ba pāa kpe a tɛcheche pɔ, ka nɪyɔɔ jaa ti nyɛ ba.

LIV A sojast nɪkpɛɛ nɪ a bala won ara nɪ na ba pire a Yesu, nyɛn a wɛr na dām nɪ a le jaa na ɪ, ka dābāɛ kpe ba, ka ba 'yer, "Yelmāɛ jaa le, a daba nyā ɪn a Nāanmɪn Bie."

LV Pɔɔ yɔɔ mɪ dɔɔ be a be ara tɛer jaa kaara, bala le dɔɔ tu wɔ yin a Galilee na ba sɔnɔ wɔ.

LVI A pɔbɔ banyāna pɔ le Mɛer na yi Magdala, nɪ Mɛer na ɪ Jemɛst nɪ Josefɔ ma, nɪ a Jebedee bibiir ma.

LVII A jāanɔɔr na wa ta, a taraa sɔɔ kɔɔ na yɪ Arimatya ban bɔɔɔ Josefɔ, wɔ mɪ dɔɔ ɪ a Yesu poturo.

LVIII Wɔ̄ chen a Pilate sɛ̄ tɪ sɔ̄r a Yesu āgān. Ka a Pilate bar sɔ̄r ka ba yɔ̄ɔ a Yesu kɔ̄ wɔ̄.

LIX A Josefo yɔ̄ɔn a āgān pil fɔpɪla,

LX kul tɪ ũu a wɔ̄ mǎε yaa paalaa pɔ̄ won chɪ a kɔ̄sɪr pɔ̄. Wɔ̄ bil kɔ̄sɪr wa pɔ̄ɔ a yaa nεε tɪ na wɔ̄ kul.

LXI Mɛer na yi Magdala nɪ a Mɛer āsɔ̄ɔ ben be jǎnε a yaa puor.

LXII A Chɔ̄ɔrfɔ Bɪbir ka a wer na chaar ka a ɪ a Pɛ̄nfɔ Bɪbir lε, a Juu nɪbε bɔ̄ɔrlo nɪbεrε nɪ a Faraseemɪne chen tɪ 'yer a Nǎkpɛ̄ε Pilate,

LXIII “Nɪkpɛ̄ε, sɪ lε tɪer a lε a jir ŋmara 'lɔ̄nɔ̄ na dɔ̄ɔ 'yer won dɔ̄ɔ chεnε, 'ɪka ber ata daar ɪn lε lɛb ɪr ɪ vor.’

LXIV A lε jũu vɛ̄ ka ba gu a yaa tɪ tǎn a ber ata daar, ka ala ba ɪ lε ε, a wɔ̄ poturbo na chen tɪ ju a āgān a yaa pɔ̄, tɪ 'yer kɔ̄ a nɪbε ɪka, 'lɔ̄ lε ɪr a kũu pɔ̄, ka a bɛlfɔ taa ɪ dɛer gar a lε won dɔ̄ɔ 'yer ε.”

LXV Ka a Pilate 'yer, “Yɪ de gugurbo ka ba tɪ gu a yaa a lε yɪn bɔ̄ɔ.”

LXVI Be lε ba tara a gugurbo chiin ka ba tɪ bε a yaa bɔ̄ɔ pɔ̄ɔ, tɪ na ba 'yɔ̄ɔ a kɔ̄sɪr jǎnε, tɪ 'yɔ̄ɔ ka a gugurbo ara gu.

XXVIII

I A Pɛ̄nfɔ Bɪbir na wa baar, ka a na ɪ a Pɛ̄nfɔ divɪε bio daar a wer na wa chaara wa la la la, Mɛer na yi a Magdala nɪ a Mɛer āsɔ̄ɔ yin chen ɪka ba tɪ kaa a yaa.

II Be lε ka a tɛ̄e dām kpɛ̄ɔ jaa, ka a ɪ Nǎanɪmɪn malaka lε yi a saaju suu wa bil a kɔ̄sɪr bar a yaa nεε tɪ do jǎnε.

III A wɔ nie nylɛ saa nyurfɔ kaar, ka a wɔ bɔ̃sursɩ pɛl jaa pɩlpɩ.

IV Dābāɛ kpɛ̃n a bala na ara kaara, ka ba gīem ara kūn kaar.

V A malaka 'yer kɔ a pɔbɔ, “Yɩ ta joro dābāɛ ɛ, n bɔ̃ɔn naa ɩka a Yesu 'lɔ ban kpa a daa ju lɛ yɩ bɔ̃ɔɔ.

VI Waa be ka ɛ. Wɔ ir naa ɩ vor nɩtāa a lɛ won dɔ̃ɔ 'yer. Yɩ wa muul kaa a jie won gā.

VII Yɩ chen fɔɔ jaa na yɩ tɩ 'yer kɔ a wɔ poturbo, ‘Wɔ lɛb ir a kūu pɔ, na wɔ de yɩ nie chiine a Galilee. Be lɛ yɩn tɩ nyɛ wɔ.’ N pāa 'yer kɔ yɩ.”

VIII A pɔbɔ banyāna yin a yaa par nɩ dābāɛ jo fɔɔ jaa nɩ pɔpɛl chen ɩka ba tɩ 'yer kɔ a wɔ poturbo.

IX Be lɛ ka ajienaa, ka a ɩ Yesu lɛ tuor puor ba, ka ba lo kpa a wɔ niem nyɔɔ a wɔ gbɛɛ puor wɔ.

X Be lɛ a Yesu 'yer kɔ ba, yɩ ta joro dābāɛ ɛ, “Yɩ tɩ 'yer kɔ a n yɛɛ ɩka ba chen a Galilee, be lɛ ban tɩ nyɛ ma.”

XI A pɔbɔ na wa chiine, a sojasi bamɩne na dɔ̃ɔ guro a yaa kpɛ̃n a tēkpɛ̃ɛ pɔ, tɩ 'yer kɔ a Juu nɩbɛ bɔ̃ɔrlo nɩbɛɛ a lɛ jaa na ɩ.

XII A bɔ̃ɔrlo nāa nɩ a wɔ nɩbɛɛ na wa lɔɔ taa, ba guor taa de libiyɔɔ kɔ a sojasi

XIII tɩ na ba 'yer kɔ ba, “Yɩ 'yer ɩka, ‘A wɔ poturbo lɛ wa ju a wɔ āgān a sɔ̃ɔ 'lɔ sin chɛnɛ gā guro.’

XIV Ala ɩ a 'yer nyā wa lon a Nāa Pilate toor pɔ, sin maal wɔ naa ka a wɔ pɔɔ pɛl a sɩ ir yɩ yin wōm pɔ.”

XV A sojasɪ den a libie tɪ na ba ɪ a le ban 'yer ɪka ba ɪ. A Juu nɪbe ma chene na 'yer a yeke nyāna a dɪna.

XVI A poturbo pie nɪ bõ'yen chen a Galilee a tɔɔ 'lo ju a Yesu na wiil ba ɪka ba do.

XVII Ban wa nye wɔ, ba gbur dumo na ba puor wɔ tiche ka bamɪne chene baala.

XVIII Ka a Yesu wa 'yer kɔ ba, "A n Sāa den a kpāen ala a jaa na be a saaju, nɪ a kpāen ala a jaa na be a wer pɔ kɔ ma.

XIX A le jūu, yɪ yɔ a wer wɔ jaa na yɪ tɪ 'yɔɔ paalsɪ ka ba wa turo ma, na yɪ suoro ba a Nāanɪmɪn kɔɔ, a Sāa yuor, nɪ a Bie yuor, nɪ a Nāanɪmɪn Sɪe yuor 'yɔɔ,

XX tɪ na yɪ wile ba ka ba sɔɔ de, tɪ turo bon jaa un 'yer kɔ yɪ. Yɪ bõɔn ɪka un ma ben a yɪ sɛ sɔɔ jaa, tɪ tān a wer baarfɔ daar."

**A Nāaṇmun Nɛtur Oaalaa Gān, Burfoor
Birifor, Southern: A Nāaṇmun Nɛtur Oaalaa Gān,
Burfoor New Testament**

copyright © 2006 Wycliffe Bible Translators, Inc.

Language: Birifor, Southern

Contributor: Aramaic Bible Translation, Inc.

All rights reserved.

2020-11-30

PDF generated using Haiola and XeLaTeX on 18 Apr 2025 from source
files dated 29 Jan 2022

97b1f1fe-19fd-52d9-9481-ad2a6ade2772